

May 6th 1717

DE GALLO

RVM CISALPINO

RVM ANTIQVITA-
TE, AC ORI-
GINE,



GAVDENTIO MERVLA
AVTORE.

*

VIRTUTE DVCE,



COMITE FORTVNA.



APVD SEB. GRYPHIUM
LVGDVNI,
1538.

Ex libris D. Isidori à S. Caetano.



Ad. Phillips & Son, 100 N. 2nd St. Phila.

OR GALLIO

ON GIBALPINO

AT THE GIBALPINO

THE GIBALPINO

THE GIBALPINO



THE GIBALPINO

THE GIBALPINO



THE GIBALPINO

THE GIBALPINO

THE GIBALPINO

THE GIBALPINO

3

HIPPOLYTO MAY
NO AVGVSTAE BACIE
NORVM COMITI ILLV-
STRISS. AC ME-
COENATI
SVO
GAUDENTIVS MERVLA
S. D.



PROFECTO' mi Mecœ-
nas optime, si merita parîs
bus numeris omnia compen-
sanda essent à me tibi: Dîj bo-
ni, quando id ipse facere pos-
sem? Non si uitam(ut facul-
tates interim taceã, quæ quã-
tulacuncq; sunt, tibi acceptas refero, quod siam
breuior) pro tua dignitate effunderẽ. Qua igitur
ratione beneficijs, quibus tibi me in æter-
num deuinxisti, tuis innumerabilibus satisfac-
cere potero? nulla inquam: tametsi phœnicis
tempora uiuendo excederem. Et ne ea tu qui-
dem obtulisti, tãquã qui sperares à me aliquod
emolumentum. Ingratus ne igitur (non hoc
inquam tui, sed aliorum gratia dico, qui uolũ-
tatem erga me tuam superficie tenus, ut nunc
loquimur, exploratã habent) semper uidebor?
minimè. At qua uia, fortasse dicet aliquis, id
effecturus est Merula? Ea certè, si non qua
a z uolucro,

uoluerō, saltem qua potero. At ea, quæ tādē
 erit? Imitabor stolidos profectō, uel stultos,
 uel blennos, ut inquit Plautus, qui cū sapiē-
 ter dictis nequeant, infacetis, insulsisq; risum
 mouent. Non aliter ego officia in me tua uel
 maxima poëtarum more nugis, præsertim cum
 eas (ut inquit doctissimus poëta) esse aliquid
 ipse soleas putare, refarciam, excipiāq;. Acci-
 pe igitur nostrum hoc, qualecunq; id est, opus-
 culum, in quo origines Gallorum, hoc est, nos-
 tras inspicies. Quæ si tibi fortasse (ut ferè
 prædiuinor) minus, ac minus arridebunt, Deos
 immortalis obsecro imitare: quibus eorum

quoque populorum, qui tus, aut myr-

ram non habent, ex puro lacte

sunt accepta sacrificia. Bene

uale decus meum. Mes

diolani Calendis

Maij.

M. D. XXXVIII.

G A V D E N T I I

M E R V L A E A N T I Q V I

T A T I S G A L L O R V M

C I S A L P I N O

R V M

L I B E R P R I M V S.



V O L A V E R A N T ab
urbe, uelut à cauea, uiri
cūm autoritate, & mori-
bus, tum literis & beatifi-
sima ingenij ubertate cō-
spicui, ad geniales ruris
delitias: Quorum singula
nomina si enumerare con-

tenderem, in longum nimis nostra protrahe-
retur oratio. Sat fuerit igitur è plurimis pau-
cos admodum recensuisse: è quibus primas
partes Bonauentura, & Nicolaus Castillionæi
tenebant, quod essent miro & animi, & erudi-
tionis candore. Aderat quin etiam Benedictus
Iouius, antiquitatum mirus obseruator. Ad
cuius dexteram Baptista Landulphus, & Bla-
sius Phyletus affederant, quales (dij boni)
physici: Illuc quoque concesserant iuuenes
nonnulli Ciceronianarum elegantiarum secta-
tores, Hortensius Appianus, L. Annibal Cru-
ceius, & Petrus Franciscus Busca: qui relicto

Patauio & Bononia, Ticinum uenerant ad ingenij cultum sub Andrea Alciato. Qui cum se mutuò salutassent, inquit Phyletus, Cur non fessum imus sub umbram aliquā, quæ huic nostro sit non importuna sermoni, donec Socrates noster Alciatus accesserit: ne dies (quod aiunt pictores) ulla transeat sine linea: tum ne sopor, qui à prandio, ut Plautus attestatur, non perbonus est, nos opprimat. Cum hoc consilium omnes approbassent, sub opacitate ilicis annosæ propter decursum gelidi fontis decessum est. Hic Hortensius, Quantum nunc fortiter gratuler meæ, inquit, cogitari, ne dici quidem potest: cum hic ferè (ut dicitur) hominum præstantiam in sinu teneam. Dii boni, quando ex hoc beneficio uobis relaturus sum gratias: qui huc adduxistis lumina totius Cisalpinæ Galliæ florentissima? Vtinam, Landulphus ait, ueræ essent (de me tantum loquor) quas enumerasti, laudes: Verum cum ingenio mei uires ipse perpendo, puto hoc à te dici ex abundantia amoris quadam, qua optimos quosque prosequeris, ut etiam laudatu apud te digna sint ea, quæ fortasse plures agnoscunt minus. Tum Bonauentura, Hæc planè, inquit (pace tamen dicam uestra) pueriles uidentur exercitationes mihi: dicatur tandem aliquid, quod uestra expectatione sit dignum. Hic tacetibus reliquis, inquit Landulphus, Non consule, sed dictatore

dictatore opus est. Imò, inquit Castillionæus, Phalaride ad hanc pertinaciam euincendam. Eligatur igitur, inquit Cruceius, ex communi consensu tyrannus, qui habeat in nos merum imperium. Placuit id consilij omnibus. Ductis itaque fortibus, Landulpho cessit tyrannica potestas: qui statim Phyletum elegit uicarium sibi: iudices extraordinarios Bonauenturam, & Petrum Franciscum Buscam: qui rebelles castigaret, Hortensium. His peractis desedit Landulphus in eminentiore uiridantis herbæ tumulo, & penes eum Phyletus: & cum graminea sibi quisq; thorum fecisset in herba, inquit Castillionæus: quādo à nobis constitutus sis princeps hodiernus, fortuna multò magis nunc tibi Landulphe formidanda est: feriunt enim summos fulmina monteis, Corpora morbis maiora patent. Memento igitur humanitatis, nec te fugiant exempla crudelitatis extinctæ. Non pepercit fratri Thymeleon: si Iulius fueris Cæsar, inuenies Brutum & Cassium. Nollem Landulphe, tamen hæc dicta à me putes, uel ut admonitor accedam, uel ut seuerè minus tuo imperio utaris: sed ut humanæ conditionis sis memor. Tunc subridens Landulphus, Castillionæe, inquit, hanc ita potestatem exercebo, ut non tyrānum me, sed patrem familiās experturi sitis: nec tyrannicum illud, Oderint, dum metuant, unquam

sentietis: uos tamen obsecro, ut filios, non subditos agnoscam; nam si uos, quales exopto, reperero, me quoque qualem exoptatis facile inuenietis. Agè igitur, inquit Castillionæus, ut & principem te, & patrem cognoscamus. Tūc Landolphus, Nicolaë Castillionæ, inquit, pro tua, quæ semper celeberrima fuit, humanitate hîc antiquitatem Cisalpinæ Galliæ, quam ferè autores omnes & Græci, & Latini intactam reliquere, nobis expone: ut intelligat debere se tibi plurimū posteritas. Tametsi foccus ad cothurnum non ascendat, inquit, Castillionæus, conabor tamen pro uiribus iniunctum onus absoluere: Vos interim omnes oratos uolo, ne has ambages meas circumferatis: nam hac in re non omnibus dormio: ad hæc si quæ frigidaë dictiones exciderint, aut leues sententiæ, tyrannici spiritus importunitati adscribas, non autem mihi. Verum ne quandoque parituriānt mōtes, & nascatur ridiculus mus, dum pauca dico, precor attendite.

De Galliarum diuisione, & circumadiacentibus regionibus.

C A P. II.

ANtequàm situm Cisalpinæ Galliæ dicere aggrediar, res postulare uidetur, Galliarum situm paucis exponere, & eas gentes, quæ finitimæ sunt. Sed quæ loca, & nationes ob intentissima frigora, & assiduam ferè noctem, & diem; item ob uastitatem solitudinis

solitudinis minus frequētata sunt, de his haud
facile compertum narrauerim; cætera q̃ pau-
cis absoluaui. Gallia omnis duplex est, Transal-
pina uidelicet, & Cisalpina, quæ nobis deorum
munere concessa est, illa rursus ex descriptio-
ne C. Cæsaris triplex est; Belgica, Celtica, &
Aquitania. Celtas ab Aquitanis Garumna
flumen, à Celtis Belgas Matrona & Sequana
diuidūt: & hos à Germanis Rhenus. Sic quinq̃
metis finitur; Rheno, Alpibus, Mediterraneo
mari, Pyreneis mōtibus, & Oceano. Ab Oriē-
te enim Gallias à Germania Rhenus, à Cite-
riori Alpium crepidines immensæ dispartiūt:
Mediterraneū mare inter illas & Africā fluit:
Ab Occasu Pyreneis collibus ab Hispania se-
cluduntur. Inter Occasum & Septentrionem
Oceano quoq̃ alluuntur. Ad Alpes iacēt Al-
lobroges, Heluetij, qui ad Celtas reijciuntur.
Secus littus Mediterranei freti porrigit Bra-
chata Gallia: quæ postea Narbonensis est di-
cta, à Narbone colonia: quo in tractu Forum
Iulij colonia est, & Mafsilia à Phocensibus con-
dita: de cuius institutis & moribus ita refert
M. Tullius in Flacciana oratione: Neque uerò
te Mafsilia prætereo, quæ L. Flaccum mili-
tem, quæstoremq̃ cognosti. Cuius ego ciui-
tatis disciplinam, atque grauitatem non solūm
Græciæ, sed haud scio an cunctis gentibus an-
teponendam iure; quæ tam procul à Græco

Transalpina
Cisalpinæ
Belgica
Celtica
Aquitania

Aquitani.
Celtæ.
Belgæ.

allobroges
heluetij.

Gallia Bra-
chata.
Narbonensis.
Mafsilia.

rum omnium regionibus, disciplinis, linguaq;
 diuifa, cū in ultimis terris cincta Gallorum
 gentibus barbariæ fluctibus alluatur, sic opti-
 matum consilio gubernatur, ut omnes eius in-
 stituta laudare facilius possint, quā æmulari.
 Tunc Busca cōtracta ferè fronte, Castillionæ,
 inquit, nisi tua nimis ad Masiiliæ laudes festi-
 nasset oratio, non te audiuissem, q̃ Heluetios
 ad Celtas reieceris. Facit hoc, inquit Castillio-
 næus, C. Cæsaris autoritas, qui de Heluctijs
 scribens, ait: Qua de causa Heluctij quoque re-
 liquos Gallos uirtute præcedunt; quod ferè
 quotidianis prælijs cum Germanis contendāt:
 cū aut suis finibus eos prohibent, aut ipsi in
 eorum finibus bellum gerunt. Cornelius præ-
 terea Tacitus, Irritauerant, inquit, turbidum
 ingenium Heluctij Gallica gens. Sed redeo ad
 Gallos, à quibus me Busca protraxisti. Sunt hi
 quidem omnes bellaces, & studio Martis ex-
 ardent: sumptis armis, quā primum animorū
 feruent impetu; conferendæ pugnae alacritate
 impigres; alioqui simplices, & nulla morum
 malignitate degentes: Idcirco irritati exaspe-
 rantur maximè, & pugnas ineunt μετὰ περισκέ-
 ψεως, nullo tamen negotio ferè placantur. Hac
 nostra tempestate ad disciplinas maximè ex-
 coluere ingenia: & agrum habent frumenti
 præcipuè & pabuli feracem; amœnum salti-
 bus; uenationibus, quibus maximè Galli oble-
 ctantur,

Heluetios
 esse Gallos.

Gallorum in-
 genia.

stantur, idoneum: noxiò animalium genere
minimè euitandum, fluminibus & fontibus ir-
riguum, omnium deniq; ad usum animantium
foetu beatissimum. Totius autem Galliae lon-
gitudo est ccc cxx. mill. pass. latitudo uerò
ccc xiii. mil. pass. non excedit. Gallias porrò
cingit Germania ab Oriente. Hæc à Panno-
nijs, Rheticis iugis, & Danubio, à Sarmatis,
Getis que montibus, & mutuo metu finitur.
Oceanus maiore ex parte anni ibi sæuissimus
cætera (ut aliqui uolunt) ambit. Verùm hac
ætate deprehensum est sinus tantum esse, quos
terra continens excipiat. Suetia enim, &
Norwegia cum Dacia coniunguntur: cui fini-
timi sunt Lapones, ferè sub exordio arctici
circuli: qui omnium gentium commercia ad-
huc euitant: regi tamen Daciæ tributa dant
annua. Sunt, si fortè quæritis, Germani bella-
cissimi. Vnde de his Vergilius inquit:

Armorum sonitum toto Germania cælo

Audijt.

Et infrà:

Hinc mouet Euphrates, illinc Germania bellum.

Facilè Germani frigora sustinent: & hyeme,
quàm æstate ad munia belli sunt præstantio-
res. Bella autem cum finitimis non avaritiæ,
aut imperandi studio tractant: sed ut circum
se uastæ sint solitudines. Sunt hospitibus bo-
ni, & supplicibus mites. Dat Germania crys-
talli, succini, ceraunij candidi, & uiridis gallæ
ci cop

*Gallie lon-
gitud, &
latitudo.*

*Suetia
Norwegia
Dacia.
Lapones.*

ci copiam. Germanico Cæsare cum hyemaret exercitus Italorum in Germania, miræ uirulentia fons repertus est, ex quo qui bibisset, dentium iacturam intra biennium, & genualium compaginum dissolutionem subibat, ut standi nulla facultas daretur. Huic pesti remedio esse herbam soiam, quæ britannia dicitur, compertum est. Habet item hæc regio Visonem, mirabili pernecitate animalis. & Vros feræ forma tauri, quorum uis est & celeritas extra fidem. Alces similes essent capris, nisi essent maiores, pellibus uarijs, & cruribus sine interodijs: Idcirco si quo casu concidunt, subleuandi se nulla est potestas. In Germania quoque sylua est Hercynia, tantæ magnitudinis, ut in ea plures hostium exercitus commodè castrametentur. In cuius medietate planities fertilissima est: quam qui incolunt Cherusci infidi sunt, propter locorum cum ad insidias, tum ad fugam idoneam opportunitatem. Ab his cum tribus legionibus deletus est Quintilius Varro. Tanta autem, & sic immensa est eius syluæ uastitas arborum, ut immortalis forte fere posita esse uideatur. Manifestum est enim occurrentium inter se radicum percussu colles eleuari, aut ubi tellus non subsecuta sit, arcus ad ramos usque, & ipsos inter se rixantes curuari patentium portarum modo: ut rectis hastilibus cum curribus, impedimentis, & tor

in uir
uirtutis.

Vifons.

Vri.

Alce.

Hercynia
Sylua.

Cherusci.

& tormentis bellicis copiae sine difficultate pertranseant. Habet hic saltus Hercynius alites, quibus nusquam gentium similes reperiuntur. Harum enim uolucrum pennae per noctem ita emicant, & interlucent, ut eius regionis homines plerunque nocturnos excursus destinant, atque illis utantur ad praesidium itineris dirigendi: praefactis enim per opaca callium pinnulis rationem uiae plumarum resfulgentium moderantur indicio. Fulgent & in obscuro Lampyrides: quarum fulgoris rationem Soligenes est conatus adducere, scribens flammulenta animalia naturam aetheris habere, & quinti elementi portionem participare, & ea cognatione fieri, ut illucescant. Quod tantum id eueniat noctu, ob id dicit accidere, quod minus lumen a maiore soleat obumbrari. Venio nunc omnibus (quod aiunt) remis, uelisque in Citeriorem Galliam.

De populis Galliae Citerioris,

eiusque diuisione.

CAP. III.

INter Apenninum uero, & Alpes, & Sinum Adriaticum interiacens planities Citerior Gallia nominatur: non Italiae modo, uerum & totius orbis scriptorum omnium cum Latinorum, tum Graecorum suffragiis beatissima. Hanc rursus bifariam diuidimus, in Transpadanam uidelicet, & Cispadanam. Transpadana ad Alpes extenditur, & ad Apenninum

Transpadana

Cispadana
Togata Gal
lia.
 ninum / Cispadana : finiturq; Pado, Rubicon
 ne, & Apennino : diciturq; Togata Gallia:
 quod eius tractus homines toga Romano
 rum passim uterentur. Bis, inquit Cruceius,
 per loca illa circa Ariminum, mihi transitus
 euenit, nunquam tamen Rubiconem (quod
 sciam) tranauit: quanquam diligens extites
 rim in inquirendo hoc tam celebri fluuio. Ad
 hæc Castillionæus inquit, Rubicon non pro
 cul à Sarinna, Plauti patria, fontes habet: uo
 caturq; hac ætate à circumuicinis populis ma
 terno idiomate Altiusrugum, paulò inferius
 Rugozum, nouissimè non procul à sinu, in
 quem influit, Adriatico Pisciattellum ingredit
 tur per duo millia iuxta Cisennā. Non est au
 diendus Vibius Sequester, qui Rubiconē pu
 tat eum esse fluuiū, qui Varus appellatur in
 ter Auinionetum, & Niceam in extremis Li
 guriæ finibus. Non est hoc loco silentio inuol
 uēda, quæ in ponte Rubiconis fuit inscriptio:
 ut intelligant omnes, Gallos Cisalpinos & Ita
 los mutua concordia fuisse disiunctos.

IMP. MILES, TYRO, ARMATE
 QVISQVIS ES, HEIC SISTITO:
 VEXILLVM SINITO: ARMA DE
 PONITO: NEC CITRA HVNC A
 MNEM RVBICONIS SIGNA, AR
 MA, EXERCITVMVE TRADVCI
 TO.

TO. SI QVIS ERGO ADVERSVS
PRAECEPTA IERIT, FECERIT
VE, ADIVDICATVS HOSTIS E-
STO P. R. AC SI CONTRA PA-
TRIAM ARMA TVLERIT, SA-
CROSQ. PENATES E' PENETRA-
LIBVS ABSPORTAVERIT. SAN-
CTIO PLEBISSCITI S'VEC, VL-
TRA HOS FINES ARMA PROFER-
RE LICEAT NEMINI.

Basim trianguli littus Adriatici maris efficit
ab Arimino, siue ut vult Pomponius Mela,
ab Anchona usq; ad Polam. Campi autē sunt
patentes, rerum omnium copia fecundissimi.
Qui sic opimi sunt, & fertiles, ut & ubertate a-
grorum, & uarietate fructuum, & magnitu-
dine pastionis, & abundantia earum rerum,
quæ ad uictum hominis spectant, & exportan-
tur, facile omnibus terris antecellat. Mediam
Padus amnis secat, fluuius terrarum arbiter,
& rerum discrimen, ut is demum cæteris im-
peret, qui sub sua potestate subiectum habeat
Padum. Hoc cum Senatus Romanus aspice-
ret, hinc Cremonam, illinc Placentiam colo-
nias deduxit: quarum opportunitate gentem
Cisalpinorum Celtarum bellandi studio in-
flammatam, & ad singula momenta rebellan-
tem à multis illatis, acceptisq; cladibus in ami-
citia

Padus.

*Cremona.
Placentia.*

Bondicus.
Eridanus.
Padus.

citia continuit. Hunc fluuium Vesulus mons inter Alpina fastigia eminentissimus emittit: & eum dicunt Ligures Bondicum, Tusci Botis gon, hoc est, fundo carentem, Græci Eridanū, maiores nostri, hoc est, Cisalpinī Galli Padū, à copia piceæ arboris, quæ eorum idiomate, ut autor est Metrodorus Sceptius, Padus tūc appellabatur. Per fines Salassorum modico fluctu dilabitur: mox augetur à duabus Dorijs & Morgo fluminibus per agrum Taurinorū.
 Failitur hoc loco Plinius, qui ait, Padū ex raptō sibi nihil uendicare: quando certum sit ante Ticinī & Abduæ ingressum plurimis in locis equo uadari posse. Ab Alexandria ad Vi tellianum oppidum usque, quod nunc Viadanam uocāt, Carolus eius nominis quintus Imperator obtinet: mox aquarum illuuiōe stagnantem dux Mantuanus excipit: quem postmodum in ramos diuisum Ferrariæ dux Hercules aspicit: discursuq; suo in mare Adriaticū usque Deltam facit. Cæterum Græci ante Polybium, qui de hoc fluuiō aliquid posteritati tradidēre, ubinam gentium sit Eridanus maxime dubitarunt. Siquidem Strabo Eridanum nusquam reperiri, aut insulas Electra ferentes, in quibus sint aues Meleagrides, attestatur. Aeschylus in Iberia Eridanum esse prodidit, appellariq; Rhodanum. Dī boni quas nugæ? Apollonius Padum & Eridanum in Adriam confluere

*istellianū. est
viadanā.*

confluere scripsit. Ex his Euripides scopum
 ueritatis attigit, cum inquit: Ἀρβείη δ' ἐπὶ πόντῳ
 κύματα Ἀδριακῆς ἀκτῆς Ἑριδανὸς δ' ὕδωρ ἐνθα πορ-
 φύρειον σαλάσσοισι ἐν ὀϊδίῳ πατρὸς τέλαναι κόραι
 φαίδοντες ὀϊκτῶ δακρύων τὰς ἡλεκτροφαῖας ἀνγας.
 Id est, Diligebat utique in marinam undam
 Adriatici litoris Eridani aqua, ubi purpureā
 stillant in undam patris miseræ puellæ Phaë-
 thontis miseratione lachrymarum electri luci-
 di splendores. Cum igitur Græcorum pauci
 admodum sciuerint quo nam in tractu sit Pa-
 dus fluuiorum (ut inquit poëta) rex, non mi-
 rum, si tam dissona, & inter se repugnantia scri-
 psere. Hæcque faciliorem ignorati succini ues-
 niam facit ignorantia Aristoteles autor (ut sci-
 tis) & grauissimus, & eloquentissimus penes
 Padum paludem quandam fuisse attestatur ca-
 lidis & dirum exhalantibus odorem aquis res-
 fertam, adeo ut ex eis nullum animal biberet:
 nec uolucres eius regionis superuolarēt, quod
 in illam Mephitim deciderent. Paludis latitu-
 dinem denum stadiorum, ambitum uerò du-
 centorum extitisse idem scribit. circa autem
 marginem crebras fuisse & altissimas popu-
 los, quibus omnis circumpadanus tractus as-
 bundat in memoriam Phaëthontis, & ab ijs la-
 chrymas uerno tēpore distillantes inter aquas
 eius paludis duriciem lapidis imbibere, quas
 postmodum loci illius accolæ per uniuersam
 b Italiam

Lo de mixtura
 soultatione
 in elixir
 snh/ mnn

Padus in
 longitudo

Electrides
insula. Italiam & Græciam collectas comportant, &
 uenaleis habent. Illius uerò è regione (si eidem
 credimus) insulæ, quas Græci Electrides uo-
 cant, extitère: has autem Padus longa seculo-
 rum intercapedine cœnosa colluuiæ continēti
 applicuit. Ad has Dædalum cum filio Icaro
 Minoem fugientem, deuenisse sunt ex Græcis
 qui scribant: & in illarum una æneam statuam
 sibi, & in altera stanneā filio erexisse: sed super-
 ueniētibus Pelasgis ab insulis Electridibus au-
 fugisse in insulam inter Sardū Siculumq; pon-
 tum, quam ab Icaro ibi uita functo Icarum uo-
 cauit: & in ea post & ipsum extremum diem
 clausisse. Non desunt igitur qui putent in ea
 palude Phæthontem obijisse, & iccirco malè
 etiam olere. Certatim tamen cæteri Græcorum
 scriptores aiunt in Pado temeritatis pœnas
Succinum. dedisse: & quæ circa sunt Padum populos suc-
 cinum emittere. Dioscorides à nigra populo id
 diffluere, cadensq; in Padum durari, ac coire
 in lapidem preciosi generis: & idem ferè scri-
 bit Paulus Aegineta. Solinus à Barbaris in
 Cisalpinam Galliam succinum primò depor-
 tatum dicit: & quòd in ea Itali & Græci inspe-
 xerint, ibi etiam ortum succinum sunt arbi-
 trati, cum sit certissimum non aquis illud, sed
 ut CrySTALLUM uehementioribus frigoribus in
Gleffaria in Gleffaria, quæ insula est in Septētrionali Oceano,
sula. no, durari. Germanico enim (ut ipse inquit)
 Cæsare

Cæsare omnes Germaniæ oras scrutante com-
 perta arbor est pinei generis, cuius mediale
 Autumni tempore succino lachrymat. Rude
 primò nasci adfirmat, & corticosum, mox ad
 expolitionem incoqui adipe lactentis suis. Pro
 ingenioli mei facultate conatus sum uobis ob-
 sequi, non quòd sperarim omnino, ad amussim
 (quod aiunt) Topographiam hanc uobis ape-
 rire: præsertim cum parcissima admodum apud
 Cosmographos huius habeatur mentio. Nunc
 tuæ erunt humanitatis partes, princeps opti-
 me, uacationem dare huic meo labori: idque fa-
 cturum te libentius spero, quando adesse ui-
 deas hic uiros longè me doctiores. Hæc cum
 dixisset Castillionæus, conticuit. Tunc Lan-
 dulpus, Quando, inquit, ista meritò uacatio
 debeat tibi, non possum non eam tibi conce-
 dere, atque etiam gratias agere, qui sic pensum
 humanissimè tuum absolueris. Nunc Blasii si-
 tum & populos, qui primi sunt ex Vltiore
 Gallia in hanc Citeriorem uenienti, declara-
 bis: præsertim cum tu sis ex Montecalerio, *Montecale-*
 quod oppidum est licet in Apennino, non pro-
 cul tamen ab Alpibus Coctiarum. Conabor,
 inquit Blasius, manum ponere in alienam mes-
 sem, fretus tua, & horum humanitate: felicius
 tamen canonem Galeni aliquem imposuisses
 mihi, si adagij illius, quo admonetur Sutor, ne
 audeat ultra crepidam, memor extitisses. Quan-

do igitur referre ~~pedem~~ non liceat mihi, are-
 nam ingredior. *Salassi.* Primi inter Padum & Alpes
 sunt Salassi, ut his ferme uerbis attestatur Stra-
 bo libro quarto: Contraria uerò de parte Du-
 rias sese immiscet Pado per Salassos intra
 Alpes illabens Gallia. Si ergo Durias, qui per
 agrum Taurinorum fluit, per Salassos illabi-
Pedamonta- tur, eum tractum, qui Pedamontanus hac
nus tractus. tempestate nominatur, ad Salassos reijciam:
Eius urbes. quorum sunt urbes Mons Regalis, Augusta
 Salassorum, Segusium, Augusta Taurinorum;
 citra Padum Asta est colonia Romanorum,
 Bobium, & Pollentia, quarum meminit his uer-
 sibus Claudianus poeta celeberrimus.

—Nec plus Pollentia rebus

Contulis Ausonijs, aut moenia uindictis Aste.

Pollentia. Erat autem Pollentia urbs olim eximia, inter
 Alexandriam, & Astam, ad ripas Tanari: nunc
 pagus est exiguus. Pollentinas lanas his uer-
Colu. libr. 7. bis Columella commendat: Sunt etiam suapte
cap. 2. natura pretio commendabiles pullus, atque
 fuscus, quos praebet in Italia Pollentia, in Boe-
 tica Corduba. Volateranus id municipium pu-
Pallantia. tauit esse, quae Pallantia est in margine Ver-
 bani lacus: in cuius agro Cn. Plancum à Mar.
 Antonio triumpho & bello superatum, & in-
 terfectum scribit. Vbi haec Volateranus expi-
 scatus sit, uiderint alij. Fuere Gotthi in Pollen-
 tino agro à Stilicone fortunatissimo prelio de-
 uicti:

uicti: cuius uictoriam Aurelius Prudentius plurimis carminibus prosecutus est, è quibus hæc:

Tentauit Geticus nuper delere Tyrannus
 Italiam, patrio ueniens iuratus ab Istro:
 Has arces æquare sôlo, tecta aurea flammis
 Soluere, mastrucis proceres uestire togatos.
 Iamq; ruens Venetos turmis protriuerat agros:
 Et Ligurum uastarat opes, & amœna profundi
 Rura Padi, Tuscumq; solum uicto amne premebat.
 Depulit hos equitum nimbos non peruigil anser
 Proditor occulti tenebrosa nocte pericli:
 Sed uis cruda uirum: perfractaq; congregicntum
 Pectora: nec trepidans animus succumbere leto
 Pro patria & pulchram per uulnera querere mortem.
 Nunquid & ille dies Ioue contulit auspice tantum
 Virtutis pretium: dux agminis imperijq;
 Christipotens nobis iuuenis fuit: & comes eius,
 Atque parens Stilico: Deus unus, Christus utrique.
 Huius adoratis altaribus, & cruce fronti
 Inscripta cecinere tubæ: prima hasta Draconis
 Præcurrit, quæ Christi apicem sublimior effert:
 Illic ter denis gens exitiabilis annis
 Pannoniæ poenas tandem deleta pependit.
 Corpora famosis olim ditata rapinis
 In cumulos congesta iacent: mirabere seris
 Seclis posteritas inhumata cadauera latè
 Quæ Pollentinos texerunt ossibus agros.
 O celebranda mihi iunctis Pollentia seclis:
 O meritum nomen, felicibus apta triumphis,
 Virtutis fatale solum: memorabile bustum

b 3

Barbarie:



Barbarie: nam sæpe locis, ac finibus illis
Plena laceſito redijt uindicta Quirino.

Forum Triennorum. **A** Pollentia abest duobus ferè mil. pass. ue-

Bertonorin.

Bobium.

Ceua.

Tanarus fl.

Strabo 2º

tustissimum Triennorum forum: quod hac
ætate Bertonorium uocamus. In Alpibus Co-
ctijs est Bobium: ad maritimas Alpes iacet
Ceua, titulo Marchionatus illustre manici-
pium: ex his locis oritur Tanarus. Fuère os-
lim gentes istæ Salassorum (quanquàm ex ma-
ioribus suis nunc habeant nihil) maximè bel-
laces. Ab eis D. Brütus cum M. Antonium ad
Mutinam uictum insequeretur, interceptus
est: nec prius dimissus quàm data uiritim
drachma. Messala quoq; cum penes istos hye-
maret, pro raptis à populatoribus lignis ad
comburendum, pretium pendere coactus est:
& C. Cæsaris pecunias semel diripuerunt. Eos
tamen Augustus Cæsar deleuit: & qui super-
fuerunt ad Hipporhediam deportatos sub co-
rona uenundedit. Augustam Taurinorū Pœ-
nus Annibal deleuit, cum in deditionem uo-
lentis uenire nollet. Salassos, quos Polybius
Λάσος appellat, Lebui Galli sequuntur: quorum
urbes sunt Augusta prætorum in faucibus
Graiarum, Penninarumq; Hipporhedia à Ro-
manis condita uersuum Sibyllinorum iussu.
Has duas urbes Romani excoluere, quòd su-
bitas montanorum excursiones reprimerent.
Augustam enim prætorum Diuus Cæsar am-
pliavit,

Lebui.

Augusta
prætorum.
Hipporhe-
dia.

pliauit, additis tribus Ro. millibus / Mox sunt
 Vercellæ ad ripas Siccæ, quem Plinius Sesi- *Vercelle.*
 tem uocat. In quarum agro aurifodina fuerant *Siccia fl. o*
 patrum Ro. liberalitate sublata, Italia uisceris *985145.*
 bus parcere iubentium, In hac urbe commo-
 ratus est D. Brutus cum egentissimis tyronia-
 bus. Tycionum familia nō tam antiqua, quā
 antiquissima, est apud Vercellenses, quando
 eius meminerit M. Tullius in epistolis ad D.
 Brutum, iuxta Vercellas Castinus Ioannis a-
 dulterini imperatoris copiarum dux & supe-
 ratus & captus est ab Ardaburo Oriētis præ-
 fecto sub Valentiniano tertio. Tempestate Di-
 ui Hieronymi semideserta erat urbs Vercella-
 rum, & inter Ligusticas urbes ab eodem re-
 censetur. Conditam refert Plinius à Salijis Ly-
 bicorum. Sed animaduertendum, textum Pli-
 nianum mendis non uacare, quas uir oculatis-
 simus Hermolaus Barbarus non uidit. Potius *pli luy*
 enim legerem Lebuorum cum T. Liuius, aut
 cum Polybio Libetiorum, siue Lebetiorum,
 quā Lybicorū. Nec uos moueat lectio Pto- *plu luy*
 lemei, quando & ipse eadem macula sit insper-
 sus. Sunt autem ~~Salij~~ ultra Niceam populi *Salij.*
 montes incolentes. Decimo à Vercellis lapide *Novaria.*
 Orientem uersus Nouaria est urbs uetustissi-
 ma: eam, si Plinio id referenti credimus, con-
 didere Vocontij: Tametsi Nouarienses fama,
 quæ plerunque uim testimoniorum habet,

conditorem Herculem iactent. Nobilitata est ea ciuitas cum literarum, tum armorum uiris illustribus: L. Albutium Sillonem rhetores celebrant: qui sub Pisone Mediolanensium prætor fuit: & Romæ sub Augusto Cæsare rhetoricen publicè docuit, ut autor est Suetonius: & theologi Petrum Sententiarum magistrum: cuius uigilijs omnis debebit, quæ Christianum nomen profitebitur, posteritas. Fuit & Dulcinus ex nobilissima Torniellorum familia, hæresiarcha, in quem cum Clemens quintus Pontifex Romanæ ecclesiæ animaduertendum censuisset, ipse in summas Alpes, quæ Nouariensi agro imminet, se cum sectatoribus recepit. Quos crepidinum & altitudo, & difficultas tutatæ fuissent, nisi superueniens nix solito copiosior plurimam eorum partem & fame, & frigore confecisset. Dulcinus monachus cum Margarita coniuge in hostium potestatem decidere, qui peristentes, in quam excitauerant hæresi inter cruciatus animam efflauerunt. Inuentus est & Nouariensis alter hæreticus, cuius miram pertinaciam ad mortem usque celebrat frater Baptista Mantuanus. Hoc euenit Nouariensibus propter natium ingenij acumen. Nouariæ cum essem, hanc in pario marmore insculptam memoriam legi: quæ cum non mediocrem antiquitatis fragra

L. Albutius
Sillo.

Petrus Sen-
tentiarū ma-
gister.
Dulcinus hæ-
reticus.

fragrantiam maximè redoleret, hic adscribendam censui.

TERENTIA Q. F. POSTV MINA
SIBI ET C. VETVRI LVCVMO-
NIS VIRI SVI ET C. VETVRI C.
F. POSTV MINI F. SVI NOMINE
BALINEVM ET LAVATIONEM
SOLO PRIVATO GRATVITAM
IN PERPETVVM DEDIT.

Hoc in elogio illud obseruatione dignum existimaui, quod ubiq; Postuminus sine flatili insculptus est; quod iccirco ueteres factitarunt, aurium iudicio consulentes propter pingue quoddam, quo & repletur, & dictio illa exasperatur: habet enim aspiratio medium inter consonantem & uocalem gradum. Floret adhuc Nouariæ uetusta illa Albuciorum familia: cuius Mediolani uidere licuit innumera monimenta, è quibus unum adiunxisse sat fuerit, in Bulenterio ueteri, qui locus est iudicijs adscriptus.

D. M. V. F. T. ALBVCIVS FIRMVS
VIVIRIVN. ALBVCILLI. T. C.

Catiorum Nouariensium familia, quod nuper effossum est Mediolani, quam uetusta sit, hoc mnemosynon indicat: quod cum Basim præstaret & à fronte, & à tergo hisdem notis

b s inscri

Catij.

Quadrati.

inscriptum legitur: quod hic ideo tantò libentius adnotaui, quantò in eo & illorum & Quadratorum præclara sit mentio: quæ Volusenum Quadratum à C. Iulio celebratum habuit: & hinc coniectari possumus illum Insu-
brem fuisse, quando horum opera plurimum Cæsar uteretur. Accipe igitur Roche Quadrante tuæ familiæ æternam memoriam, licet imperfectam.

L. L. QVADRATVS VIVIR SEN.
SIBI ET GRATAE L. ET C. CAE=
CILIO C. L. MERKATORI A=
MICO ET T. CATIO T. L. E=
ROT AMICO.

Portij.

Sunt in eadem urbe Portij, sola Catonum memoria celebres. Irrigatur passim Nouariensis ager manuarijs fossis, quibus copiosiori fluctu maior est Maura Sfor. ducum opus memorabile: qui nauium capax esset, nisi plurimo spatio celeriori cursu intuentium oculos subterfugeret. Habet Nouaria ferè in suburbij flu-

Aconia flu.
Terduplus
flumen.

Forum Le-
buorum.

uiolos miræ iucunditatis duos: Aconiam uidelicet ab Occasu, & Terduplum ab Ortus: qui ambo per Lacmellinum agrum se exonerat in Padum. In extremo agri Nouariensis margine municipium est, Forum Lebuorum, siue Libetiorum, aut Lebetiorum credibile est à maioribus nostris uocatum. Hac ætate Burgum
Lau

Lauizarium nominant: quodd lebes uasis sit
genus, ut scitis, ad obsonia coquenda: & ideo
ad uernarum linguam descēdens, superiorum
temporum ignauia, siue potius tabellionū in-
fantia Lauizarius dici pagus ille cœptus est. *Lauizarius.*
Floruit pluribus uiris literarum politia illustri-
bus, Domitio Calciato, & Iacobo Maieto, qui *Domitius*
merito Latinæ syrenes appellari possunt. Ibi *Calciatus.*
quoq; familiæ Merularum sunt reliquæ: quæ *Iacobus*
quanto in honore fuerit apud Romanos, uete- *Maictus.*
rum declarant historiæ. Apud Insu-bres etiam *Merularum*
quantæ autoritatis extiterit, marmoreus la- *familia.*
pis in turri cognomento Imperatoris Medios-
lani hîc satis ostendit.

TREBIA C. F. FILVMENA SIBI *Tiucius*
ET L. TIVTIO MERVLAE VIVIR *Merula.*
II, IVIR III, IVIR TESTAMENTO
FIERI IVSSIT.

Hinc ad primum lapidem Syllæuenium Syl- *Syllæueniū.*
lanæ pietatis rarum profecto monumentum.

A Forolebuorū rursus ad solis Occasum ad
quintum uix lapidem Rhadium est, & qui *Rhadium.*
adiacet cāpus Rhadius appellatur, in quo C. *Rhodobium.*
Marius prælio fortunatissimo Cimbros dele- *Cimbri à C.*
uit: & quod hoc in loco est oppidum, quibus *Mario pro-*
dam immutatis & additis literis Rhodobium *figati.*
nominatur. Nec uos moueat L. Florus, qui *L. 3. 1. 1. 1. 1.*
Cimbros in Veronensi planitie deuictos com- *bris. 1. 6.*
memo

memorat. Argumento sunt certissimo contra
Castra Ma- L. Florum Castra Mariana octauo à Nouaria
riana. Infm lapide secundum ripas Sefitis. Eusebius præ-
10. v. v. p. x. terea annalium diligentissimus obseruator me-
 moriæ prodidit, inter Padum & Alpes à Ro-
 manis Cimbros non longe ab urbe Vercellæ
 rum fuisse profligatos. Et idem scribit Plutar-
 chus in uita C. Marij (Non interrupissem te
 (inquit Landulphus) Blasi, si paulò diffusius
 mihi declarasses & Sallyum & Vocontiorum
 situm: & qui Lybici sint in Cisalpina Gallia
 apud Ptol. Hos quoniam ne è domo quidem
Sallyes. (quod aiunt) ut uiderentur, eduxisti Sallyes
 sunt (inquit Blasius) populi Narbonensis Gal-
 liæ citra Rhodanum, quibus ab Occasu oppo-
Volcæ. siti sunt Volcæ ultra Rhodanum, ubi is del-
 tam facit. Blondus, cuius aliquando opinio-
 nem sum secutus, Sallyes ponit in montibus,
 qui Niceæ imminet. Plinius libro (ni fallor)
 tertio Sallyes inter Ligures transalpinos enu-
 merat: nec decipitur, quando ea Gallia pars,
 quam Brachata uocant, aliàs ad Italos Ligū-
Albienses. res spectaret. Post Sallyes tenent Albienses &
Albæci. Albæci, ut autor est Strabo libro quarto:
Vocontij. Mox Vocontij montana in Septentrionē uer-
 gentia, quorum regio ad Allobrogas usque
 protenditur per profundas ualleis. Quorum
Vertacomat- præcipuus pagus olim fuit Vertacomatōra.
tora. Cuius incolæ, ut uult Plinius, inter Ticinum
 & Se

& Sesitem Nouariā condidere. Venio ad Lybicos, quos nusquam Carolus imperator in hac Cisalpina Gallia reperit, sed in Africa, cum expulso Caradino Rubrobarbo M. Turcæ archipyrata celebratissimo Tunetū prædæ exposuit. Corruptam autem esse cum apud Ptol. tum apud Plinium dictionem, facilis est coniectura. Apud T. Liuium Lebuos legisse uos puto: quos Polybius Lebetios appellat.

Redeo nunc, quò citius uos expediā, ad pensum meum. Ad ripas Ticini Vergeminum est, olim oppidum, nunc Francisci Sforcia ducis Insubrum ciuitas. Qui hanc condiderint, legisse me nusquam memini. Ante Gotthorum illuuiōē huius ne mentio quidem (quòd ipse sciam) facta est. Viglebanū Hermolaus Barbarus nominat. In Vergeminatum agro uilla est Sforciaca, ab eodem his uersibus celebrata:

Vilis gleba fui: nunc sum ditissima tellus:

Cur? quia Sforciadum me pia dextra colit.

Mutata est facies: mutauī nomina, uilis

Dicebar: dicor nunc ego Sforciaca.

Litanicus agros tulit hos: nec poenitet esse,

Autorem pacis conuenit agricolam.

A Vergemino, siue mauultis quoq; uos Viglebanū dicere, propter decursum Ticinij Casilinum. filinum uetus est, & nouum uersus Septētrionem. His in locis formæ castrorum quadratæ adhuc uisuntur: quæ alij Annibalis castra esse contendunt,

Vergeminū. = p. V
gleba nunc

Viglebanū.
Sforciaca
uilla.

Casilinum.

Annibalis
castra.

contendunt, quòd hoc in tractu erga patrem
 iamiam ab Annibale occidendum prima Sci-
 pio, cui postea Africano cognomen fuit, ex-
 perimenta certissima & pictatis, & uirtutis
 ediderit. Secundo aut paulò plus à Vergemi-
 no lapide uersus Meridiem sunt Geminae co-
 lumnae, municipium sanè uetustissimum, &
 ob uenationes principibus gratissimum: quod
 Gambalotū. nunc Gambalotum uocatis. Habeo super hac
 re, quo meam uobis opinionem probem, Am-
 mianum Marcellinum libro, si tamē recte me-
 mini, decimoquinto: Deinde (inquit) diebus
 paucis ex Helena Constantij sorore eidē Cae-
 sari coniugali foedere copulata, paratisq; uni-
 uersis, quæ maturitas proficiscendi poscebat,
 comitatu paruo suscepto Calend. Decembri-
 bus egressus est, deductusq; ab Augusto ad-
 usque locum Duabus columnis insignem, qui
 Lacmellum interiacet, & Ticinum, itineribus
 rectis Taurinum peruenit, ubi nuntio percul-
 sus graui, qui nuper in comitatum Augusti
 perlatus de industria filebatur, ne parata de-
 fluerent. Postrema Lebetiorum urbs est Lac-
 mellum, ita enim eam cum Ammiano appella-
 uisse placuit: non autem cum Ptol. Gaumellū,
 aut Laumellum cum Antonino Pio. Hoc tem-
 pore pagus est satis contractus, nec quicquam
 ostentans antiquæ nobilitatis, præter nomen.
 Hoc in loco Theodolinda, Garibaldi regis fia-
 lia

lia, mulierum omnium suæ ætatis & morum
 sanctitate, & animi, & corporis dotibus præ-
 stantissima defuncto Chiltiberto, siue (ut alijs
 placet) Anthari Deiphonis filio Longobardo-
 rum rege Agilulphum cum forma, tum inge-
 nij, & corporis uiribus illustrem præfectum
 Longobardorum, qui in Augusta Taurinorū
 hyemabant in maritum elegit. Quem postmo-
 dum à nefaria Arrianorum hæresi ad syncerā
 Christi fidem reuocauit. Quibus florentibus
 Maomethes Arabs, à quo contaminatissimū *Maomethes.*
 adiuuante Syluio Monacho dogma primitus
 emanauit. Agilulphus Longobardorum dia-
 demate redimitus necessitate ductus, contra
 Romanos arma mouit, eosq; aperto Marte de-
 uicit: & Cremonam, Mantuamq; quæ adhuc
 pro Romanis stabant, ui cepit. Per Lacmelli-
 num agrum dilabuntur Terduplus & Aconia *Terduplus flu.*
 pisculenta flumina. *Aconia flu.* ¶ Nunc, tametsi metas Sa-
 lassorum pertransierim, tyranne humanissi-
 me, ut conquiescam, tandem impera, Quando
 Insubrum regio patentissima mihi perspecta
 sit minus ¶ Tunc Landulphus ad Bonauentur-
 ram Castellionæum conuersus, inquit, Quando
 & Insuber sis, & patrij honoris studiosissimus,
 eruditissimusq; , & sermonis elegantia candi-
 dissimus, non pro mea quæ in uos est potestas
 te, impero, sed te miræ humanitatis uirum ob-
 secro, ut Insubrum tractum nobis exoptanti-
 bus

bus exponas / Ad hæc Castillionæus, ne alijs contumaciæ sim (inquit) exemplo, quæ scio, & quæ fortasse etiâ nescio, dicam. Verum si uos citius quàm (ut dicebat Augustus) coquantur asparagi, expediero, ne mihi, sed ingeniolo, quod paruis admodum uelis nauigat, adscribatis obsecro. Nunc attendite, uelocius opinione uestra uos dimittam.

De Insubribus populis: eorumq;
origine.

CAP. IIII.

Insubria.

Q Vicquid terrarum & urbium intra Ticinum & Abduâ, Padum & Alpeis clauditur, Insubria nominatur, potens (ut inquit ille) armis, atq; ubere glebæ. Campi sunt patētes, & ad radices Alpiū colles beatissimi rerū omnium quas uictus necessitas exigit; & quoniam Insubrum uineta solem & orientem & occidentem uident, dij boni quæ preciosa uina generantur? Insubrum urbes sunt Mediolanum & Galliæ Cīsalpinæ totius metropolis, & Europæ omnis Emporium. Quod à Bello uello conditum referunt historici, eodem ferè tempore, quo & Romam. Trogus & alij nonnulli monumentis tradidere Mediolanum ab his Gallis ædificatum, qui duce Brenno Romam igne consumpserunt. Sed constat inter probatos autores c. c. propè annos antequàm Brēnus esset, Celtas superatis Alpibus per lium saltum, qui à Tricāstinis incipiens, in Coctias

Mediolanū.

Insubria alpes.

Cœtias Alpes definit, citeriorem hanc Galliã
 Tuscis acie deuictis ad Ticinum amnem occu-
 pauisse, M. Cato (si tamen illæ, quæ circumfe-
 runtur, reliquiæ Catonis sunt) scribit Olanum
 Lucumonum Tuscorum principem deductis
 Orobiorum Colonijs Mediolaniensis urbis
 prima iccisse fundamenta, & ita longo tempus-
 rum interuallo Olanum dictum. Postremò à *Olanum.*
 Medo Insubrum duce Mediolanum uocant.
 Plinius ab Insubribus refert hanc urbem fuisse
 conditam. Hæc autorum discrepans opinio fa-
 cit, ut nullo negotio credam Mediolanum à
 Tuscis, qui tunc latè dominabantur, prima
 sumpsisse primordia, & ut ita dicam, in lucem
 editum, mox Insubrum lacte alitum, nouissi-
 mè à Gallis duce Bellouesso ad uirilitatem de-
 ductum. Claudianus poëta non incelebris à
 sue lanata Mediolanum nomenclaturam his
 uersibus deduxisse declarat:

*Continuò sublime uolans ad mœnia Gallis
 Condita lanigera suis ostentantia pellem
 Peruenit: aduentu Veneris spissata recedunt
 Nubila: rarescunt puris Aquilonibus Alpes.*

Adhuc Mediolani in fornicem Buleuterij ue-
 teris sus insculpta uisitur ouis uelleris. Facile
 autem (ut attestatur Georgius Merula) quisq;
 mediocriter eruditus persuaserit sibi tantum
 poëtam uel grauem aliquem autorẽ secutum,
 aut famæ perseuerantis, quæ plerumque uim
 c testimoniũ

testimoniū habet, opinionem / Tunc Heremias Landus ex adstantibus unus : Ab Insubribus, inquit, Mediolanum conditum magis putarē, quā uel à Gallis, aut à Tuscis. Non erant tamen & ipsi Insubres huius regionis indigenæ, sed aliunde profecti. Cuius nominis (ut tu putas louie) utpote barbari etymologia prorsus ignoratur, quēadmodum & Mediolani : quod ante propagatam linguam Latinā procul dubio conditum fuit, ut propterea Insubres ab ~~Insubribus~~ imbribus (ut nonnullorum opinio est) deducere, & Mediolanum à sue lanata tam ridiculum sit, quā falsum. Nec audiēdi sunt Græci, qui talia nomina pro linguæ suæ commodo deprauarunt : sicut & alia multa ausi barbaris nominibus Græcas etymologias apponere. / Non ausim (inquit Bonauētura) tecum Lande super etymologijs contendere : scio enim quantum possis, ualeasq, præsertim in arenam pro uocatus : data igitur uenia, unde discessit, mea festinabit oratio. Est sanè hæc nostra urbs metropolitana cū cœli temperie, tum soli fertilitate, & affluētī cæterarum rerum copia, urbium omnium, quās cœli conuexitas tegit, & beatissima & præstantissima. Iccirco Lernea uelut Hidra à damnis acceptis potentior semper à cineribus confluxit in hostes. Inuenio enim (ut uetustiora conticeam) post regiam Longobardorum potestatem Mediolanum, quanquam

quanquam bellis uastatum, & sentiente adhuc
 diuersa populo, tamen tam præclara per ma-
 iores nostros gesta fuisse, ut adfirmare ferme
 & ausim, & possim, potentissimas urbes & re-
 giones, quarum regna & opes celebrantur, nō
 dico pares, sed Mediolano longè cedere. Sem-
 per enim populum habuit florētem, bellacem,
 numerosum: qui uel facillè, aut nullo (quod
 aiunt) magistro armis exerceatur. Atq; ea sem-
 per ita tractauit, ut nunc sola, nunc adiunctis
 finitimorum auxilijs effundentes se Germa-
 nos, aut Heluetios, uel Trāsalpinos Gallos in
 Italiam, aut, ut inquit ille, auspicijs repulit se-
 cundis, aut penitus deleuit. Sed illud maximè
 mirandum est, & uix credibile, quod sexto an-
 no, quo à Friderico Rubrobarbo ciuitas hæc
 excisa est, adeò opibus potens, & populo fre-
 quens insurrexit, ut aperto Marte cum hoste
 potētissimo, ferocissimoq; & secundis prælijs
 elato, dimicare ausa sit, illum deuictum, & ca-
 stris spoliatum desiderata propè suarū copia-
 rum parte maiori supplicem coegerit ab Ale-
 xandro Pontifice Ro. qui Ananiæ tunc exu-
 labat, & ab societate, quæ inter Cisalpinos
 Gallos præter Ticinenses contracta fuerat cō-
 tra uim, & potentiam Rubrobarbi Imper. tur-
 pissimis conditionibus pacem petere. Cuius
 conficiundæ gratia Comitia in Cisalpina Gal-
 lia peracta sunt.

Duo obseruauit Georgius
 c 2 Merula

Merula annaliū diligentissimus excussor, quæ
 nec Blondus suppressit, auctoritatem scilicet
 maximam Ro. episcopo accessisse: ex quo illi
 Mediolaniensis ecclesia, quæ per C. C. an. liber-
 ra, nullius obnoxia imperio, sui iuris (ut ita
 dicam) fuerat, se subiecit. Cuius auctoritatem
 secutæ & Gallorum, & Hispanorum ecclesiæ
 Petri clauēs agnouēre. Altero quod debellato
 Rubrobarbo tandem Pontifici exuli, & bellis
 acribus oppresso arma Mediolaniensium & ses-
 dem dederint, & libertatem. Fuēre tamen Ru-
 brobarbicus, & nostræ huius urbis, & hominū
 strages longē truculentiores, & tragicis eiula-
 tibus miserabiliores. Ante enim Logobardos
 rum aduētum atrociorē sub Attila Gottho-
 rum rege cladem acceperat. Et ne Bosnianis
 inniti diarijs iudicer, Suidam adducam, & ex-
 terum, & Christianum autorem: *Μεδιόλανον, in-*
quit, πολυάνδρωπὸν Ἰταλίας πόλιν, ὡς καὶ θαλασσῶν
Ἀθήνας ἢν δραποδίστατο, ὅς τ' εἶδεν ἐν γραφαῖς, τὰς μὲν
Ῥωμαίων βασιλεῖς, ἐπὶ χρυσῶν θρόνων καθήμενους, τὰς
τ' ἐκείνας ἀννημενους καὶ πρὸ τῶν ποδῶν αὐτῶν κειμέ-
νους. Ζητήσας ζωγράφον ἐπέλευσεν αὐτὸν ἢ γραφεῖν ἐπὶ
θώλῃς τὰς τ' Ῥωμαίων βασιλεῖς ὡκλύουσας φέροντες ἐπὶ τῶν
ἁμῶν, καὶ χρυσῶν πρὸ τῶν αὐτῶν χεῖρ ποδῶν. Id est:
 Mediolanum populosa Italiæ ciuitas, quam
 cum Attilas captiuam fecisset, uidissetq; depi-
 ctum, Romanos quidem reges in thronis aus-
 reis sedentes, Scythas autem interfectos, ad
 pedes

pedes ipsorum prostratos; pictorem quærens, iussit loco interfectorum pingi Romanos reges sacculos ferentes ad collum, & aurum fundentes ad pedes ipsius. Nunquam auditam historiam Bonauentura, inquit Blasius; nobis enarrasti; nunc pro tua, quæ profectò singularis est; humanitate desiderarem, ut si non his, quibus omnes scientiæ, tam sibi sunt notæ, quæ mihi domus est mea, saltem, qui nam uidelicet Scythæ sint, quos Mediolani depictos Attilas inspexerit, mihi exponas. Hæc Blasius, inquit Bonauentura. Suide uerba faciunt, ut credā Gotthos esse Getas, altera addita, & una immutata litera. Fidem non modò faciūt Aurelij Prudentij, cuius tu carmina recitasti: sed & Paulus Diaconus uerior, quàm elegantior historicus, cuius hæc sunt uerba: sub Valentiniano patre Theodosij gens Hunnorum diu inaccessis reclusa montibus repentina rabie percita exarsit in Gotthos, eosque conturbatos ab antiquis sedibus expulit. Gotthi transito Danubio fugiētes à Valente sine ulla foederis pactione suscepti sunt. Deinde propter intolerabilem auaritiam Maximi ducis, fame compulsi in arma surgentes, uicto Valentis exercitu, sese per Thracias infudere, omnia cædibus, incendijsque uastantes. Hæc ille. Scitis itaque Getas, & Sarmatas qui citra, & ultra sunt Istrum, qui per Pannonias dilabens Da-

Gotthi sunt
getas

nubius appellatur, esse in ea Scythiæ parte, quæ in Europa est usq; ad Tanaim. Nec super hoc negotio opinione scriptorum uaria morueor. Me tamen inter hos admiratione maxima Callimachus Poloniæ Regis à secretis afficit, qui scribit Gotthos siue inopia agri, siue clementiorē cœlo terram quærentes è Scandia, patrijsq; insulis aduectos esse, exceptosq; à littore Oceani, cui hodie quoque nomen est Gotthiscantia. Possẽm, si daretur narrandi locus, autoritate Plinij uobis probare Scandiam insulam esse in Britannico freto, quæ prima ex Albio soluentibus occurrat: inde Dumna, postmodum Bergus, mox omnium maxima Nerigos: ex qua nouissimè itur in Thulen. Si ergo uel à nominis similitudine argumentum, uel ab autoritate declinandum est, dicam utroq; modo Gotthos fuisse Ponti Euxini accolæ, quos Getas uetustiores adpellarunt. Hæc mea de Gotthis est opinio, rursus ad Cothurnos me recipio, ut uel faciliè iudicent omnes, Mediolanum non modo cladibus oppressum, sed ab his, uelut ab igne phœnicem renouari. Regentibus prælibidine Gotthis Cisalpinam Galliam populus Mediolaniensis seruitutis impatiens, cum auspicijs Decij archiepiscopi, tum qui plurimum potuerat in aula Vitigindis Gotthorum regis, felicis, qui & ipse Mediolaniensis erat, autoritate motus

Gotthos,

Gotthos, qui præsidij caussa relictī fuerant, obtruncat. Illi intellecta & suorum clade, & populi defectione ad partes imperatoris reparato exercitu urbem ualida obsidione cinxerunt: quæ cum in longum nimis protracta esset, quod Bellisarij, cuius auxilio Mediolanenses defecerant, conatibus clām Narses eunuchus obstaret; non armis, sed fame edomiti, quacunque conditione coacti sunt intra urbē Gotthos admittere. Gladio eo die XXX. ciuium cecidisse millia monumentis proditum est. Et ex plebe in rationem libitinæ obfamē LXXX. mil. uenisse. Mulieres ætate florenteis Burgundionibus, qui auxilio Gotthis affuerant, omnes in prædam datas, & trās Alpes aduectas esse: Urbem ipsam incendio passim foedatā fuisse. Eodem naufragio submersæ sunt Vercellæ, Nouaria, Bergomū, & Nouocomū; quæ & ipsæ Mediolaniensium autoritatē secutæ Gotthorū præsidia obtrūcarāt. Paucis post tamē annis adeò ferox populus accessit, ut Longobardis uictoria elatis obstragē Gotthorū ausus sit occurrere: à quibus grauissimis etiā dānis affectus est. Erat ea tēpestas omnis Italia ob discessum imperatoris ī Thracias, ob uia quibuscūq; latronibus, cuiuscūq; etiā Barbarorū ex infimo grege libidini exposita. Ne mirum sit ergo, si patria hæc nostra Gotthorum, Vuādalorū, Pānonū, Marcomanorū, & Lōgobardorū

bardorū excursionibus patuerit, quando & ab eisdē non ferē solum Roma, sed & omnis Italia flāmis cōsumpta fuerit. Nouissimē superuenit Fridericus Rubrobarbus, qui partem urbis solo æquauit actis in exiliū ciuibus, qui gladio superfuerant. Si mirabitur uestrum fortasse aliquis, ex tot & tantis cladibus, quin hæc urbs radicitus euulsa sit; satis illi factum putabo, si dixerō, cur non & Roma consumpta: quæ pares ærumnas perpeffa est. Ad hæc uolo etiam hæc damna nostratia fuisse maiora, & diuturniora. Quæ regio est, in qua facilius coalescat mortalium tam numerosa multitudo: nulla, quam sciam, certē. Intercapedo enim quatuor graduum & quadraginta ab Aequinoctiali facit, ut iniuriæ solis minimē sit exposita. Nec intentissimis frigoribus ustuletur. Argumento sunt omnium rerum beatissima copia, corpora hominum pulcherrima, & innumera: quæ omnino deliderarentur, si uel solis, aut Borealis frigoris uehementia Galliam hanc nostram uexaret. Nam (ut inquit Pacuuius) Sol si perpetuū sit, aut nox flammeo uapore, Aut frigore, terræ fructus omneis interire. Ex copia igitur fructuum coniectura facilis est, quā temperatissimus hic sit tractus: ad quem omnes uelut ad salubritatis asylum confluunt.

De

De familijs Infubrum, & antiquissimis,
& clarissimis.

CAP. V.

SVnt apud Infubres familiæ sola antiquitas
te nobiles; Sunt & nouæ, quarum gloriæ
fulgor illas obtenebrauit; ut Sforcia, Viceco-
mites, Barbiani, Triuultij, Castillionæi, Tau-
relli, Mayni, Cribelli, Alciati, & alij plures.

Ante Sforcias præcipua autoritas penes Vi-^{Sforcia.}
cecomites fuit. De quibus hoc in monumen-^{Vicecomi-}
tis lectum est Andreæ Alciati; Angleria no-^{tes.}

Angleria.

bile agri nostri propter Verbanum lacum op-
pidum non modici nominis apud ueteres fuis-
se creditur; in eo enim passim cernere est uetus-
sta monumenta, elaboratos tumulos, urnas,
templa, cryptas, porticus, colūnas, idēq; genus
& uenustatis, & uetustatis insignia. Alpinarū
(puto) gentiū præfectura fuit, in qua sub Ca-
rolis, Berēgarijsq; Imp. ius dicere, qui à comite
Mediolanienſi ad hūc magistrū delectus esset,
solebat; & ideo Vicecomes dictus. Vnde ortā
nobilissimā Mediolani familiam, & uerissimile
est, & credibile. ^{Barbiani.} Barbianorū familiæ pace hoc
aliorum dicere liceat mihi, omnis magis debet
Italia, q̃ suo Romana ciuitas Camillo. Albris-
cus enim comes Barbianus Italorū arma, quæ
barbarorum metu longo seculorum interual-
lo non inonuerant, primus excitauit. Verūm
ut poëticis bellarijs defessos uos reficiam, au-
dite unius poëtæ nouam cantilenam;

Optima quæq; dies seclis procrantibus ætas
 Obruit, & longa fortia facta die.
 Ne qua tuas igitur tegerent obliuia laudes,
 Ne'ue forent titulis inuida secla tuis:
 Hos ego perpetuis mandabo Albrice libellis:
 Si ueniet uotis dexter Apollo meis.
 Tempus edax rerum, tuq; inuidiosa uetustas
 Obrucas tanti penè trophæa ducis.
 Pierides igitur nostro adspirare labori:
 Sustineatq; meam Pegasis unda ratem.
 Fama uolubilibus quoties obscurior annis
 Lucidior uestro semper ab ore uenit.
 Bellica temporibus squallebat gloria nostris
 Cessabat longo tempore Martis honos.
 Omne erat in Venerem studium nocturnaq; bella:
 Qualibet & census arte parare nouos.
 Proh pudor Italiæ, mundo gens nata regendo,
 Nec pede, nec celeri bella regebat equo.
 Vsque adeo turpi languebant corda ueterno:
 Vsque adeo nullus militiæ usus erat.
 Dux aberat tumidos qui signa inferret in hostes,
 Duceret & certis agmen equestre modis.
 Armorum si quando aliqui exarsere tumultus,
 Gesta peregrina bella fuere manu.
 Hinc tibi ab occiduo insultabat miles Ibero.
 Iactabat uires Teutonus inde suas:
 Hic sua & extremi iactabant tela Britanni,
 Et ferus ardentibus Belga premebat equos.
 Candida sed positis cum pax succederet armis,
 Et patrios peteret barbara turba lares:
 Victores nullo & uictos discrimine passim,

Et miseros

Et miseros ciueis qui spoliaret, erat.
 Non puduit matris gremio abduxisse puellam,
 Vxoremq; suo subripuisse uiro.
 Nemo fuit quem raptus honos, quem damna mouerent,
 Tantus in Italidum pectore torpor erat.
 Ut perhibent Lybicos armenta horrere leones,
 Ut lepus ad rapidæ contremit ora canis:
 Non aliter Martis detractauere labores,
 Funderet horribiles buccina siqua sonos.
 Non tulit hanc labem, nec tantum dedecus æui
 Albricus Latiae gloria militiæ.
 Agmina iam pridem clavis desueta triumphis,
 Et resides animos primus in arma rapit.
 Attonito tandem pulsi de corde timores:
 Et durum Martis dextra resumit opus.
 Non tuba, non enses stricti, nec tela, nec ignes,
 Nec uaga spumosis flumina uorticibus,
 Ardua nec triplici circumdata mœnia fossa,
 Nec quoque præruptis oppida structa iugis
 Ausoniam terrent, uana formidine pubem
 Pendentem auspicijs Barbiniane tuis.

Hæc metro protulimus, quò facilius à uobis
 huius insulsi tædium sermonis leuarem; maxi-
 mè enim potest in rebus humanis uarietas. Ex
 huius officina tot prodiere, quot ex equo Tro-
 iano illustres bello duces. Quòd si mihi credi-
 tis minus, Sforcias ipsos interrogate, quorum
 Proauus Iacomutius sub Albrico ex frumen-
 tatore factus est armiger Balduini equitis, pau-
 cis post annis deinde occiso in bellis domino
 dignit

Iacomutius.

dignitatem illius affectus est; nouissimè tur-
marum comitis Albrici Barbiani praefectus.

Franciscus
Sforcia.

Ex Iacomutio natus est Franciscus Sforcia,
qui Philippo Vicecomite uita functo, auxiliā-
tibus Venetis, Insubrum principatum inuasit.

Triuultij.

Quantū bello ualeant Triuultij, nouit trans-
alpina Gallia; cuius uana esse arma, sublato ab
humanis Iacobo Triuultio, saepenumero uidi-

Castillionæi.

mus. Castillionæos apud uos Castillionæos
celebrare non licet mihi; ne adagio illo, quo
aiunt mulos mutuum scabere, inurar à uobis.

Mayni.

Maynorum gloriam satius est (ut inquit il-
le) hoc loco tacere, quàm de illis pauca dicere.

Archinti.

Stampæ.

Tonsi.

Cribelli.

Caymi.

Archinti, Stampæ, Tonsi, Cribelli silentio
magis, quàm eloquentia laudantur. Caymo-
rum cum uiris uirtute clarissimis, tum histori-
corum monumentis illustrem inter Insubres
familiam silentio inuoluendam censeo; quòd
cum eam inter quæ aliàs Mediolani florebant
nomina, Raphaël Volateranus annumerarit;
celeberrimam satis arbitror; uerum celebrior
multò nunc est, atq; erit olim, cum ex ea pro-
dierit M. Antonius Caymus, qui præter legū
peritiam, adeò literarum politia conspicuus
est, ut non minor sit apud Bituriges, ubi cum
summa omnium admiratione legum nodos as-
perit, quàm inter Insubres ipsius gratia.

Ferrarij.

Ferrarios celebrat Demosthenes ἐν Φηλοισμύλει, cum inquit, ἐπὶ χειρὸν αὐτοῦ ἀρχόντου γα-
μήλιον

μηλίον & ἐκτὶ ἀπὸ τῆς φυλῆς περὶ ἀνευδῶς λεωνίδος
 ἀριστόνους φερωνδῆ & ἑπτε. **V**etusti sunt & Pe= Pectij.
 ctij, qui nunc Peggij; mutatis C, & T, in dupli-
 ci GG: hi Horatiano carmine nobilitati sunt,

*Pecti nihil me sicut antea iuuat
 Scribere uersiculos amore percussum graui.*

Valeriorum, qui nunc de Vale dici malunt, *Valerij.*
 Mediolani plures obuam fiunt inscriptiones.
 Qualis est illa, quam ex Sancto Sympliciano
 Gabriel Florentius ad exornationem ædium
 suarum apud se transferendam curauit: Ex qua
 iam certissima coniectura Mediolanienses læ-
 tari possunt Valerio Maximo historiographo
 præstâtissimo communicæ, uelut in patriam
 longo postliminio tandem reuerso: cum apud
 classicios autores nihil certi prorsus legatur de
 uita, moribus, & morte ipsius. Gaudeamus igitur
 Mediolanienses tam eruditissimo, uerissi-
 mo, candidissimo scriptore nobilitati gaudea-
 mus. Nec terreamini, quod astrologiæ studio-
 sus hic legatur. Quando etiam astrologo liceat
 etiam historiam conficere.

M. VALERIUS
 MAXIMVS
 SACERDOS
 D. S. I. M. STVD.
 ASTROLOGIAE
 SIBI ET

SEVE

Suræ.

Surarum familiam apud Insubres, ut nunc est quoque, fuisse clarissimam Mediolani in sancto Carpophoro vetustissimus stylobates indicat: quem hic exscriptum in gratiam Bernardi Suræ annectendum curavi.

ATILIVS MACRINVS SECVN-
DVS ATILIO MACRINO PATRI
ET SVRAE PVPAE MATRI ET
MACRINO PRIMO FRAT. ET
MACRINAE SECVNDIN.

Magij.

Ex hac Surarum, qui Solæ nunc appellantur, familia Palphurius fuit orator insignis, & causidicus. Qui ob suspicionem, quod cum Vitellianis confensisset, Senatu à Domitiano fuit amotus. Magiorum quoque familia, quæ in hunc usque diem apud nos illustris est, habet quo suam antiquitatem tueatur, tum ex vetustissimis stylobatibus, tum apud M. Tullium Ciceronem: Mediolani siquidem apud cœnobitas Diui Ambrosij hoc adhuc monumentum Magiorum clarissimū, vetustissimumque inspicere potest.

SEX. MAGIVS SEX. L. LICIN. SI
BI ET SEX. MAGIO SEX. L. TVR
PIO

PIO PATRONO ET BASSO ET CE
LERI LIB. TESTAMENTO FIE-
RI IVS.

Magios similiter (ut dixi) & Rabios Cicerone *Rabij.*
minis æternitate donauit, tertia in C. Verrem
actione, cum ait: Ipse Myoparonem pulcherri-
mum, de decem Milesiorum nauibus electum
L. Magio, & L. Rabio, qui Myndi habitabant,
uendidit: hi sunt homines, quos nuper Sena-
tus in hostium numero censuit habendos. In
eadem quoque actione Curtios celebrat, his uer- *Curtij.*
bis: Cum tot tibi nominibus Curtij referrent.
Idem alibi in eadem oratione: Per sodalem, in-
quit, suum Q. Curtium iudicem quaestionis.
Curtiorum quoque non inelegans mnemosy-
non uisitur Mediolani in domo Philippi Ar-
chinti Iurisconsulti, quod ipse ab Angleria in
domum suam transferendum operam dedit.

P. QVRTIVS P. F. VICTORI

P. QVRTIVS P. F. PRIMVS

VI IVN.

Tuas Catellane Cotta uetustas origines recen *Cotta.*
serem, nisi M. Tullius illas primo, & secundo
de oratore libro celebraret: In his enim C. Cotta
à Cicerone interlocutor cum M. Antonio,
P. Sulpitio, & Crasso introducitur. Dictos au-
tem puta Cottas (si tamen grammaticorum ca-
nonibus standum est) ab iracundia & oris tor-
uitate,

Crispi.

uitate. Vnde Fabius libro primo; Iam Cottæ,
 Scipiones, Lenates Serrani sunt, & ex uarijs
 causis. Habes tu quoque Franciscæ Crispe
 Stylobathem, quo tuam tutari antiquitatem
 possis, qui occurrit aliud indaganti mihi in
 priuata domo Vici Biliorum: atq; eum in tuâ
 & totius familiæ tuæ gratiam hic adnotauit: ut
 liquidò cognoscas esse me tui studiosissimum.

P. ATILIO

CRISPO

Cætera attritu pe
 dum deleta sunt.

AD

Petræ san-
 ctæ.

Nec carent Petræ sanctæ suo mnemosyno, si
 diligētius (ut inquit Alciatus noster) illud exa-
 minauerint, & quātō uoluerint suorum stem-
 matum annaleis producere, tantō cum apud
 autores, tum in uetustis marmoribus eis lice-
 bit: atque etiam ad Herculem suum genus re-
 ferre. Ad Petram enim sacram in Euxino pon-
 to adpulsi Argonautæ sunt, inter quos Her-
 cules præcellebat. Huius Petræ sacrae meminit
 Apollonius Rhodius Arg. primo: ἡ πέτρα
 cum inquit, ἡ δὲ πέτρα. Eamq; sic appellatā in-
 terpres ait, καὶ τὸν δρυφισμὸν, qua mala magna
 sacra dicimus. Vnde Vergilius: Auri, inquit,
 sacra fames. Mediolani uerò Petræ sacrae fa-
 milia memoria uetustissima inspicere potest in
 loco, qui Veneri publicæ adscriptus est in se-
 midiruta ædícula.

HERC

HERCVLI IN PETRA SACR.

C. CALVISIVS SECVNDINVS

VIVIR IVN. DECVR.

ITEM Q. ARAM

V.

S.

L.

M.

In ædicula Diuæ Teglæ reperiet Andreas Caluus bibliopola tumulum antiquitatis testem suæ, his notis insculptum:

V.

F.

C. CALVIVS

CALVI F. O. V. F.

PRISCVS VIVIR.

Sunt Macri marmoreis & ipsi antiquitatibus *Macri.* insignes, sicut & Andouartoni, qui nunc Andouarti, à quibus & Vicus in regione eius portæ, quæ noua dicitur, adpellatur. Accipe igitur mi Petre Macer tuorum natalium præclarissimam memoriam, quam in pauperum sancti Martini xenodochio inspexi:

MACRINAE

C. ATILIO C. F. MACRO

M. ATILIO C. F. ADIVTORI

Q. ALBVICIO Q. F.

ANDOVARTONI TERTI.

Nouelliorum familiam extinctam prorsus esse *Nouellij.* existimo, quando (quod sciam) Nouellij nulli reperiantur; indicant tamen (ut interim taceā

d

Torq

Torquatum Nouellium à C. Plinio Nouocomenſi celebratum) uetulta marmora alicuius hanc familiam nominis fuiſſe. Verum ex his unum adduxiſſe ſat, ſuperq; fuerit. Mediolani in ſancto Francisco:

P. NOVELLI PVB. FIL. L. NOVELLI P. F. TE CILLONI FRATRI RVBRO FRATRI.

Sentij.

Eandem quoque iacturam paſſi ſunt Sentij ſiue Sentiones, è quibus fuit Sentio ille Germanici uictor ſanguinis, ſi per Tiberium Cæſarem ei licuiſſet, ut refert Cor. Tacitus. Quod autē Sentij Inſubres extiterint, indicio pagus eſt inter Inſubres non procul à Caſtilliono, quem Morasentium uocant, eò quod Sentiones ibi morarentur. In cuius phano marmorea in tabula hæc adhuc uiſuntur:

L. SENTIVS L. F. O. V. F.
NIGER. SIGNIF. LEG IIII
SCYTHICAE. HIC NATVS
HIC SITVS EST.

IBIDEM IN EADEM TABVLA.
M. SENTIVS L. F. O. V. F.
MACER VETERAN. LEG.
IIII SCYTHICAE SIBI ET
FRATRI SVO V. F.

Martinioni.

Nec his Martinioni carent originibus, qui uetustior

tustioribus erant Martiniani : ut uidere est in monumento sacrata in æde Diui Victoris, cuius templum olim Marti dedicatum fuerat. Ea autem inscriptio uel barbara prorsus est, uel uernacula eius ætatis : qualiscunque tamen ea sit, hic adnotabitur:

D

M

BONAE MEMORIAE DOMVI

MARTINIAN. EX P.

ROTECTORIBVS INTERNAM SE-
QVRITATEM CER MENDACIS QVIS
IVSTVS PIENTISSIMVS BENEME-
RETVS IN SEQVLVM ANVS MILI-
TAVIT XLV. ET VIVET ANN. N. LX.
ET SPERO ME VIVERE ADVC ANVS
N. LXXXXVIII. MESES SEX. DIES
III. ET N. DEINARCE HIC SICIS RE-
MOVERE VOS QVERET AVT APERI-
RE AVT VELLE ALIVM QVRPV
DAVID INFESCV AVRI P. I.

In altera fronte eiusdem tumuli.

⊙ ∞ ✱ A.

ET LVNA PERIMA VERTVTEM ET
GELORIAM FELICE MARTININNO
EREDES FACOLETATEM VIVOS SI
BI FECET HOC.

In Diui Augustini phano monumentū est Ro-

d 2

cia

Rozoni. ciæ gentis: qui nunc contempta suorum Nat-
 lium uetustate *Rozoni* dici malunt: id est hu-
 ius modi;

V. F.

D. M.

MAXIMVS MAXIMINVS PRIMITI
 VVS VIVIR MEDIOLANI SIBI ET
 ROCIAE SECVNDINAE CONIVGI IN
 COMPARAB. QVI VIXIT AN. XXI.
 ET ROCIO MAX. MAXIMINI FIL.
 QVI VIXIT AN. VNVM M. VI. ET
 ROCIAE PRIMITIVAE FIL. PIEN-
 TISSIMAE. QVI TIBI DVM STARET
 PATER AD TORVM SIC AIT: O' MI-
 SER QVID GEMIS ET LACRIMAS:
 QVOD TE MISERANDE RELINQVO?
 TE NON TVRBEMVS. ISTA FATALIA
 DANTVR. QVI VIX. AN. XVIII. M.
 VI. IN AGR. P. XIX. INFR.

Arluni.

Arluni similiter huius urbis ciues nō tam ue-
 stiti sunt, quā uetustissimi, ut ex elogio con-
 spici datur, quod est in templo Deiparæ uirgi-
 nis cui Secretę nomen est. Sed optarem ut unū
 adderent, alterum immutarent elementum; ita
 ut Aruleni non autem Arluni dicantur. Fuit
 & Rusticus Arulenus à Cor. Tacito & C. Plin-
 io haud uulgariter celebratus,

L. AR

Mandellorum gentē esse existimauerim, quos ^{Manductli.}
uetustiores Manduillos conuersis v, & i, tem-
porum incuria in E. Posthac igitur Iacobum
Iurisconsultum præstantissimum à te Blasi
tuum admoneri uelim, ut Manduillum se, non
autē Mandellum uocet, quòd si huiusce rei te
causas efflagitaret, propone hominī humanis-
simo uetustum marmor, quod hac in urbe uis-
tur apud Vestales sancti Bernardini. Ex quo
fortasse etiam Cacuriorum, qui nunc Cazuli ^{Cacurij.}
dicuntur, agnosces affinitatem:

V.

F.

M. CASSIVS M. F. O. V. F. CACV-
RIVS SIBI ET ATILIAE MAN-
DVILLAE VXOR ET M. CASSIO
BROCCHO FIL. ET L. CASSIO
DONATO FIL. INFR. P. XX. IN-
AGR. P. XX.

Non ne & Mocitij simili ornamento illustres ^{Mocitij.}
sunt? accipe igitur Franciscæ Mocitie musices
decus immortale memoriam familiæ tuæ cele-
brem, quam Medæ, Insubrum oppidum est,
inspexi:

V. F.

D. M.

CANTIVS MOCITIVS VETER.

d 3

LEG.

LEG. VIII. AVG. VIVIR DECVR.
 SIBI ET CANTIO MAGIO PATRI
 VETER. LEG. EIVSDEM VIVIR
 COMI ET SVRAE MESSORIS FIL.
 ET CVLTVRIO LAVANDO ET
 CVLTVRIO MAXIMO NEPOTIB.
 SVIS ET LIBERTIS. IN AGR.
 P. IX. INFR. P. L.

Elli.

Suam & Elli habent antiquitatem, etiam nunc
 in urbe hac nostra non extincta nomina, eam
 in pariete privatae domus Capellarum secun-
 dum viam è regione ædis ferè sancti Petri in
 lintre prospexi, ea est huiusmodi:

HIC QUIESCIT IN PACE SEVE-
 RIANVS EILLVS CRISPINI ET
 INNOCENTIAE QVI VIX. AN-
 NVM MEN. III. D. VI. RECES
 SIT K. NOV.

Rusca.

Persuasissimè facile mihi Ruscas non esse anti-
 quos: sed cum legerem secundum de oratore
 Ciceronis uolumen, inuenio hos antiquissi-
 mis antiquiores: Ex immutatione, inquit, Vt
 olim RVSCA cum legem ferret annalem, dis-
 suafor M. Seruilius dic mihi, inquit, M. Pinna-
 ri, num si contra te dixerò, mihi male dicturus
 es, ut cæteris fecisti: Vt sementem feceris, ita

Capella.

metes, inquit. Capellæ genus suum referre
 possunt,

possunt, & solent, ad Marcianum Capellam scriptorem & eruditissimum, & candidissimum: nihilq; referre arbitror, quod Marcianus ex Africa fuerit. Quando ante Gotthicā rabiem Africani frequentes in Italia diuersarentur: ut legitur de Diuo Augustino, qui Mediolani publicè rhetoricen professus est.

Capriliorum etiam meminit M. Varro. Bebulcorum gentem, quæ adhuc floret, T. Liuius æternitate donauit. Si otium mihi daretur, & si uobis audiendi commoditas, plura de antiquitate Mediolanensium familiarum adduxissem: sed cum uideam auersa fronte esse nonnullos ad oppida Insubrum aliqua nunc ipse diuertam.

De uicis nonnullis, qui in Mediolanensibus sunt agro.

C A P. VI.

Vicos, qui in Cisalpina sunt Gallia, partim incolæ condidere, & partim barbari, qui hoc in tractu grauiā bella gessere. In agro Insubrum Moguntiacum est oppidum in quo sceptrā accipere, & primos attolere fasces olim erat Longobardorum regibus. Moguntiam doctissimus Alciatus adpellat, Modoëtia alijs. Ego una tantum antiquitate fretus, quæ eodem in oppido est in templo sancti Mauricij, Moguntiacum appellare non dubitabo.

Castillionū.

ut castra
hinc

Inter egregia oppida Castillionum quoq; numerari potest; quod castrum Stiliconis, si per aliquos licuisset, appellassem. Quis est enim qui nesciat ab Arcadio, & Honorio Impp. Mediolani Stiliconem rei bellicae uirum peritissimum, sed perfidum, ut postea exitus declarauit, collocatam, ut Romanū imperium uendicaret à Gotthis, in dies singulos per Pannonias irruentibus in Italiam? Quis est praeterea qui non uel facile persuadeat tibi talem uirum locum non selegisse ad oblectationem? & castrum hoc condidisse, quod à suo nomine dixerit? Dij boni quid ridetis? an conatus sum imponere Pelio Ossam? audite obsecro quod adhuc in templo Diui Ambrosij legere est huius rei mnemosynon: quod tametsi inelegans sit, audiri tamen potest ob hanc rem solum:

Hic iacet Anspertus nostrae clarissimus urbis

Antistes, uita, uoce, pudore, fide.

Aequi sectator, turbae praelargus egenae

Effector uoti, propositiq; tenax.

Mœnia sollicitus commissae reddidit urbi

Diruta, restituit de Stilicone domum.

Quot

Quot sacras ades quanto sudore refecit?

Atria uicinas struxit & ante fores.

Tum sancto Satyro templumq; domumq; dicauit

Dans sua sacrato prædia cuncta loco.

Vt Monachos pascant æternis octo diebus

Ambrosium pro se, qui Satyrumq; rogent.

Si ergo similitudo nominis firmat argumentū,
dicere nō uerebor Castillionum quali castrum
Stiliconis. Hinc non procul est Vedanus pas- *Vedanus.*
gus, qui ualde aridum significat: aquarū enim
usq; adeo indigens est, ut nulli sint putei, &
fontes nulli. Sextocalendas uetustissimo no- *Sextocalen-*
mine pagus appellatur, quā Verbano Ticinus *das.*
exit; dictum sic opinor, quod eo mēsis die olim
rustici illuc confluerēt uel ad nundinas, uel ad
sacrificia. In eo enim templum est antiquiori-
bus literis insculptum: quibus significabatur
illic & Herculi, & Mercurio, & Syluano, &
Diuo Panthæo pagani uota persoluisse. *Vos Vosifium.*
Vosifium cum præfectura oppidum est adhuc ce-
lebre ad eorū collium radices situm, per quos
ad Verbanum, Lucanumq; & Larium lacus
iter est. Meminit certē Stephanus *πρὶ πολλῶν*,
Varatinæ regionis, quam Theopompus libro
secūdo & quinquagesimo uersus Adriaticum
cōstituit: quo nomine cum eo in tractatu nul-
lum fuisse oppidum constet, nec esse, facile ad-
ducor, ut putei *Βαρήτιον* esse Valisium, quod
alii ab exitu ualium, Valesium nominant: &
d s Varitium

Varitium aliq̃ more Græco. Brebia uicus inter Verbanum & Varitium ab his Orobiōrū populis habitatur, qui ad Mediolaniēses pertinent: ibi in colle Mineræ templum fuit cum saltu Tibronano, ut liquidò apparet ex antiquitate, quæ eo in pago adhuc uisitur:

D.

M.

L. COELI L. F. O. V. F. BARONIS
VIVIR PONTIFICI IIIIVIR AP.
CVRATORI SALT. TIBRONANI
ITEM TEMPLI MINERVAE ET
ALBVCIAE VIRILLIONIS F.
VXORI EIVS COELI IVVEN ET
SEVERVS PARENTIB. OPTIM.

Vicomercatus.

Vicus Martis nunc Vicomercatus Brigatiorum collium Metrocomia pluribus uetustis inscriptionibus illustris, quæ cum ad negotiū præfatis faciunt minus, à me silentio inuoluuntur. *Castrum Seprij.* Castrum Seprij putat Alciatus noster dictum, quod Seueri olim extiterit; Ego Sepriū (pace tamen Alciati) quasi Insubrium denominatum magis crediderim; præsertim cum eo in tractu meditulliū ferè sit Insubrum. Ab hoc castro agri Mediolaniensis pars non mediocris nomen adsumpsit, Id antiquissimum esse oppidum cum nostri chronographi attestantur, qui ex eo loco natum Maximianum in imperio Diocletiani collegam prodiderūt, qui etiā Mediolani

Mediolani imperij sumpsit, & deposuit insignia, uelut hoc negotio patriam illustraturus: tum etiam monumenta uetustissima sunt indicio, è quibus unum dixisse sufficiat uobis;

I. O. M.

L. CAECILIVS NYMPHEROS V. S.

L. M. POSVIT C. FONTEIO CA

PITON COS.

Nec Galerato uico, qui urbeculae speciem ^{Galeratus uicus.} ostentat, in agro Insubrum defunt antiquitatis uestigia: uerum cum hæc fastidium peperisse potuerint, parcius posthac has memoriolas adducam. Transeo igitur in Albiciatum ^{Albiciatus pagus.} pagum, qui cultores habuit nomine Montunates, quorum præclara fit mentio in quadam basi uetustissima; quæ ibi uisitur: ^{Motundates.}

I. O. M.

MONTVNATES

VICANI LOVANIVS

V. S. L. M.

Inter Mediolanum & Ticinum medio itinere Binae sunt oppidum uetustissimū, Binas cum ^{Bina. Albiciatus} nunc appellatur. Marlianum, si Alciato credimus id referenti, Marianum antiqui, uel Manlianum dixere, conditoris nomen seruās. Mons orphanus ^{Mons orphanus.} pagi nomē est (ut scitis) inter Insubres, quo loco arx fuit ferè inexpugnabilis:

lis : quæ quoniam uiarum obsessores recipiebat , & exulibus erat asylum, Insu-
Siderianum. brum cætes-
 rorum armis subuersum est. *Siderianum* in
 uia, qua rectà itur Nouariam, pagus est . Desi-
 derianum (puto) ab antiquioribus uocatum,
Maxentia. uelut à Desiderio Longobardorum rege ulti-
 mo conditum. *Maxentiam* quoque si à Ma-
 xentio tyranno deducerem, quis me uitio da-
 ret, nisi ineruditus aliquis? *Parabiagum* Me-
Parabiagū. diolanensium uictoria Diuo Ambrosio fauē-
 te in Heluetios illustrauit. uicus ipse satis cō-
 tractus est : genialis tamen gratiæ, & ruralis
Pontirolus. amœnitatis non expers. *Pontirolus* non pro-
 cul à Mediolano rus est ultra Abduam histo-
 rijs celebratissimus: uerum pons Aureoli, non
Hac ætate
Canonica di
citur. *Pōtirolus* ab his nuncupatur. Aureolus enim
Aureolus. (ut refert Iulius Capitolinus) unus fuit è tri-
 ginta tyrannis, qui imperium Ro. inuadere
 conati sunt, cum Gallienus Impera. non uiris
 modò, sed & mulieribus neglectui esset. Præ-
 rat Aureolus Illyricianis exercitibus, qui ue-
 nientem Macrianum cum filio contra Gallie-
 num maximè deterruit, captis plurimis ex co-
 pijs illius, & nonnullis ad fidem ipsius pretio
 corruptis. Interfecto tandem Gallieno cum
 fratre Mediolani Claudius in Aureolum ca-
 stra mouit, & conflictu habito in agro Medio-
 lanensi apud uicum, quem à se denominaue-
 rat Aureolus, eū aperto Marte deuicit. Atq;
 illic

illic tyrannum sepulchro humiliore donauit. De Aureolo etiam hæc Trebellius Pollio memoriam tradidit, de Claudio loquens : Qui primum ut factus est Imperator, Aureolum qui grauior Reip. fuerat, qui Gallieno multum placebat, conflictu habito à Reip. gubernaculis expulit tyrannum, quem missis ad populum edictis, datis etiam ad senatum orationibus hostem iudicauit. His accedit, quod arrogantem Aureolum, & fœdus petentem, imperator grauis & seuerus non audiuit, responso tali repudiatum: Hæc à Gallieno petenda fuerant, qui cōsentire moribus poterat, & timere. Extat adhuc Claudij liberalitas in Aureolum furore militum oppressum tumulus cum inscriptione Græcanica:

Κλαυδιος Αυρεολω μετα θνητον αρεα και βαρ
τακτηρια, θνητων ως θεμις ενδιδει
τω γαρ και ζωη. αλλ' εκ εβελυσε φρονιμα
Γασιρ επιεργεις το στρατο ανιβιοι.
Κειν ο η εκτιμων και σωματος εσκαυ' οπιζων
Αυρεολω γεφυραν εις εκ τιντε ταφην.

Quod Alciato interprete Latine

sic habetur.

Claudius Aureolo post Martia praelia Caesar
Pro mortali hominum iure sepulchra dedit.

Huic quoque uel uitam: sed non contraria prauis
Omnibus hoc prudens militis ira tulit.

Ille igitur clemens, dum corporis ultima seruat,
Qui pontem Aureoli dedicat et tumulum.

Interprete

Interprete quodam Grammatico per tempora
Iulij Capitolini.

Dona sepulchrorum uictor post multa tyranni
Prælia iam felix Claudius Aureolum
Munere prosequitur mortali, & iure superstes
Viucere quem uellet si pateretur amor.
Militis egregij uitam qui iure negauit
Omnibus indignis & magis Aureolo.
Ille tamen clemens qui corporis ultima seruans
Et pontem Aureoli, dedicat & tumulum.

Sanè in capite tumuli inscriptus Hippopotamus
ferox & dirum animal, & intra serpētem
inclusus, orbiculari forma caudam mordicus
tenentem, notat Aureoli tyrannidem, & sæ-
uitiem per omne tempus duraturam, cuius rei
ratio ab Horo Apolline repetenda est.

DE OROBIIS populis qui ad Insu-
bres attinent.

CAP. VII.

Crobj. **Q**Và Mediolanienſis ager (ut uerbis utar
Alciati) ad Alpes uergit, Græcæ nationis
populos incoluiſſe Orobios Cornelius, Alexā-
der, & Plinius autores ſunt: quo in tractu etiā
nunc ſunt eius gentis pleraq; nomina, ut lacus
Larius lacus. ipſe Larius à ſua uitate amœnitateq; Sicrenus,
Addua flu. quali οὐκ κρήνη, ſeu ſacrum fontem dicas. Flu-
Orona. uius Addua, quòd ab adya, id eſt, inacceſſis
montibus. Orona quòd ab ijs collibus defluat,
Comū oppi. quos Orobij tenent, ἀπὸ τῶν ὄρων. Eandem
mum,

mum, ἀπὸ τοῦ κῶμης, hoc est, uilla, siue pagus.
 & κωμὸν uicatim: siue ἀπὸ τοῦ κῶμης, qui deus
 erat ueteribus comelationū, nocturnarumq;
 saltationum. Inde κομῶδω, petulās sum, Leucū *Leucum.*
 similiter à candore montium dictum puto. *Canthurius.*
 Canthurius, Canthiumq; ἀπὸ τοῦ κενθάνου, hoc *Canthium.*
 est, à copia, uel præstantia asinorum. Itemq;
 Onium ab eisdem. Orsinicū à uictoria in mon- *Onium.*
 tibus habita, quali ὀρεσσίνιον. *Macreum* ab Aus *Orsinicum.*
 gusta forma, longitudineq; *Macreum.*
 Phegium à fagi ar- *Phegium.*
 boris copia. Eugion non longè ab Addua, à bo *Eugion.*
 nitate soli. Eupylis, qui nūc Pulisianus appel- *Eupylis.*
 latur, à porta, & accessu, qua in montes tendi-
 mus, unde & lacui nomen. Mons orphanus
 ceu quod orphanus, & destitutus sit ab alijs
 collibus. Alciatum, quasi Alsiatū, hoc est fris-
 gidū: ueteres enim quod erat frigidū uocabāt
 alsiosum: & pocula alsiosa, quæ dantur ad so-
 porem prouocādum. Verum quid de Alciato
 uico Alciatus ipse scripserit, audite. Alciatus
 uicus, cuius nominis & alter in Bergomatibus
 est, ab Alcatho Parthaonis Aetoliæ regis fi-
 lio autore coloniae in has regiones deducen-
 dae: qui postea cū unus ex Hippodamiae pro-
 cis esset, ab Aenomaio interfectus: quapropter
 inhabitauit tumulum eius Genius, equitanti-
 bus infestus, ut ad eum accurrentes equi ter-
 rore afficerentur, & prociderent. Cuius rei
 Pausanias libro sexto autor est.

De

De ceteris Insubribus.

CAP. VIII.

HI sunt Insubres montani, qui à Græcis
 Orobij dicuntur, de quibus illa dixisse
 sufficiat, Redeo nunc ad reliquos Insubres, qui
 per Adduā & Ticinum ad Padum iacent: quo-
 rum urbes sunt Ticinum & Lauspompeia.

Ticinum.

Salijs.

Ticinum ab Insubribus & Boïs conditum re-
 fert Eutropius libro quarto. A' Salijs autem,
 quos Saluuios alij nominant, Titus Liuius ait
 ædificatum libro quinto decadis primæ. Plin-
 ius à Leuis & Maricis Liguribus. Inquirens
 dum esset quomodo & quo tempore Ticini
 nomen in Papiæ mutatum sit, Verum hoc or-
 nus Petro Frâncisco Buscæ, & qui adest, & qui
 Ticinensis est, relinquo. Non grauabor tamen
 in gratiam ipsius, quid super hac re notauerim
 dicere. Sunt qui scribant à quadam Longobar-
 dorum regina hoc nomen deriuasse, sed de hoc
 tantummodo famam habeo. Iacobus Gualla
 qui Chronicam eius ciuitatis edidit, de huius
 nominis origine ne uerbum quidē fecit. Hanc
 urbem per tempora Annibalis extitisse sunt
 qui negant, Titum Liuium adducentes, qui li-
 bro XXI. Ticini tantum annis meminit: iam
 tamen (inquit) Scipio Padum traiecerat ad Ti-
 cinum amnem. Quod si ea tempestate Ticini
 urbs extitisset, non tam sicco pede credibile est
 autorem tantam urbem silentio inuoluisse.

Hanc quoq; urbem cum ui expugnasset Ati-
 las

las rex Hunnorum subuertit . Nec fortasse
 minora damna passi sunt Ticinenses sub Odo-
 acro Herulorum rege, noua Turcilinguorum
 manu freti . Orestes enim patritius ex Ligu-
 ria cum ei occurrisset , nec impetum barbaro-
 rum sustinuisset , Ticinum se recepit : uerum
 antè quàm auxilia præstarentur obsessis, urbē
 expugnauit, captam ferro , flammâq; consum-
 psit. Orestes Placentiâ protractus capite mul-
 ctatur. Vitellio quoq; ex ulteriore Gallia cō-
 tra Othonem Impera. irruente in eadem urbe
 cum defecissent Valentis & Cinnæ legiones,
 orta est inter Cisalpinos Gallos, qui Vitellio
 auxiliares uenerant , ingens seditio , & inter
 Romanos milites . Hinc cædes & ciuium , &
 militum uehemens , Pannonēs itidem tempe-
 state Stephani Ro. pon. VII. Italiā ingressi
 Ticinum depopulati sunt. In socialibus etiā
 bellis graues clades à Mediolaniensibus acce-
 pere. *Septimo* ab hac urbe lapide secundum
 Padi decursum Belzoiosum , oppidum sanè *Belzoiosum.*
 elegans , & ad uenationes idoneum . Id condi-
 dit Ioan. Galeacius Vicecomes primus Insu- *Ioā. Galea-*
 brum dux, cui Virtutum cognomē fuit : mox *cius.*
 donatum Barbiani Comites acceperē . Ager
 hic est irriguus ob multos Nilos , quos Caro-
 lus Comes Barbianus in eas partes ab usque
 Mediolano deducēdos curauit. In Ticensi tra-
 ctu, ut refert Plinius, sabulum nigrum reperi-
 e tur,

tur, quod cementatum, calceq; diligenter re-
 pastinatum durefcit in lapidem. Transeo nunc
 in Laudensem agrum, cuius urbs hac ætate
Abdua. in ripis Adduæ, quem Abduam alij etiam uo-
 cant. Eam Pompeius Strabo Magni Pompeij
 pater coloniã deduxit, & à nomine suo Lau-
Laus Pom- dem Pompeiam uocauit: quẽadmodum & Lu-
peia. lia pietas in Foro Iulio, & alia ijs similia. Fide
 caret quod M. Pompeius eam urbem cõdide-
 rit, uel auxerit pyratibus à se deuictis, eum in lo-
Pompeio po- cum in coloniã deductis; cum sciatis Põpeio-
lis. polim in Cilicia eam ob caussam cõditam. Sed
 ea quæ nunc uisitur Laus Pompeia non fuit à
 Strabone deducta colona: eam enim Mediola-
 nienses uastarunt: uerum ciues profugi in mar-
 gine Abduæ auspicijs Friderici Rubrobarbi
 Imp. condiderunt. Laudem uerò credibile est à
 Boijs Transalpis primò conditam: qui duce
 Bellouesso Alpes transcenderunt, mox bellis
 uastatam, sicut & Nouariam, à Romanis in co-
 lonias deductas. Ager Laudensis aded omnium
 finitimorum fertilissimus est, ut fumen Cisal-
 pinæ Galliæ dici possit. Et cum Cisalpina Gal-
 lia omnium scriptorum calculo cæteris Euro-
 pæ partibus antecellat, & hæc Africæ & Alię,
 meritò dicere possumus, agrum Laudensem
 omnium quos cœli decliuitas tegit, beatissi-
Acerra. mum. **A**cerrarum urbis olim florentissimæ
 inter Insubres uestigia ne uisuntur quidem:
 aut

aut quo in loco fuerit, illud Horatij possum dicere:

Grammatici certant, & adhuc sub iudice lis est.

De qua tamen quid Alciatus scripserit, audite: Quod si (inquit) uerum est, falluntur, qui Acerras id appellant, quod Insubrum uicum inter Padum & Alpes fuisse Polybius affirmat: ut uerissimilius sit, Acerras esse, quæ *Acerra m. s. g.* nunc Agerola dicitur, uersus Derthonæ. *Fallis Agerola. —* tur & ciuis meus Raymōdus Marlianus, qui Helorediam prius dictam Angleriam in Paraphrasi Gallicæ topographiæ scripsit. Ego Angleriam non Helorediam dixerim ab Anglis Saxonibus, qui cum Longobardis in Italiam uenerunt, Hæc Alciatus. Verum ego non ultra Padum, sed citra potius, hoc est, inter Eridanum & Alpes, potius fuisse crediderim: præsertim cum lectum sit eam urbem non procul à Mediolano fuisse, quam cum Romani obsiderent C. Cornelio Merula & M. Claudio Marcello Coss. & obsessis Insubres auxilium ferre non possent, onniuncto statim ratibus Pado Duce Viridomaro, qui ex Transalpino genere auxiliares copias Insubribus cōtra Romanos adduxerat, Clastidium, quod Romani tenebant, adorti sunt, putantes fore, ut destitutis *Acerra m. s. g.* Acerris, Romani ad Clastidium liberandum festinarent. In agro Mediolaniensi non procul à Liuiano uicus est, cui Acerræ adhuc *Acerra m. s. g.*

nomen est. Facile adducor, ut putem ibi ciuitatem Acerrarum extitisse, & adhuc Acerranus tractus ultra Rescardinam dicitur.

De Orobijs cæteris, qui ad Insubres minimè pertinent.

CAP. IX.

ORobiorum gētem Zanchus longis ambagibus & originem prosequitur. Ego ijs. omisis, ea tantum amplectar, quæ apud uetustos autores scripta reperi. M. Cato, auctore Plinio, Orobiorum originem ignorare se professus est. Eos Cor. Alexander Græcos fuisse existimat: quòd ea uox in montibus degentes significet. Orobiorum ciuitas præcipua est Nouocomum trium Pliniorū patria, in margine Lariano. Hanc urbem non Græci, sed Galli (si Trogo credimus) condidere, quam cum Rheti uastassent, Romani quater eam repararunt, sed ne super hac re hallucinari noua uidear uobis, Strabonē ipsum libro quinto, si placet, audite de Como loquentem: Hæc mediocris, inquit, erat colonia: Cæterum Pompeius Srabo, Pompeij Magni pater colonos in eam restituit: quam incumbētes Rheti uastauerant. In qua C. Scipio tria hominum milia insuper adiecit: postmodum Diuus Cæsar quinque inquilinorum millia ad inhabitandum deduxit, è quibus quingenti illustrissimi fuere Græci. Hos etiam ciuitate donatos in habitatorum numero descripsit. Haud tamen ibidem domicilium

Nouocomū.

Orobij

Acerranus
tractus.

domicilium habuêre, sed oppido nomen relin-
 quentes, & Nouocomum appellantes, Nouo-
 comêses oppidanos uocauêre. *Octauo* ab hac
 urbe lapide fons est Plinianus, qui singulis *fons plinianus*
 horis & labrū ferè aluei excedit, & ferè ita refi-
 det, ut illotis ferè pedibus uadari possit. In pro-
 ximis montibus ad excoquēda obsonia Lebe- *Lebethus*
 theus lapis excauatur, nec alibi, quod sciam, *lapis.*
 Deinde est Licinophorū, quod Leucū alij fru- *Licinopho-*
 stra esse cōtendunt, municipium sanè elegans, *rum. minus*
 ea in parte riparum lacus, qua Adduæ flumen *Leucum*
 erūpit. Sunt item qui dicāt, & ijs magis assen-
 tior, Incinum esse, qui pagus est Insubrū eorū *Incinum.*
 qui ad Mediolanienses spectat. Forum diu- *Forum diu-*
 gontorum ubi nam locorum fuerit, hætenus *gontorum.*
 coniecturis assequi non potui. Melpum opu- *Melpum.*
 lentissimum olim oppidum Boij & Insubres
 eo die flammis cōsumpserunt, quo Veios Ro-
 mani auspicijs Fur. Camilli sub potestate re-
 degere. Sunt qui arbitrētur esse Melcium mu- *Melcium.*
 nicipium nobile, & ditissimum; eo nūc potitur
 Comes firmus Triuultius & natalium splen-
 dore, & animi dotibus uir ornatissimus. Hoc
 in tractu interiit etiam Barra oppidum, unde *Barra. unde*
 Bergomates ortos putauit Cato. Non desunt *Bergomates*
 quoque qui monumentis tradiderint ab his
 Gallis conditos, à quibus & Veronenses &
 Brixianos. Inter Orobios nec Spina reperitur.
 Sunt autem Orobij altius q̃ fortunatius siti.

autē à Flauianis militibus prędæ exposita est, annum agebat ætatis suæ CCLXXXVII. & ante hanc cladem tēpore etiā Diui Augusti in grauissimas ærumnas incidit, quod Antonianis partibus fauisset. Non ab re igitur poetarum eminentissimus Cremonam infelicem his uerbis appellauit:

Mantua uæ misere nimium uicina Cremonæ.

Gotthorū quoq; ætate, mox Longobardorum uarijs ruinis affecta est. Nouissimè à Rubrobarbo quoq; ferè euersa est. Non lōgè à Cremona Castrorū locus est, à Tacito celebratus: *Castri.* quē Castoris Paulus Orosius nominat. Vtra harū uerior sit lectio, cum Alciatus aderit, excutiet. *Bebriacū* uicus est agrī Cremonensis *Bebriacum.*

strage Othoniani exercitus illustris, cum Brixelli ultra Padū euentū pugnæ Otho Imperator expectaret. Ad ripas Serij Crema est à *Crema.*

Rubrobarbo post prostratos Cremonēses cōdita. Oppidū citra clepsydrā (quod aiunt) & opulentissimū & inexpugnabile sub Venetorum ditio. *Mātua* ab Hetruscis cōdita dicitur, urbs & uetustissima, & Vergilio omnium poetarum Latinorum, quot sunt, quotq; fuere, quotq; post alijs erunt in annis principe per totum terrarum orbē celebratissima. Hanc urbem *Mintius* amnis undiq; circumfundit, efficitq; lacum, qui carpiones expetiti saporis gignit: puto autem in Benaco lacu generari, quē

*Sarca flm.**Riua.*

Sarca fluuius ex Tridētinis mōtibus influit, & ex lacu pisces illos per Mintiū Mantuā enatare. Hanc ciuitatē Atilas, & hoc prior Augustus, mox Longobardi, & his truculentior Cacanans Bauarorum rex, mox Eccelinus Patavinorum tyrannus grauissimis damnis affecere. Non procul à Mantua Riua oppidum est iuxta quod Grimoaldus Longobardorum præfectus Transalpinos Gallos crudelissima strage trucidauit.

De Venetis.

CAP. XI.

Venetis etiā Gallica est origo; Sciunt enim omnes in ulteriore Gallia secus littus Oceani Venetos esse proximos Vnellis, Ofissinis, Curiosolitibus, Setuuijs, Aulercis, & Rhedonibus. Qui cū & ipsi duce Bellouesso Alpes exuperassent, quod essent in patria fluctibus adfueti, Adriaticū littus occuparunt. Verū de hac re Strabonē audiamus; Hos ego Venetos esse opinor, à quibus Veneti sinum colētes Adriaticū in coloniā deducti sunt. Reliqui enim ferē omnes in Italia Galli è Transalpina Gallia cōmigrarūt, sicuti Boij & Senones. Verū propter nominis similitudinem Paphlagonas esse dicunt. Hæc autē non adfirmauerim, de huius em generis rebus ipsa satis est cōiectura. Hæc ille. Seruius in primo Aeneidos libro ab Heceto rege, qui ex Illyrico ueniēs ea loca tenuit, ubi nunc Venetia est, Venetos dictos innuere uidetur:

uidetur: Henetosq; primò, & Henetiam uocata, Veneti olim, quòd etiam ætate Strabonis prorsus exoleuerant, studium impendebant ad creandos ex equabus mulos: cuius rei meminit Homerus:

Εξ ἐνέιδου ὅτι μῦθον ἔχουσιν ἁπλοῦς, id est,
Mularum genus è Venetis quod robore præstat.

Dionysius quoq; (ut attestatur Strabo) Sicilia tyrannus hinc alendorum semen equorum constituit, quos ad equestre certamen tollebat: adeò ut per Græcos equinae prolis Venetæ nobilitas maneret. Patauio antiquitus Venetiarum urbium præcipuus honos fuerat: Per tempora enim Strabonis censi sunt in ea urbe quingenti equestris ordinis uiri, antiquis autem annis c. & xx. militum millia misisse constat. Dictum autem est Patauium uel quasi Padauium à Padi uicinitate, uel ἀπὸ τοῦ περὶ ποταμοῦ, id est, à uolendo, quòd captato augurio, ut Seruius scribit, conditum sit. Vergilius primo Aeneidos libro ab Antenore conditū Patauium refert his uersibus:

Hic tamen ille urbem Patui, sedesq; locauit
Teucrorum, & genti nomen dedit, armaq; fixit
Troia; nunc placida compositus pace quiescit.

Nobilitata est maximè T. Liuii & historico, Tit. Liuii.
& oratore facundissimo. Quē acerrimi uir ille ingenij Fab. Quintilianus historicis omnibus
& Græcis, & Latinis præponere uidetur. Tarsus Tarsusium.
e s unium

uisium urbs Venetæ regionis, unde Taruisas
 ni tractus fluxit appellatio, Totilam Quintū
 Gotthorum regē in Italia genuit, qui magno
 exercitu cōflato uniuersam Italiam armis sub-
 egit, Romamq; copijs infestis ingressus uasta-
 uit, incenditq; *Silis.* Hanc urbem interfluit *Tridentum.* Silis a-
 mnis placidissimus. *Tridentum* sunt qui ues-
 lint ab his Gallis esse conditū, à quibus & *Ves-*
ronam. Hoc in loco transitus est Alpium, quæ
Tridentinae uocantur. Quarum meminit Pli-
Vicentia. nius libro tertio. Inter Venetas urbes *Ves-*
centia, & ipsa recensetur, à Senonibus Gallis
 (ut Trogus refert) condita. Per *Vucentinum*
Rharonus fl. agrum *Rharonus*, & *Bachilio* amnes dilabun-
Bachilio fl. tur. Qui ubi ad *Vucentiæ* mœnia confluxêre,
 nec ille *Rharonus* est, nec hic *Bachilio*; sed uno
Medoacus nomine *Medoacus* appellatus in mare *Adria-*
fluuius. ticum defertur. *Vucentinus* *Palæmon* omnium
Palæmon. hominum suæ ætatis arrogantissimus. Hic ille
 est, quem in suis carminibus Vergilius digna-
 tus est inferere, cum inquit:

—Vel qui uenit ecce *Palæmon*.

M. Varronem idem porcum literarum nomi-
 nabat, uerum literas & secum natas, & secum
 perituras esse dicebat. Interrogatus quid inter
 stillam, & guttam differt, Stat, inquit, stilla, gu-
 ta cadit. *Verona.* Qui *Veronam* primitus habuerint
Athesis. satis est dictum: eam *Athesis* interfecat. Hanc
Catullus. urbem tres maximè uiri illustrarunt; *Catullus*
 scilicet

scilicet, à quo & Iulius Cæsar profectus est: *Vitruuius.*
 Vitruuius per tempora diui Augusti Archite-
 cturæ scriptor; & Aemilius Macer, qui de her- *Aemilius*
 barum uirtute elegantissimè scripsit. Sed hic *Macer.*
 libellus qui sub Macri nomine circumfertur,
 non huius est, sed Odonis cuiusdam medici, ut
 ipse uidi in codice quodam antiquissimo. Ve-
 rum ut gratior exiret in lucē, Macri titulo in-
 scriptus est. Quia ad Veronenses Plinium natu-
 ralis historiæ scriptorē cūciunt, pluribus for-
 tasse, quàm opus sit, argumentis conuicti sunt.

In Veronenſi agro Benacus est lacuum omniū *Benacus. la-*
 amoenissimus. In hac urbe occisus est Philip- *cus.*

pus Imperator, quem ex Impp. primum cum
 filio sacro baptismo nonnulli unctum fuisse
 contendunt. In annalibus reperio eum tamen
 uoluissē, ut antea etiam frustra tentauerant
 Tiberius, & Adrianus Impp. aram Christo
 redemptori dicare. Huius ætate floruit Ori- *Origenes.*
 genes uir Christianissimus, & quæ in sacris Bi-
 blijs edidit, scriptis celebratissimus. *Feltrum.*

Item & Bellunū Veneti tractus ciuitates extis *Bellunum.*
 tere. *Opitergiū.* Opitergium quoq; celebrati nominis a-
 pud antiquos ciuitas fuit. Opiterginos enim
 lectum est Iulio Cæsari cōtra Pompeianos au-
 xilio uenisse; infaustoq; pugnae euentu disces-
 sisse, qui ne in Pompeianorum potestatem ue-
 nirent, classe iam ab illis circumuenta in Adria-
 tico sinu, inter se gladijs eductis concurrentes
 occub

occubuere. Huius rei meminit Quintilianus his uerbis libro tertio: Denique non fecerunt Saguntini, nec in rate Opitergini circumuenti. Hanc urbem à fundamentis post longam obsidionem Longobardorum rex Rhotaris euer-
tit, cuius loco Heraclea condita est à magno Opiterginorum ecclesiæ episcopo; & ab Hera-
clio Imperatore Heracleam dixit. Sunt & in
Venetorum tractu Acedum, Ateste, & Algi-
num uetusta oppida. Venetiarum urbs cla-
rissima, & totius Orientis emporium anno sa-
lutis L V. supra quadringentesimum, ut Pal-
merio placet, in intimo Adriatici maris sinu
condita est, post uastam ab Atila rege Aquileiam. Ceterarum enim urbium primates Aquileiensium ruinis & fremitu terrefacti, collectis ditio-
re suppellectili in illas paludes salutis gra-
tia se recepere. Ceterum cum calamitates in dies
magis nouis superuenientibus tyrannis con-
duplicarentur, factum est, ut ibi sedes firma-
rentur. Itaque creuit urbs ipsa breui tempo-
rum interuallo: Hac autem ætate adeo opum,
& palatiorum excellentia, & recto consilio pol-
let, ut facile Italicarum non modo urbium, sed
& totius orbis princeps dicatur. Aquileia ex
antiqua nobilitate, & potentia aliud habet ni-
hil quam inane nomen. Hæc inter se collo-
quentibus, ecce superueniens nuntius palam
Galeacium Capellam agere animam retulit.
Quam

Heraclea.

Acedum.

Ateste.

Alginum.

Venetia.

455.

Aquileia.

Quamobrem consternati omnes illico confur-
 rexere. Dii boni quæ suspiria ? quæ lamenta-
 tiones ea hora non extitêre ? Quis dolore non
 exarsit ? Quis tunc non exclamauit, impia fata,
 fata impia ? quæ patriam hanc tam acerbo fu-
 nere contaminastis . O' Dii immortales cur
 hoc lumen tam cito extinctum esse uolui-
 stis ? Hæc ubi seorsum conquesti es-
 sent, omnes lachrymis confusi,
 insalutato (quod aiunt)
 hospite disces-
 sere.

FINIS LIBRI
 PRIMI.

GAVDENTII

MERVLAE DE ANTI

QVITATE GALLORVM

CISALPINO

RVM

LIBER SECVNDVS.



OSTRIDIE Galcacij Capellæ uiri subacti ingenij parentalia conuentum impedi-
uere: dilatatum est itaq; ratiocinandi tempus in alteram diem: quæ cum illuxisset, præstò omnes affuere, præter Landolphum & Phyletum, quos Ticinum traxit necessitas. Accepit eos autem in musæum suum Bonauentura Castillionæus, huius uir ætatis politissimus. Aderant primi ueris delitiæ rosæ pro aulæis, pictisq; tapetibus: quæ ob Capellam mœstus deposuerat. Adfuit Otho uir cum singularis humanitatis, tum eruditionis, & cum eo Iacobus Maietus, de quo satius est tacere, q̃ pauca dicere: qui cum in hemicyclis omnes desedissent, præter omnium opinionem Bernardus Felicianus accessit: quo uiso, omnes statim assurgentes, amplexi sunt hominem, non Cremonensium modò, sed & Cisalpinæ Galliæ decus immortale. Omnibus itaq; desideribus,
omnium

omnium nomine Othonem orarunt nonnulli, ut partem Cispadanæ Galliæ, qua fieri breuitate posset, absolueret. Difficilem prouinciam mihi, Otho inquit, imposuistis, utpote quæ ab autoribus celebrata sit minus: uestra tamen humanitas, non modò ut bono sim animo facit, uerum fortasse ex tyrone me triarium, & ex gregario legionarium militem efficiet. Aggrediar igitur onus hoc nobis impositum, non tam spe perficiundi, quàm uobis obsequendi. Si quid igitur in historia titubatum fuerit, aut si Latine quid dictum minus effluerit, putatote obsecro esse me in tragœdia (quod aiunt) Comicum: & aliquando inter delicias habere me grammaticis aduersari. Sed dum rem ipsam uobis breuiter expono, precor audite.

Cisalpinæ Galliæ compendiosa descriptio.

CAP. I.

INter Padum, & Apenninum usque ad Rubiconem quicquid terrarum iacet, Cispadana Gallia nominatur: & primi sunt Ananes, post Boij, inde Eganæ, mox Senonæ, deinde ad litus Adriaticum Gesatæ. Ananes sunt, teste Polybio, qui non longè habitant à Masiilia. Boiorum regio & ipsa amplissima est, quorum metropocomia fuit Tannetum, nunc Bononia est. Eganæ esse arbitror, qui nunc Tanarum, & Trebiam, Padumque per Apenninum iacent.

Ananes.

Boij.

Tannetum.

Bononia.

Eganæ.

Asta. iacent. Inter Ananes Astam coloniā, & Ale-
Alexandria. xandriam urbes celeberrimas numerauerim.
Pollentia. Ad Eganēs Pollentiū, Albampompeiam,
Albapompeia. Aquas Statiellorū, Derthonam, Casale sancti
Aque Statiellorum. Euasij, & Bobianā urbem reijciam. Tunc Ni-
Casale. colaus Castillionē, Amicus Plato est, inquit,
amicus Socrates, magis tamen amica ueritas:
Inuenio ipse Bobium esse in Coctijs inter Ana-
nes Alpibus, non autem in Apennino inter
Eganēs. Et uitula tu dignus, & ego, inquit,
Bobium duplex. Otho. Bobium enim, de quo ipse loqueris, non
inficias eo esse in Coctijs Alpibus. Alterū ue-
rò, de quo ipse sentio, medio ferè est inter Ge-
nuam & Placentiam itinere. Hæc res Alcias-
tum miræ cum eruditionis, tum candoris ui-
rum in errorem traxit. Qui Georgium Me-
rulam singularis ingenij uirum ignorati loci
infantia inurere conatus est: quod dixerit Al-
pes Coctias eas esse, in quibus est Bobiū, cum
Merula intellexerit Bobium in illis Alpibus,
ubi est monasterium (ni fallor) sancti Colum-
bani, quod à Theudolinda adiuuante Addoal-
do Longobardorum rege conditum fertur.
Istud uerò quod in Apennino est Bobiū, Ver-
mianæ ditioni suppositum est. In ipsa uia Ae-
Custodia. milia erant Custodia & Lellia municipia olim
Lellia. florentissima, quorum uestigia hæc ætate ne
inspiciuntur quidem. Visu pulcherrima sunt
per hæc loca Apennini iuga, nunc se subtra-
hentis

hentis, nunc in cubitum se curuantis. Huic
 monti exordia dat Polybius ferè usq; sub Mas-
 filia. Alij initium faciunt sub Vadis Sabbatijs, *Vada Sab-*
 quæ Plinius portum fecit. Paludes autē cum *batia.*
 plures per ea loca sint, uada dicta esse existi-
 mandum est à Sabbatijs fortasse populis. Exi-
 stimant autem non malè pleriq; Sabaudia du- *Sabaudia du-*
 ces hinc dici, & regionem Sabaudiam quasi *ces unde.*
 Sabbatiam. Sunt qui contendunt eam nunc ur-
 bem esse, quæ Sauona dicitur: in qua Pertinax *Sauona.*
 Imperator (ut refert Iulius Capitolinus) mer-
 caturam per suos homines exercuit: non aliter
 quàm priuatus solebat. Sunt per hæc loca
 oppida nobilissima, quorum ingrata esset enu-
 meratio. ¶ In Apennino erat olim Libarna, *Libarna. est Jm.*
 quam incisam Georgius Merula pluribus ar-
 gumentis esse contendit. ¶ Alexandria olim, *Alexandria.*
 ut quibusdam placet, uicus fuit, nomine Cæ- *Cæsarea ui-*
 sarea, qui deinde auctus à Mediolanien- *cus.*
 sibus, ut facilius Ticinensibus & Rubrobarbo resi-
 sterent, Alexandria est appellata ab Alexan-
 dro Romanorum ea ætate pontifice. Eam in-
 terfluit amnis Tanarus. ¶ In Alexandrino agro *Tanarus fl.*
 Quadringentum pagus est: à Quadringenta, *Quadrin-*
 ut inquit idem Merula, Romanorum familia, *gentum.*
 ¶ Decimo ab Alexandria lapide Augustaba- *Augustaba-*
 cienorum est in ripis Padi municipium & ele- *cienorum.*
 gans, & uetustissimum, utpote quod & à Pl-
 nio celebretur: nunc Bassignana dicitur sub *Bassignana.*
 f ditio

ditione comitis Hippolyti Mayni florēti adolēscētis ingenio. *Forūfuluij.* Mox est Forumfuluij, quod etiam per tempora Plinij Valentinū dicebatur: nūc est Valentia: sanē hoc in loco preciosa uina generantur. *Valentia.* *Derthona.* Derthona Romana colonia inter Insubres & Ligures, quorum arma semper ferē coniuncta fuerunt, deducta: ne alteris alteri auxilio essent. Sublatis Rom. armis & Senatus potestate in Insubrum amicitiam declinauit, quam cum Rubrobarbus, ut Ticiensibus gratificaretur, uastasset, immisisis nouis inquilinis Mediolanienses repararunt anno à Virgineo partu M C L V. ut scribit Acerbus Muræna. *Tyrus.* In agro Derthoniensi tyrus reptiliū sœuissimus, ut uult Leoniceus, tantum oritur: ex cuius pastillis fit tyriaca omnium ferē uenenorum antidotus efficacissima. Quæ nec alibi (ut attestatur idem) præstantior reperitur. *Sale.* Inter Aemiliam uiam & Padum Sale, *Castrum nouum.* & Castrum nouum occurrunt Gotthorum (ut multi uolunt) opera. In quibus illi statua habuere, ne uicatim dispersi trucidarentur. *Antilia.* Antiliae urbis non procul à Sarrauale ruinæ uix inspiciuntur. In quam Tiberius Cæsar (ut Suetonius est autor) uirum equestris ordinis, matrisq; familiarem, & cui ea moriens curam funeris demandauerat, miserē condemnauit. Sita autem erat Antilia secundum ripas fluuij qui *Iria fl.* *Scriuia fl.* Iria à uetustioribus est dictus, nunc Scriuia nominatur

minatur. Interijt & in hoc tractu Iria, quam in *Iria opp.*
 ter Cumillum & Derthonam ponit Antoni-
 nus Pius, cuius etiam meminit Ptolemæus.
 Non absurdum esset putare pro ea reparatum
 fuisse municipium, quod nunc *Vicheria.* Vicheriam uo-
 cant, quasi Vicem Iriæ præstās. Mox est Cla-
 stidium in agro Ticinensi, horreum Annibalis *Clastidium.*
 cum ad Trebiam castrametaret. In uicinia hac
 Virodomarum Gallorum regem M. Marcel-
 lus singulari prælio deuicit, Ioui Feretrio opti-
 ma spolia in Capitolio dedicauit. Nouissimè
 Bobium est Vermianorū, de quo fortasse plu- *Bobium.*
 ra quàm oportuit, diximus.

De Boijs populis.

CAP. II.

BOIOS scitis omnes Galliaë Cisalpinæ po-
 pulos esse intra Padum & Apenninum à
 Trebia flumine usq; Bononiā, quæ Felsina ab *Felsina. est Bononia.*
 antiquis est dicta, & ab Hetruscis condita: cæs-
 terum bellis uastatam Boij Galli Transalpini,
 qui nunc Borbonij nominantur, restaurarunt,
 & ab eorū nomenclatura Bononiam, quasi Bo-
 ioniam dixere. Hanc urbem Rhenus alluit. *Robert. Boionia.*
 Bononiam alteram reperies inter Celtas ad littus *Rhenus fl.*
 Oceani. Verum ut ad Boios regrediar, Priscis
 (ut Strabonis interpretis utar uerbis) tempo-
 ribus plurimæ Gallorū gentes fluuium inco-
 lebant, è quibus amplissimi fuerant Boij, Insu-
 bres, & qui olim cū Gessatis. Senones Roma-
 na per impetum urbe sunt potiti. Hos Roma-
 f 2 ni po

ni posterioribus annis funditus deletos perdis-
derunt. Boios uerò è finibus eiecerūt. Inde mi-
grantes circuniacentes Istro locos cum Tauris-
cis habitarunt, bellum assidue contra Dacas
gerentes, donec ea gens funditus extincta est.
Agrum uerò qui ad Illyrium spectat, pascēdis
ouibus idoneum uicinis reliquerunt. Insubres
hac etiam ætate sunt, qui Mediolanum metropo-
lim habuēre: ea quidem pridem uicus erat,
omnes enim uicatim habitabāt, hac uerò tem-
pestate eximię dignitatis trans Padum ciuitas
est, quodam modo Alpibus finitima. Hæc ille.

Placentia.

↪ Versus Insubres est Placentia Ro. colonia:
quam Asconius Pedianus tradit ordine quinquagesimam & tertiam. Fuit autem deducta
pridie Kal. Ianuarij primo anno Punici belli se-
cundi, Cor. Scipione patre Africani prioris, &
T. Sempronio Longo Coss. Fuēre autē missa
Ro. generis hominū sex millia, quæ Boijs op-
ponerentur, & Insubribus. Deduxerūt trium-
uiri P. Cornelius Asina, P. Papyrius Maso,
Gn. Pompeius, & Gn. Cornelius Scipio. Hæc
colonia (ut uetera damna conticeam) post mor-
tem Io. Galeacii uicecomitis, cui Virtutū co-
gnomen fuit, ferè ab Insubribus semper octies
prædæ exposita est. Coloniarū à te (inquit Bo-
nauentura) sæpius est facta mentio: quid autē
colonia sit, quos habere præceptores contigit,
me non docuerunt. Duo, mi Bonauentura candi-
dissime,

diffime, inquit Orho, fuere coloniarum apud Ro. genera; quarum præstâtior erat, quæ Latina dicebat. Itaq; cum cis Alpes Galli in fide Ro. uel cladium contineri minime possent, Gn. Põpeius Strabo M. Pompei pater, ut Gallos, præsertim qui ad Alpeis iacent, clementia retineret, legem tulit ad populum, qua ueteribus incolis Transpadanis Gallis ius Latinæ coloniae dedit: quo possent in urbe magistratus petere, comitia inter se declarare. Quod iure Latij donati sint maiores nostri, libro quinto his uerbis Strabo declarat: Opinari uero cuiquam licet priscos Italos felicitate florentes in communionem deuocasse finitimos: atq; hunc in modum auctis deinde uisibus in Ro. Imperium deuenisse. Tandem uero atq; ex quo Romani in regni societatem & in ciuitatem Italos uocauere: decretum est & Gallis Cisalpinis, & Venetis idem honoris impetire, uniuersos Italos Romanos uocare. Non longè à Placētia est Nura fluuius. In uia Aemilia adhuc est Fidentiola uetustissimum oppidum & celebre Carbonis clade, ut his ferme uerbis Liuius ostendit: Sylla Carbonem exercitu ad Clusium, ad Faurentiam, Fidentiolamq; caeso Italia expulit. Inter Fidentiolam & Tarum duo sunt ignobiles fluuij Occa, & Conius. A Taro Parmâ itur, quæ & ipsa uetus est Ro. colonia. Eam autem eiusdem nominis fluuius interfluit. Quam

Nura fl.

Fidentiola.

Tarus

Occa fl.

Conius fl.

Parmâ.

mks
flu

truculenter uexata sit ab Antonianis militibus, Cicero Philippica XIII. attestatur: Declarauit, inquit, in calamitate Parmensium, quos optimos uiros, honestissimosq; homines maxima cum autoritate huius ordinis R. Q. P. dignitate coniunctos crudelissimis poenis interfecit. Et paulò infrà: Quæ L. Antonius in Parmensium liberis, & coniugibus effecerit, refugit animus dicere P. C. ea res formidat. Qua enim in urbe tam immanis Annibal capta, quàm in Parma subrepta Antonius? Abundabat aliàs Parmensis tractus plurimum uellere, cuius meminit Martialis, cum inquit:

Tondet & innumeros Gallica Parma greges.

C. Cassius. Nobilitata est hæc urbs præclaris ingenio uiris C. Cassio scilicet, q ab epistolis fuit C. Cassij qui C. Cæsarem interfecit, Cassio altero centurione, & Cassio poeta. Falsò autem Macrobius qui Saturnalia scripsit, Parmenses adscribunt sibi. Quando ipsemet in suorum librorum præfatione non Italum se, sed peregrinum fateatur, cum ait: Se sub alio ortum cœlo, quem Rom. sermonis uena non adiuuet. Parma & Mutina coloniae c o s. M. Marcello deductæ sunt, adscriptaq; singulis bina millia hominum in agrum qui proximè Boiorum, antè Tuscorum fuerat. Octona iugera Parmæ, quina Mutinæ acceperunt. Deduxerunt

C. Cassius.

Cassius Centurio.

Cassius poetæ.

th.

Macrobius.

j. Saturnalia.

39.

io Parma

9. Mutina

xerunt triumviri M. Aemilius Lepidus, T
 Ebutius Carus, & L. Quintius Crispinus. In
 Parmensi agro mons est Ceritus cum castro Ceritus mōs. est
 munitissimo. Montem Ceruchum uocāt. Cui ruc
 dominatur comes Paulus Taurellus cum na Paulus Ta=
 talium splendore, tum literarū & morum ele= rellus.
 gantia celebratissimus. Guido huic Tritauus Guido Tau=
 fuit rei bellicæ scientissimus. Hic enim Ge= rellus.
 nuates Vicecomitū Imperio subegit. Tametsi
 partem laudis Franciscus Carmaneola eripere Carmaneo=
 conatus sit. Conditiones enim pacis, & fœdera la.
 per Guidonem Taurellum incepta Carma= neola à Philppo Vicecomite missus perfecit.
 Verūm repudiato rursus Carmaneola Ligusti cæ classi Taurellus secundò præficitur in Al= phonsum. Qui triremibus præteruectus quan= quàm aspera & ferè intractabili hyeme Gaies= tanum sinum inuasit. Mox urbes omnes & Neapolim ipsam, quæ Tyrrheno mari alluun= tur, eiectis inde Hispanorum prælijs occu= pavit, & Vicecomiti stipendiarias fecit. Car= maneola postquē palatium illud, in quo Me= diolani annona venalis exponitur, ferè per= fecisset, à Vicecomite ad Venetos transfugit: & Venetijs tandem proditiōis suspectus ca= pite mulctatur, uir bello & pace præstantissi= mus. Inter Placentinum & Parmensem agrū sal à puteis hauritur, & in usus quotidianos excoquitur, loco nomen est Salsulæ, hinc etiā Salsulæ.

Naphtha statis quibusdam temporibus Naphtha reperitur.
Guaftalla tur. Secundum Padum Guaftalla est oppi-

Autharis est Brixellum, quod Autharis Longobardo-
Brixellu rum rex ferè uastauit, moenia à fundamentis

Tanetum diffecta sunt: quod Dociruphum Longobardum cum manu satis ualida recepisset. Qui inde fugiens Rauennam profectus est. Inter Brixellum, & uiam Aemiliam Tanetum

Paulus Dia-
conus.

Rhegium
Lepidi.

Crustulus
Annus.

fuit olim Boiorum ciuitas metropolitana; nūc uicus satis contractus. Cuius præclara mentio certatim fit ab autoribus præsertim à T. Lilius libro suarum historiarum primo & uigesimo: Ita (inquit) diuisæ copiæ, Boijsq; in agrum suum Tannetum profectis. Hoc in loco Buccelinus præfectus copiarum Theudeberti regis ulteriorum Gallorum, qui auxilio Getis siue Gotthis contra Insabres accesserat, post uastatum Mediolanum à Narsete graui bello, & superatus est, & extinctus. In Tannetano etiam agro Longobardorū equitū decē millia Totilam Gotthorū regē cum uniuerso exercitu trucidarunt. Transeo nunc ad Rhegiū Lepidi, triumuiratus illius, quo omnis Itolorū nobilitas penè sublata est, monumentū luctuosissimū nō pcul à Crustulo amne. Quæ loca qualia fuerint p tpa Annibalis, Strabonē audite: Magna, inquit, intra Padū pars paludibus obtinebat, p quas Annibal magnis difficulta

cultatibus iter fecit in Tusciam, Cæterùm
 M. Scaurus deductis ex Pado usque in Par-
 mensium agrum fossis nauigationibus com-
 modis paludes ipsas exiccavit è campis Per
 Placentina siquidem arua Trebia Padum in- *Trebin*
 fluens, aliq; item complures antè fluuij ultra
 modum plenius stagnant. Hæc Strabo. Ses-
 cus Padum Hostilia est: cuius incolæ apibus *Hostilia*
 olim maximè oblectabantur: & pabulo illis in
 uicinia deficiente nauibus imponebant aluea-
 ria, atque inde soluentes per Padum, qui (ut
 iam dixi) proximus illabitur, ad quina millia
 passuum noctibus contrario fluctu procede-
 bant: aurora aduentante lintrem sistebant, do-
 nec dies illuiceret. Illæ uisa luce egrediebantur
 ad pabulum, postq; ad naues redibant. Eo
 tractu depasto noctu semper locum mutabāt,
 nec ad propria reuertebantur, nisi nauibus
 pressis pondere mellis plena aluearia intelli-
 gebant: & hac ratione domum reuectis, mella
 eximebantur & copiosa, & optima.

De Gelsatis populis.

CAP. III.

Qui nunc Romanioli dicuntur, fuere olim *Romanioli. ali.*
 Gelsatæ: quorum origo defluxit à Trās- *807/117*
 alpinis, habitabantq; non procul (ut Polybius
 attestatur) à Rhodano: qui cum Bellouëso in
 hanc Citeriorem Galliam irruperunt, & ex-
 pulsus Tuscis, quicquid telluris inter Adriatis
 cum littus & Rhenum Bononiensem iacet, oc-
 cuparunt.

cuparunt. His peculiare fuerat suo periculo
bella conficiunda suscipere: & ut nudi in cer-
tamen prodirent. Iccirco Gelsatæ dicti: quæ
uox fortē significabat. Gelsatarum memine-
runt Strabo, & Polybius. Urbium Gelsatarū
nulla habetur mentio: uerum quæ nunc sunt,

Ferraria. sunt. *Ferraria* enim, ut scitis, à Smaragdo Ita-

liæ Exarcho post translatum in Thraciam Ro-
Imperium ædificata est: quæ nunc Estensium
ducum & ingenio, & opibus adeò exculta est,
ut inter urbes Italiae primarias nunc haberi

Forumgal-
lorum.

possit. Non procul à Bononia Forumgallo-
rum fuerat, & fortasse inter Boios: ut colligere
potui ex uerbis Appiani Alexandrini: Māsit,
inquit, itaque iuxta campum in uilla quadam
nullo circūsepta uallo, quæ Celtarum forum
nuncupatur. Huius etiam uici meminit Ser-

gus Galba, cum inquit: Antonius ad forum
Gallorum suas copias continebat. Vbi nunc
hic uicus sit, alibi dicetur. Non procul ab hoc
pago M. Antonius Pansam Cos. suis abditis
per syluestria uiæ Aemiliae fudit, quo in præ-
lio Cos. uulnere affectus intra paucos dies na-
turæ concessit. Versus Adriam Rauenna est
urbs à Theffalis condita: quæ diu Gotthis &

Rauenna. Longobardis obstitit, circa Rauennam Hispa-
ni à Gallis deuicti sunt, & Gallorū uires adeò
protritæ, ut à paucis diebus ultra Alpes amif-

sis

sis ducibus se receperint. Plinius Sabinorum oppidum Rauennam uocat. Vmbrorum alij esse coloniam uolunt; quod Theffali Tuscorū iniurijs contra ius gentium sapius lacefsiti in-
troducētis Vmbris illorū hostibus discessere.
Ariminum colonia Cisalpinam ab Italia Galz *Ariminum.*
liam separat; iccirco ambarum terminus; non sum tamen nescius Galliam ad Anichonā usq; à Pomponio Mela produci. Cesenna & ipsa *Cesenna.*
urbs antiqua uino optimo nobilis. In hoc tra-
ctu esse ait Strabo uasa uinaria adeò magna, ut domos altitudine uideantur æquare. *Sar= Sarsina.*
sina uel solo Plauto, cui palma inter Comicos daretur, nisi Cæcilius Mediolanienfis eam ar-
ripuisset, celeberrima est. Forum Cornelij *Forum Cor=*
nunc Imola dicitur. Hanc recto ordine sequi- *nelij.*
tur Fauētia, quā Totilas à fundamentis euer- *Imola.*
tit. Forum Liuij Gallo poëta Vergilij ami- *Fauentia.*
cissimo nobilitata est. Hinc non longè fuit *Forū Liuij.*
Adria; de qua hæc Strabo: Adriam quidem in- *Gallus poë=*
clytam ciuitatem fuisse memoriæ proditum *ta.*
est, à cuius nomine modica trāspōitione sum- *Adria.*
pta, & sinus appellatus est Adriaticus. Tame-
n nomē hoc ἀπὸ τοῦ ἀνδρὸς, hoc est, à uiro, Theo-
pompus descendere testetur. Adriam uerò ui- *Epiterpum.*
cino fluuiū dictam putat. Iuxta Adriam po- *Ordia.*
nit Epiterpū, Ordiam, & Vcetiam, quæ omnes *Vcetia.*
bellis protritæ interiēre. Butrium Rhauen- *Butrium.*
natum Castellum fuit. Altinum inter palu- *Altinum.*
des

Spina.

des est. Spina tempore Strabonis uicus etiam erat: at quondam Græca ciuitas, & quidem ce-
lebris in Delphis Spinenſium theſaurus com-
monſtratur: aliaq; de iſſis memoria mandata
ſunt, nempe apud quos maris erat imperium.
Eam (ut traditur) unda maris alluerat, nunc
locus L I X. à mari ſtadijs diſtans in mediter-
raneo iacet. Quæ interierint gentes per Geſ-
ſarum & Boiorum tractum, coniectari facile
poſſumus ex Plinio: qui has gentes per hæc
loca recenſet, quæ hoc tempore deletæ ſunt, ut
Forodocienſes, Liuienſes, Pompiliij, Truenti-
noni, qui cognominantur Aquinates, Tanne-
tani, Veliates, & ipſi Boij, præter Bononiam.
Quorum tribus CXII. fuiſſe autor eſt Cato.
Plutarchus in uita Claudij Marcelli in hac ci-
teriore Gallia Hiberos etiam ponit. Eius hæc
ſunt uerba: Hiberi gens Gallica eſt, qui uſq; in
Alpibus paſcuntur Italiam; qui quâquam po-
tentes eſſent, & fortes per ſe, Gallorum tamen
aliorum auxilium, uiresq; implorabant, quos
militiam agentes mercede Geſſatas appella-
bant.

Hiberi.

De Senonibus.

CAP. IIII.

Fines Seno-
num ſunt ab
Vſente flu-
mine uſq; ad
Atheſim.

Brennus.

SENONES & ipſi ſub ſignis Belloueſſi Alpes
ſtranſeunt extremum Ciſalpinæ Galliæ
angulum, qui Tuſcis eſt proximus, occupa-
runt: Diuq; in Italia ſub regibus fuere: è qui-
bus Brennus fuit: cuius auſpicijs Ciſalpina
Gallia

Gallia Romam præter Capitolium, incendijs consumpsit. Horum agrum, qui ab Ancona principium habet, primò Siculi, & Liburni tenuere; in primis Palmensem, Prætutianum, Adrianum. Umbri eos expulere: Hos Heturia, hanc Galli / Senonum in Citeriori Gallia metrocomia fuit Senogallia, quasi Senones Galli. Hac ætate urbecula est (Non pròcul hinc est Metaurus fluius) Deinde est Pisaurum cum amne Fanum Fortunæ colonia / Marchia Anconitana, olim Picenum / Hæc sunt eruditissimi uiri simul & humanissimi, quæ, ut uobis obsequerer, de Cispadana Gallia ab autoribus excerpti.

Senogallia.

Metaurus fl.

Fanum Fortunæ.

Marchia

Anconitana.

Picenum.

De Alpibus.

CAP. V.

Hæc cum dixisset Otho, decurso uelut sui laboris spatio, subticuit. Tunc Bonæ uentura, Quoniam, inquit, estis in regno meo, uideor mihi pro facilitate uestra posse me tyrannidem exercere. Id cum silentio omnes affirmassent, Puellam huc formosissimam, inquit, Castillionæus, sine uestibus adduxistis: Cum itaq; ipse mysta sim, nolo ipsam intueri, ni ab aliquo uestrum uestiatur prius. Quamobrem pro mea, quæ in te semper fuit singularis obseruatia, cum propter necessitudinem sanguinis, tum propter eruditionis candorem obsecro te Nicolæ Castillionæ, ut Alpium, quibus hæc nostra Gallia indui uidetur, nomenclaturam

claturam nobis absoluas / Locum, inquit Castillionæus, precibus non relinquam tuis, qui mihi es charissimis charior: uerum, ut breuitatis imitator sim tuæ, rem ipsam aggredior.

Alpes, quarum pro disiunctione locorum diuersa sunt nomina apud Latinos, Græci sola

Cimenij mōtes. *Alpes* *sum* *Apenninus* appellations. Cimenios montes uocant. Ab

eodem autem loco & Alpes & Apenninus

initium capiunt. Strabo ad Genuam Liguriæ metropolim, & Occidentis emporium frequē-

tissimum, Alpium & Apennini exordiū reij-

cit. Di autem Brutus ad Vada Sabbatia: &

hallucinari ne uidear uobis, eius uerba sub-

iungam: Ille enim ita passim, ego ordinatim,

quacunque iuit ergastula soluit, homines arripuit,

constitit nusquam priusquam ad uada uenit.

Quem locum uolo tibi esse notum. Iacet

inter Apenninum & Alpes impeditissimus ad

iter faciendum. Videtis ergo harum regionum

loca à Latinis, quàm à Græcis diligentius ex-

cuti / Ipsum autem Apenninum à boum uel

Apenninus *u* copia, uel præstantia dictum crediderim. Apis

enim Aegyptiorum lingua (ut uult Solinus)

bouem significat. Titus autē Liuius ab Hercule,

quem in summo montis uertice cultum maiores nostri Penninum uocabant, nomina-

tum putat. Explodenda est eorum opinio, qui

à Poenorum transitu, tanquam hic mons ante

Annibalis aduētum in Italiā nomine carue-

rit,

rit, hæc iuga dicta arbitrantur. Sed id grammatici uiderint, quibus mos est contendere de lana (quod aiunt) sæpe caprina. Dionysius Asfer hunc montem sic describit:

Μέσση δ' ἀμφοτέρων παραπέπταται αὐσονὶς αἶα
 Πρυτελής. τὴν μὲν τε μέσση ὄρος ἀνδία τέμνει
 ὄρεδ' ἄτ' ἐκ σταδμῆς ἰδυμηνόν. οὐκ ἄρ' ἐκείνο
 Ἰδρὶς μωμήσαιτο σοφῆς ὑποεργὸς ἀθήνης
 οὐ γ' ἀπεννίνου λελεήσκας. Id est:

Hunc uero sequitur Ausonia ora, quam mons quidem elatus admodum, & extensus ut states ra per medium secans, atq; illum ab omni latere circumsepiciens miro quodam ornamento, & insuperabili propè munimine uallauit. Nullus unquā architectus uidēs negare poterit, quin fuerit Mineruæ opus. Illum incolæ Apenninū uocant. Hæc de Apennino dicta sint, ad Alpes, quibus à Gallia, Germania; & Pannonia diuidimur, accedo. Verum quoniam omnis mea de Alpibus futura est oratio, placet antè diffinire, unde Alpes dicantur: omnis enim (ut inquit Cicero) quæ à ratione suscipitur de aliqua re institutio, debet à definitione proficisci, ut facilius intelligatur, quid sit id, de quo disputetur. Hi igitur, quos in uicina uidetis, montes, Alpes nominantur: quod maiores nostri (ut Seruius attestatur in quarto Aeneidos) montes altos Alpes uocarent. Quæ appellatio hac etiam tempestate Apennino, quæ per Calpurnianum

Alpes unde dicta.

nianum saltum in Tusciam trāsitur, indita est, Coelius Chalcagninus Alpes dictas putat à perpetuo niuium candore: ἄλφθ enim maculam albam in corpore significat. Festus Vitiliginem uertit, & alio nomine λευκὴ dicitur, tametsi λευκὴ profundius descendat: ἄλφθ autem tantum superficiem immutat. Cæterum (ut me ad prima recipiam) Alpes uel à uicinia ut maritimæ, uel à regibus ut Coctiæ, uel ab altitudine ut summæ, uel à populis ut Rheticæ, & Leoponticæ, nomina sunt sortitæ.

De maritimis Alpibus.

CAP. VI.

ERunt igitur maritimæ Alpes, quæ à uadis Sabbatijs ad Monæci portū, & hinc & ad Vari fluminis hostia longis amphractibus, & lunatis cornibus extenduntur. Inter Genuam & Vada CC. & LX. stadia intersunt. Inde ad CCC. & LXX. stadia Albigaunum est oppidū: quod Merula flumine abluitur: hac autē tempestate Centa, quod centum riuis augeſcat, nominatur. Hinc ad Monæci portum stadia CCCC. & LXXX. In quorum medio Albion est Intemelium historicorum monumentis celebratissimum, cum quod per tempora Ciceronis Intemelij Bellienum Demetrii Vernam in uincula coniecere, quod Domitium quendam uirum adprimè nobilem, & C. Cæsaris hospitem à contraria factione nummis accēptis strangulauerat, ut autor est Coelius: tum quod

Maritimæ
Coctiæ
Summæ
Rheticæ ut
Leoponticæ

Albigaunū.
Merula flu.
Centa flu.

Albion Intemelium.
Albia Intemelium

quòd fortunas huius oppidi Othoniana clas-
 sis per mare Ligusticum excurrēs prædæ ex-
 posuit; cumq; torqueretur mulier à militibus,
 ut, quem ipsa inter latebras abdiderat, filium
 proderet, uterum tortoribus ostendens, In hoc,
 inquit, latuit. Itaque mors parentis filio uitam
 tulit. Ab huius oppidi nomenclatura nōnulli
 arguunt: quòd à Sabbatijs Alpes initium ca-
 piant, Alpia enim prioribus seculis dicebatur
 Albia Intemelia; sicut & Alpionia. Nanq; hoc
 tempore (uerbis uitor interpretis Strabonis)
 in Iapodes, mons excelsus horum ultima at-
 tingens, & Alpes ipsas Albium nominant,
 perinde ac eò usque extendantur Alpes. Mo-
 nœci autem portus nec magnarum, nec mul-
 tarum nauium capax est. Hic olim ueneraba-
 tur Hercules: & ab eo nomen oppido inditum
 est. Hinc recto itinere ibatur ad Augusti tro-
 phæa: quam nunc Villam Francam uocant.
 Mox est Sallyium Nicæa. Ab hac urbe breuis
 est transitus ad Visionem, & hinc Anaonem,
 Mox Antipolim, deinde ad Forum Iulij octa-
 uianorum coloniam Paulino Suetonio, & Iu-
 lio Agricola celebratissimam. A Foro rursus
 Iulij nauigatur per Sambracitanum sinum Ci-
 tharistam, Imatras, & Mafsiliam. Huc usq; Li-
 guria protendit, si Trogo & Eustathio id scri-
 bētibus credimus. Inter Mafsiliam & Antipo-
 lim Sallyes Alpes tenent, Alciatus tam de re

Alpia olim n
Alpionia. Item

Monœci
portus.

Augusti tro
phæa. nunc
Villa Fræca.

Nicæa.
Visio.

Anaon.
Antipolis.

Forum Iulij.
Sambracita-
nus sinus.

Citharista.
Imatras.
Mafsilia.

leuy error.
pos graia q!
 literaria, quàm quis alius unquam benemeritus, putat Alpes maritimas etiam Graias dici, quod per eas Hercule duce Græci trāsierint. Ego (pace tamen tanti uiri dixerim) Alpes Graias esse putauerim, quæ à Segusio in Augustā prætoriam protenduntur, autore Plinio, qui ait eam urbem in faucibus Graiarum, Penninarumque Alpiū sitam esse: per quas petimus Geneuam in ripis Lemani lacus, unde Alemani dicti sunt.

De Coctijs Alpibus.

CAP. VII.

Segusium.
INter Graias & maritimas Coctiæ sunt Alpes, in quarum exitu uersus Italiam Segusium est. Eas Am. Marcellinus ita describit: Hanc Galliarum plagam ob suggestus montium arduos, & horrore niuali semper obductos orbis residui incolis antehac penè ignotam, nisi quæ littoribus est uicina munimina claudunt undique natura uelut arte circumdata, & à latere quidē Australi Tyrrheno alluitur, & Gallico mari: quæ coeleste suscipit plaustrum: à feris gentibus fluentis distinguitur Rheni: ubi Occidentali subiecta est syderi Oceano, & altitudine Pyrenæi surgit. Vnde ad Solis ortus attollitur aggeribus Coctiarum Alpium, quas rex Coctius perdomitis Galliis solus in angustijs latens, inuiacque locorum asperitate confusus lenito tandem timore in amicitiam Octauiani receptus principis, molibus magnis extruxit ad uicem memorabilis muneris compendiaras,

rias, & uiantibus opportunas, medias inter alias Alpes uetustas, super quibus comperta paulò postea referemus. In ijs Alpibus Coctijs, quarū à Segusio oppido initium est, præcellsum erigitur iugum, nulli ferè sine discrimine penè tractabile. Est enim à Gallijs ueniētibus prona humilitate deuexum pendentium saxorum altrinsecus uisu terribile, præsertim uerno* tempore, cum liquente gelu, niuibuscq; * alis, tepore solutis flatu calidiore uentorum per diruptas utrinque angustias, & lacunas pruinarum cōgerie latebrosas, descendentes cunctantibus planctis homines, & iumenta procidunt, & carpenta. Idēq; remedium ad arcendum exitum repertum solum, quòd pleraq; uehricula uastis funibus colligata ponē cohibente uiorum uel boum nisu ualido uix gressu repente paulò tutius deuoluūtur. Hycme uerò humus crustata frigoribus, & tanquam leuigata: ideoq; labilis ingressum præcipitantem impellit, & patulę ualles per spatia plana glacie perfidæ uorant nōnunquam transeuntes: ob quæ callidi eminentes ligneos stylos per cautiora loca defigunt, ut eorum series uiatorem ducat innoxium: qui si niuibuscq; operti latuerint, montanis defluentibus riuis euersi graues agrestibus præuijs difficile peruadūt. Hac Ammianus. Ex qbus uerbis explodēda est nōnullorū, præsertim Baptistæ Egnatij, opinio, qui arbi-

Segusium

Egnatij opinio

trati sunt, Alpes Coctias eas esse in quibus
Genua Ligurum nunc metropolis continetur.

De Saltu Iuliae Alpīs.

CAP. VIII.

*Alpīs sal-
tus.* **S**Altus Alpīs Iuliae non in Italiam descen-
dit, sed à Coctijs Alpibus excipitur. Inci-
pit autem à Tricastinis & in Tricorios descen-
dens uiatorem sistit in Coctijs. Per hunc sal-
tum scribit Titus Liuius in Citeriorem Gal-
liam Bellouesium se recepisse: fugasseq; Tus-
cos acie uictos ad Ticinum amnem. *Hicq; no-*
us caussae fuit multis erroris, putantibus Iu-
liae Alpīs Saltum, & Iulias Alpes eandem esse
per Alpes uiam. Quis enim est, qui non sciat
Tricastinorum Augustam inter Narbonien-
sis Galliae urbes à Plinio numerari inter Al-
bam Heluorum & Anatiliam non procul ab
Aptaiulia?

De Graijs Alpibus, quæ & Gratae dicuntur
ab aliquibus.

CAP. IX.

GRaiae Alpes à Coctijs initium capiunt,
& extēduntur usque ad Augustam præ-
toriam. Paulus Iouius uir cum miri candoris,
tum eruditionis has Penninas esse contendit.
Cuius autoritati non audeo refragari, quan-
do ferè constet ex lectione Ptolemæi, Caturis
gesse in Graijs Alpibus. Verum ex lectione
Titi Liuij secus apparet, ut mox dicemus. Ex
itinerario Antonini Pij habemus Tarātasiam
& Octodurum esse in Graijs Pēninisq; Alpib;
bus;

Tarantasia.
Octodurum.

ius error:

bus : cuius incolas alij Ceutrones, Centrones *Ceutrones.*
 alij nominant : quos Strabo post Salassos col-
 locat his uerbis : Post Salassos sunt Ceutro-
 nes, & Caturiges, & Veragri, & Nantua-
 tæ. *pagus octodur.*
 Octodurus pagus nunc est Sancti Mauri-
 cii non procul à Rhodano, ubi is se in Lema-
 num lacum exonerat. *m. c. s. m. m. - eij*

De Penninis Alpibus.

CAP. X.

Titum Liuium si sequimur, facilis erit con-
 iectura Penninas Alpes exordium su-
 mere, & finiri ad Sesitem fluuium : cuius hæc
 sunt uerba; Id cum inter omnes constet: eo ma-
 gis miror ambigi, quàm nam Alpes transferit; &
 uulgò credere Pennino, atque inde nomen &
 iugo Alpium inditum, transgressum. Coelius
 per Cremonis iugum dicit transisse. Qui am-
 bo saltus eum non in Taurinos, sed per sal-
 tus montanos ad Libuos Gallos deduxissent.
 Nec uerisimile est, ea tum ad Galliam patuisse
 itinera; utiq; cum quæ ad Pēninum ferant, ob-
 septa gentibus semigermanis fuissent. Hæc
 illæ. Si ergo Pennina iuga septa sunt semiger-
 manis gentibus, quæ Heluetij sunt, quis du-
 bitat Penninas crepidines initium capere ab
 Augusta prætoria? fallitq; Iouium uirum a-
 lioqui doctissimum? Omnes ferè tamen auto-
 res aiunt Annibalem in Italiam penetrauisse
 per Pēninas Alpes. Ut Seruius in illo Vergilij
 carmine, Alpes immitet apertas. Quas pa-

Penninæ alpe

Iouij error .100.

tesecit non sibi tantum, sed omnibus gentibus; quæ secundum Catonem & Liuium muri uice tuebantur Italiæ. Easque Annibal post bella Hispaniæ quæ decem & septem annis confecit, aceto rupit. Iuuenalis, Qui montem rupit aceto. Denique loca ipsa quæ rupit, Penninæ Alpes uocantur. Quam liquidò hanc controuerliam Seruius tollat, nemo est ex uobis qui non agnoscat. Cuius opinioni calculum adiecit Am. Marcellinus: Quæ Annibal, inquit, doctus à perfugis, ut erat expeditæ mentis & callidæ (loquitur enim de Penninis Alpibus) Taurinis ducentibus accolis per Tricastinos & oram Vocontiorum extremam ad saltus Tricorios uenit, indeque exorsus aliud iter antehac insuperabile fecit: excisamque rupe in immensum elata, quanquam cremando uim magna flammarum, acetoque infuso, quæ in solidis soluit per Druentiam flumen gurgitibus uagis in totum regiones occupauit Hetruscas. Cur autem Penninæ Alpes dicantur, diuersa est opinio. Alij siquidem a transitu Pœnorum dictas putant. Plures ab uno uel acri incolæ iugieius, norunt nomen inditum. Plurimi uero ab eo, quem in summo sacratum uertice Herculem Penninum montani appellat. Quorum opinionem Petronius Arbiter his uersibus affirmat:

— Exiit omnis

Quippe

Quippe moras Cæsar, uindictæq; actus amore
 Gallica proiecit, Ciuilia sustulit arma.
 Alpibus aërijs: ubi Graio nomine pulsæ
 Descendunt rupes, & se patiuntur adiri.
 Est locus Herculeis sacer aris, hunc niue dura
 Claudit hyems, canoq; ad sydera uertice surgit:
 Cælum illinc cecidisse putes, non solis adusti
 Mansuescunt radij: non uerni temporis aura
 Sed glacie concreta rigens, hyemisq; pruinis
 Totum ferre potest humeris minitantibus orbem.

Per has Alpes transisse C. Cæsarem idem re-
 fert Arbiter: & quanta difficultate is per Pen-
 nina loca euaserit, his uersibus expressit:

Sed postquam turmæ nimbos fregerè ligatos,
 Et pauidus quadrupes undarum uincula rupit,
 Incaluère niues: mox flumina montibus altis
 Vndabant modo nata: sed hæc quoq; missa putares:
 Stabant, & iuncta fluctus stupuere pruina,
 Et paulò antè lucis iam concidenda iacebat.
 Tum uerò malefida prius uestigia lufit,
 Decepitq; pedes: passim turmæq; uiriq;
 Arnaq; congesta strue deplorata iacebant.
 Ecce etiam rigido concussæ flamme nubes
 Exonerabantur: nec rupti turbine uenti
 Deerant: ac tumida confractum grandine cælum.
 Ipsæ iam nubes ruptæ super arma cadebant.
 Et concreta gelu ponti uelut unda ruebat.
 Victa erat ingenti tellus niue: uictaq; cœli
 Sydera: uicta suis hærentia flumina ripis:
 Nondum Cæsar erat: sed magnam nixus in hastam
 Horrida securis frangebat gressibus arua.

Meminis summarum Alpium Raymon-
 dus Marlianus: sed quæ sint, non satis
 aperte declarat: ait tamen has aperire uoluisse
 C. Cæsarem, ut cōmodiore itinere à Citeriore
 Gallia in Veragros esset transitus. Hac igitur
 cōiectura ducti alij, eas esse arbitrātur, quibus
 est initium à Sefite, & finis ad Verbanum. Inq̃
 ijs esse aiunt Varalle Alpinarū gentiū celebris
 præfecturæ municipiū, & Ocellum, quæ nunc
 Ocellana domus appellatur. Ambo in Noua-
 rienſi agro sita, iuxta Ocellū amnis Athiso di-
 labitur, exoneratq̃ se in lacū Verbanū. Nō si-
 lentio inuoluēdus est & Titi Liuij, & L. Flori-
 error: q̃ decepti similitudine nominis & Athi-
 sonis, & Athesis, Cimbros à Romanis in agro
 Veronēſi deuictos fuisse, scripsere. Et si qui ex
 uobis hoc mihi credit minus, pedē referat (ut
 interim taceā Castra Mariana pagum in agro
 Nouariensi, & Diaria Eusebij Cæsariensis) ad
 monumēta Plutarchi: qui ait Cimbros à Leo-
 pōtjjs & Rhetis ulterius euagari prohibitos,
 per Alpes descendisse, in qbus est Athiso. Qua
 præterea ratiōe Sicciani populi, quorū metro-
 comia est Varalle, inter Alpes Theutonū re-
 gulos interceptos ad C. Mariū uinctos addu-
 xissent, si hæc apud Athesim gesta extitissent:
 sed redeo ad Alpes rursus quāuis defessus ue-
 strā tamē in gratiā, ut intelligatis apud me esse
 antiquius

Varalle.

Ocellum.

Ocellana domus

Athiso flu.

iij } error
lor }

in m. p. m. m. uo
 1. Paul. Iovius
 2. 3. uilt. p. d. m.
 3. p. s. m. m. m. 350.
 4. de g. p. m. 1.
 cap. 3.

L. 68.

antiquius nihil, quàm amicorum desiderio pro
uiribus obsequi. In eisdem Alpibus est Mastas *Mastaleo fl.*
leo fluuius, qui in Sesitem peries Varalle præ-
cipitatur. Non procul hinc est Bormanicum, *Bormanici.*
oppidum à Galiis (ut non absurdum est cre-
dere) Narbonensibus conditum: quando apud
Plinium legatur Bormanicum in ea Gallia, nō
procul à Caballione inter Aream, & Macinā.

De Leopontijs Alpibus.

CAP. XII.

HAs recto tramite Orientem uersus Leo-
pontiorum Alpes sequuntur: quas ex sen-
tentia doctissimi Alciati eas esse diffiniemus,
ubi sunt Suitenses: quibus ex Bilitionis castro
in ripis Ticini anteq̃ Verbanum ingrediatur,
Claronā rectè tendimus, Bilitio hac tēpestare *Bilitio. nūc b.*
Belinzona dicit̃: quę aliās Insubrū parebat Im-
perio: uerūm Sforziacorū ignauia ducū cū plu-
ribus alijs castris in ius Heluetiorū redijt. Leo-
pōtj̃s Græcam esse originem Plinius fatetur.

De Rheticis Alpibus.

CAP. XIII.

LEopontiarū Alpium finis Rheticis est ini-
tium. fuere autem Rheti ex his Tuscis ue-
rustioribus, qui Galliā Citeriorē ante Roma-
norum arma incolebant, & postmodum pulsi à
Bellouesso Celtarum rege in præruptas Al-
pium crepidines se recepere. Rhetorū metro-
polis est Curia. Celebrantur uina Rhetica à *Curia.*
Vergilio, cum inquit: Et quo te carmine dicā
Rhetica; Rheticis enim præcipuus honor fue-

g s rat,

Biberius Me
ro.

Grisones.

Vallis Vol-
turena.

Adnas

rat, ut Plinius scribit, ante Tiberium Cæsarē, qui ob nimiam uini ingurgitationē dictus est Biberius Mero. Rheti hac tēpestate Grisones appellatur: & quanquā fuerint duce Rheto, à quo & nomen accepere, Tuscorum coloni in linguam tamen & mores Heluetiorū transferunt. In exordio Rheticarum Alpium Vallis est Volturena Catonis commendatione celebratissima, Per eam in Lariū se fluuius Adnas duas exonerat. Quanta sit harum Alpium altitudo, mira ingenij ubertate Claudianus his uersibus exprelsit:

*Sed latus Hesperiae, qua Rhetia iungitur ora,
Præruptis ferit astra iugis, panditq; tremendam
Vix æstate uiam: multi ceu Gorgone uisa
Obriguere gelu, multos hausere profunde
Vasta mole niues: cumq; ipsis sæpe iuuenis
Naufraga candenti merguntur sæpe Baratro.*

De Tridentinis, Iulijs, & Carnicis

Alpibus.

CAP. XIII.

Tridentum.

TRidentinas Alpes recenset Plinius in libris Naturalis historiæ, quas esse constat, ubi est Tridentum. In Tridētino tractu urbem condidit Anastasius Cōstantinopolitanus Imperator. Huius rei testem habeo ipsius Anastasij edictum ad circunuicinos Tridentinæ regionis in hanc sententiam scriptū. **NECESSITAS PUBLICA** multorum debet deuotione compleri, Quia non decet paucos suscipere,

scipere, quod constat plurimis expedire, ne regia iussa tepefacta lentescāt, dum res utilis delegatur infirmis. In Tridētina ergo regione civitatem construī nostra præcipit autoritas; sed quia territorij paruitas magnitudinem operis non potest sustinere; hoc sollicitudo nostra prospexit, ut acceptis mercedibus competentibus podaturam murorum omnes in cōmune subuehatis, qui uicinitate iungimini, ut accōmodo solatio securius compleatur, quod paucis inexplicabile fore cognoscitur. Hac scilicet cōditione definita, ut nullus ab his oncribus excusetur, unde nec omnia domus excipit. Hæc ille. Verū, quæ fuerit hæc urbs, quam condimanderit in Tridētina regione, adhuc ignoro. *Alpes Iulie.* Transeo igitur ad Iulias Alpes, quibus ex Foroiulij transitur in Noricum. Eas ijs uerbis Am. Marcellinus describit: Postea res Latio patefactę sunt carētes aditibus; quę aliquoties dant magnorum Ducum repellere conatus, & pars quæ Illyricum spectat mollius edita, uelut incauta subinde superatur. Latus uerò ẽ regione oppositum Thracijs prona humilitate diruptum, hincq; & inde fragosis tramitibus impeditum difficile scanditur, & nullo uetate. Sub hac altitudine aggerum utrobique spatiosa camporum planicies iacet superior, adusq; Iulias Alpes extenta ita resupina & pāda ut nullis habitetur obstaculis, adusq; fretum & Propontidem.

Alpes
nica.

Car= pontidem. **Alpium** extremæ sunt Carnicæ,
unde Iulius Carnicus. Quanto Rom. sanguine
hæc loca per tempora Diui Hieronymi asper=
sa sint, ipse declarat ijs uerbis: Horret animus
temporum nostrorū ruinas persequi. Viginti
& eo amplius anni sunt, quod inter Constans=
tinopolim, & Alpes Iulias quotidie Romanus
sanguis effunditur: Scythiam, Thraciam, Ma=
cedoniam, Dardaniā, Daciam, Thessalonicam,
Achaiam, Epyros, Dalmatiam, cunctasq; Pan=
nonias, Gotthus, Sarmata, Quadus, Alanus,
Hunni, Vuandali, Marcomani uastant, trahūt,
& rapiunt. Miror non adiecisse illum Cisalpi=
nam Galliam, quam à Marcomanis uastatam
fuisse, præsertim Insubrum agrum circa Me=
diolanum, refert Flavius Vopiscus, qui post=
modum Aureliano imperāte tanta Clade Ro=
manos ad Placentiam affecēre, ut penè Roma=
num solueretur Imperium. Gignunt Alpes
plures feras. Polybius autor est belluam in eis
gigni, quæ habitu quidem est ad cerui staturā
collo duntaxat excepto, & uillis, quibus capro
perquàm similis est: geritq; sub mento carnis
globum ad palmi magnitudinem capillosum:
huic caudam equini pulli esse tradit Polybius.

Lepores can=
didi.

Habent & Alpes lepores candidos, quos hy=
bernis mensibus pro cibatu niuem credunt es=
se; certè liquecente ea rutilescunt annis omni=
bus. Item boues & equos agrestes, Nascitur
quin

quinetiam in Alpibus saliuuca, herba uerius *Saliunca*
quàm flos. Pannonia gignit hanc quoq; & No *herba.*
ricus, Alpinarumq; aprica urbium Hipporhes-
dia tantę soliditatis, ut metallum esse cœperit,
uestibus eam interponi gratissimum est.

De nonnullis fluminibus, & lacubus

Cisalpinæ Galliæ.

CAP. XV.

E' montibus, quos Salassi colunt, duæ de-
fluunt Duria, inter Augustam Taurino- *Duria fluij*
rum & Clauasium Morgus est, qui nunc Or- *duo.*
chus appellatur, & fluuius alter quem Sturiā *Morgus fl. nunc*
nominant, inde est Sesites, quem Sicciam etiam *Orchus fl.*
uocant, unde Sicciani populi, Mox est Aconia *Sturia fl.*
inter Nouariam, & Sesitem, Et inter hanc & *Sesites fl. nunc*
Ticinū Terduplus, Ticinum Verbanus emit- *Siccia fl.*
tit; cui ob latitudinem Maioris cognomen est *Aconia fl.*
inditum. Forma ipsius lacus cocleæ similima *Terduplus*
est lunatis quibusdā cornibus biceps, alibi tri- *fluuius.*
gona; habet longitudinis stad. CCCLXIIII. *Ticinus fl.*
latitudinis uerò XXXII. Quibusdam in locis *Maior la-*
ita arctatur, ut uix mille passus excedat: alijs *cus. est*
tria, aut bina passuum mil. Natura interdū ita *Verbanus*
placidus est, ut etiam nautarum negligentiam *lacus.*
sustineat: sæpenumero ita cōtractę frontis est,
& æstuantis, ut eorundem peritam audaciam
deterreat. Scopulos habet non Ceramnijs, non
Scyllaceis, aut Cianeis inferiores, qui uentis &
undis adeò oblatrāt, ut Vergilianum illud per
eas partes transeuntibus occurrat;

Et

Et gemitum ingentem pelagi, pulsataq; saxa,
 Audimus longè, fractasq; ad littora uoces:
 Exultantq; uada, atque aestu miscentur arena.

Ticinus fl.

*Magadinus
 uicus.*

Sextium.

Locarnum.

Ascona.

*Insulae cuni-
 culares.*

Brisagum.

Canobium.

*Castrum Mal-
 pagum.*

Mazardite.

Huic lacui Ticinus ex Leopontinis Alpibus
 deriuans immiscetur: tantoq; impetu per Ver-
 banum fertur, ut multo spatio supernatet. Res-
 gio circumadiacens adeò felix est, ut uerna
 temperie, & herbarum luxuria facilè cæteris
 antecellat: & ideo non desunt, qui Verbanum
 à uerna temperie dictum putent. Huic exor-
 dium est ad Magadinum uicum: mox paula-
 tim arctatur, inde erumpens ut Propontis ex-
 patiat: iterum premitur, & denuo panditur
 ut mare Euxinum. Tandem ad Sextas calen-
 das (uici nomen est, quem Sextium uocant)
 clauditur: atq; illinc Ticinus erumpit. Cæte-
 rum undiq; frequētissimis municipijs, & por-
 tubus ornatur. Siquidem in ea parte, quæ In-
 subribus est opposita, sunt Locarnum, Asco-
 nia, & Insulae cuniculares duæ à copia eorum ani-
 malium in illis stabulantiū dictæ. Mox est Bris-
 agum, deinde Canobium coriaceæ mercis em-
 porium. Non procul hinc in profundo lacu rui-
 nae, & disiecta fundamenta Castrum Malpagi à
 præternauigantibus cōspiciuntur: quod olim
 (ut scribit Machanæus in cosmographia Ver-
 bani lacus) à quibusdam pyratibus, quos Mazar-
 ditas uocabant, ad iniuriam & populationem
 Verbanicolarum, conditū felicissimo circum-
 adiac

adiacentium populorum euentu Mediolaniē-
 ses subuerterunt, pyratīs ad unum saxo ad col-
 lum appenso submersis. *E'* regione Malpaga
 uestigiorum Isellæ sunt peninsulæ duæ uulga- *Isellæ penin-*
 tissimum piscatorum diuersorium. *sulæ.*
 Ab Isellis *Pallantiæ*
 Pallantiam transitur. Quam Volateranus Po- *Volaterræ*
 lentiam esse scripsit, ferè nominum similitudi-
 ne deceptus. Hoc municipium ramus Verba-
 ni (ita nauæ appellant) longitudinis mil. pass.
 ambit. Illinc nauigatur Intram, & ab ea mox *Intra.*
 Aronam: quam scitis cū natura loci, tum ar- *Arona.*
 te munitissimam Gallorum Transalpinorum
 exercitum excepisse sub Armiralo: qui eam &
 classe, quam ad hoc opus præparauerat, & ter-
 ra oppugnabat: & tentata infelicitè, & sæpius
 expugnatione eam dereliquit. Dictam ipse cre-
 diderim Aronam, quasi oronam, hoc est, mon-
 tanam. In littore autem quod Insubres tenent,
 sunt Machanum, ubi Machaneus uir eruditiss- *Machanum.*
 simus, quem ipse in Augusta Taurinorum Pli *Machaneus*
 nium Naturalis historię interpretantem audis- *Louinium.*
 ui, natus est. Louinium, Germignaca, Arx Tra- *Germignaca.*
 ualia, Laucenum, Acerre, Hisprium quasi aspe- *Arx Trauda-*
 rum ob saxorū difficultates, & nouissimè An- *liæ.*
 gleria Vicecomitū titulo Comitatus insignis. *Laucenum.*
 Quam Philelphus in gratiam Philippi Vice- *Acerre.*
 comitis ineptissime scripsit ab Anglo quodā *Hisprium.*
 ædificatam, eumq; Hectoris fuisse filium com- *Angleria.*
 miniscitur. Et hanc ob causam ipse Philelpho
 dementior

demētiōr uelut ab ~~Hæstore~~ genitus Angli cognomen assumpsit. Hic cū subrisissent omnes, Castillionæus: Putemus, inquit, Marte potius Alciato ab Anglis Saxonibus, qui cum Longobardis in Italiam uenerūt, esse & conditam, & denominatam Angleriā: uel saltem auctam. In hoc municipio cernere fuit (nam eorū partem Phlippus Archintus ad exornationem ædium suarum Mediolanum transferri curauit) uetusta monumenta, elaboratos tumulos, urnas, templa, cryptas, porticus, columnas, idēq; genus uetustatis insignia. Alpinarum (puto) gentium præfectura olim fuit: in qua sub Carolis, Berengarijsq; Impp. ius dicebat, qui delectus fuisset ad hunc magistratum à Comite Mediolanensi, & hanc ob causam Vicecomes nominatus: à quo postmodum præclarissima Vicecomitum fluxit appellatio. Declinante enim Imperio Romano, cum Anastasius impetraret, inuenio urbium, & prouinciarum alias per diuersos magistratus solitas regi. Prouincias per Comites, Romanam urbem per Præfectum, Neapolim, & Syracusas rursus à Comitibus administratas fuisse, epistolæ Anastasij Imperatoris ostendunt. Rhetijs Alpibus Dux præerat, qui ferocissimis gētibus & agrestibus obstaret: erantq; Alpes itæ per ea tempora Italiæ portio minima. Lego præterea fuisse Comites sacrarum largitionum: quibus prouinc

Angloria

Vicecomites.

Comites sacrarum largitionum.

prouinciæarum iudices audiebāt: & quibus im-
primendarum pecuniarum fuerat munus in-
iunctum. Erant & priuatarum actionum Co-
mites, quibus demandabatur castitas iuuenū,
& securitas mortuorum. Reperietis quinetiā
patrimonij Comites, quorum partes ostendit
epistola Anastasij, cuius est initium: Antiquæ
cōsuetudinis ratio persuadet. Nec deerant do-
mesticorum Comites. Qui igitur Comitibus aliis
cuius eo absente uices gerebat Vicecomes dis-
cebatur. Similis est Vicedominorum familiæ
nomenclatura: quæ olim dignitatis potius, quàm
familiæ fuerat appellatio. Mercurium (ut res-
deam tandem unde discefferam) ab Angleria
tibus cultum fuisse plura monumenta sunt in-
ditio. Qualia hæc sunt:

*Priuatarum
actionum co-
mites.*

*Comites pa-
trimoniorū.*

*Comites do-
mesticorum.*

M E R C V R I O

Q. VITALIS

QVINTIONIS FIL.

V. S. L. M.

Item alterum.

M E R C V R I O

C. ALBINVS C. F. O. V. F.

MASCELLIO IIIIVIR. *A. P.

PRAEF. I. D. IVDEX V. DEC.

NOMINE SVO ET IVLIAE

h INGEN

**Vcl potius
ALP.*

114 GAUD. MERVLAE LIB. II.
 INGENVAE VXORIS ET
 ALBINIORVM
 IULIANI MASCELLIONIS
 INGENVAE MONTANAE
 LIBERORVM SVORVM
 V. S. L. M.

Lacus Ortæ.
 Lacus Lucanus.

Porro Verbanī accolæ Mercurium colebant, non tam quod mercibus, hortisq; quā quod aquis præesse putaretur à uetustioribus, & portuum custos. In Verbanum se lacum duo lacus exonerant: alter ab Occasu ex agro Noruariensi, quem Ortæ lacum nominant: alter ab Oriente cui Lucano ex adiacenti oppido nomen est: ambo autem pisculenti admodum: Mediò autem Verbanus est uelut Alpinarum aquarum rex & dominator.

De Lario lacu, Addua, & alijs fluminibus Alpinis.

CAP. XVI.

καὶ γὰρ

Verbanum sequitur Larius eo longitudine, latitudine autem minor longè: quem alij à fulicarum copia dictum putant: λέγεσθαι enim Græcis, nobis est fulica. Alciatus à suauitate larium denominatum existimat. Ego autem à Larone siue Larunte, quæ uox Hetruscorum lingua (ut autor est Cato in Originibus) significat principem: Ad quam significationem Vergilium allusisse facillè quis mihi persuaserit, cum inquit:

An'ne

An'ne lacus tantos? te Lari maxime?

unq. hunc.

Circa Larium sunt mōtes aspectu fontium, & oliuetis, ac citrorum copia suauissimī. Quorū delitias Claudianus his uersibus expressit,

Protinus umbrosa uestit qua littus oliua

Larius, & dulci mentitur Nerea fluctu.

In hunc lacum descendit Adduas ex Rheticis *Adduas.*
(ut iam dixi) montibus præcipitatus: unde & Danubius, qui & Ister appellatur. Ipse autem fluuius hemicyclari forma agrum Insubrū circūcuit: ex quo Eurypū Franciscus Sforcia, huius nominis primus, Mediolanum deduxit. Inter quod & fluuiū sunt populi Græcæ originis Orobij sub Insubribus. Adhuc extat antiquitatis uestigium nominis corruptio: siquidem mons Robius aliud est nihil quam mons Oro- *Mons Robius.*
biorum: qui nunc Briantei nominantur, quo *Briantei.*
rum metrocomia nunc est Vicus Martis. Ad- *Vicus Martis.*
duas autem è Lario erumpens primo Glas- *Insulæ Fulchæ.*
ream Adduæ efficit, quam antiqui Fulcherias insulas uocabant, ut attestatur Georgius *Insulæ Fulchæ.*
Merula, mirus antiquitatis uir obseruator. Quo in loco me puero Veneti à Gallis Transalpinis, & Insubribus auspicijs Ludouici Gal-
lorum regis funesta clade protriti sunt. Emis-
cuere eo in prælio Comitis Ludouici Barbiana, qui Insubrum dux erat, ut attestantur hæc carmina, & fortitudinis exempla, & rei bellicæ peritia:

Hæc mihi quæ tenui manant è paupere uena
 Fudit in Albrici nostra Thalia decus.
 Cuius posteritas celebres mirata triumphos
 Grandifona forsân tollet ad astra tuba.
 Nanq; Sophocleô celebrari dignus honore,
 Dignus & andini carmine uatis erat.
 Qualiacunq; tamen non dedignabere: si te
 Tangit honos atq; famæ, decusq; tui.
 Hic Decios, alter Fabios miretur in armis,
 Et geminos belli fulgura Scipiadas.
 Actatam quoscunq; gradus percurreris, ille
 Hereat ingenio, consilioq; tuo.
 Nam licet ad laudes nullo accendaris Achille,
 Sape iuuat celcri subdere calcar equo.
 Auguror, illius summos æquabis honores,
 (Certa fides) uatum pectora numen habent.
 Addula non negat hoc, cuius tua dextera nuper
 Sanguineas Veneto sanguine fecit aquas.
 Fluminis in ripa Veneti ulteriore superne
 Metati fuerant ordine castra Duces.
 Eminus hinc magno tormenta excussa fragore
 Grandinis in morem regia castra petunt.
 Sternuntur passim peditumq; equitumq; cateruæ,
 Acrea & in trepidos machina seuit equos.
 Haud tantam passus stragem spectare suorum
 Rex pius, hinc subito territa castra mouet.
 Forte tripartito dum digerit ordine turmas,
 Et parat in tuto figere castra loco:
 Incidit in Venetas acies, agmenq; supremum:
 Nec mora, pugnandi copia utrinq; datur.
 Tollitur in cælum clamor, pugna aspera surgit:

Terrib

Terribili sonitu territat arua tuba.
 Qualiter atherea fulmen torquetur ab arce,
 Iusta Panompheum cum quatit ira Iouem.
 Taliter aduersis audaci pectore signis
 Fulminat Adriaci dextra cruenta ducis.
 Pellitur ecce gradu turpi formidine pubes
 Gallica, & attonito pectore Vasco fugit.
 Vicinus, exclamat passim Liuianus: & inde
 Pugnat ad exemplum cætera turba Ducis.
 Instat, & hortatur Latias in bella cohortes,
 Atque alacer multa cæde cruentat humum.
 Bis pulsî cessere equites, bis terga dedere:
 Bis pallor uisus Regis in ore fuit.
 At tibi Barbiacæ lux ô clarissima gentis
 Venit in Adriacas impetus ire manus.
 Inuictiq; ducis uim ui detrudere, & ore
 Comminus intrepido conscriuisse manus.
 Horrifico nec te terrent tormenta boatu,
 Quæq; uolant docta spicula missa manu.
 Nec quod penè puer dubium certamen inires,
 Usque adeo dulci laudis amore furis,
 Ut ferrum ferro admotum, & dextera dextræ,
 Non refram dederis quot Ludouice neci.
 Talis in Hectoreas ibat furibundus Achilles,
 Talis in Argolicas Hectoris ira manus.
 Exemplum mirata tuum trepida agmina campis
 In pugnam referunt uicta pudore pedem.
 Sic modò quæ nimio uertebat terga timore
 Pugnandi studio Gallus in arma ruit.
 Ecce uolat uersis tandem Victoria pennis,
 Vergit & in nostrum cæde cruenta latus.

Turpiter en uictis iam cedit uictor:ubique
 Et Veneto passum sanguine terra rubet.
 Qui superant rari præda spoliantur, & armis:
 Castraq; iam capto capta fuisse duce.
 Rex bene pro meritis meritos discernat honores,
 Deditur capiti multa corona tuo.
 Maeste animo,maeste ingenio,sic itur ad astra
 O decus,ô patriæ præsidiumq; Vale.

Tunc Bonauentura,Oblectauit me,inquit,hæc
 tua cantio:sed optarem à te scire , quando è sa-
 cro musarum fonte tam luculenter biberis,
 Non sunt (inquit Castillionæus) domi nostræ
 hæc nata carmina ; sed aliunde accepta iucun-
 ditatis gratia uobis retuli, sed ne sis molestus:
 obsecro, ut quàm primum ad metam ipse per-
 ueniam, & uos missos faciam/Longobardo-
 rum in historijs legi, & Gotthorū,in lacu La-
 rio fuisse insulam, quam Comacinam uocant,
 in qua Francilio Romanorū Dux primò, pos-
 stea Gotthorum, & mox Longobardorum
 reges immensos thesauros condidere. Hunc
 lacum mirum est ciconias, quibus omnis
 Transpadanus tractus abundat, non transuo-
 lare/In Adduam ex Bergomatum montibus
 Brembus fluuius irrumptit, defert etiam se-
 cum ex eisdem ferè Alpibus Serrium in Padū.

Comacina
 insula.

ius a ciconi
 no transuolat.

Brembus fl.
 Serrius fl.

Dereliquis Cisalpinæ Galliæ lacubus,&
 fluuijs ex Alpibus in Padum
 influentibus.

CAP. XVII.

In

IN agro Insu-^{brum} XVII. lacus, flumina au-^{Eupilis fl.}
 tem LXIII. esse Blondus attestatur, eorum^{Lambrus fl. nunc}
 tamen nomina non recenset. Non me tamen^{Vmbro fl.}
 fugit esse Eupilim, qui Lambrum emittit^{Orona fl.}
 Vmbronem ab alijs dictum. Est & Lambrus^{S. Angelus}
 alter, quem Insu-^{bres} Meridianum uocant, &^{opp.}
 Orona altera, qui pariter excipiuntur à Lam-^{Sebunus la-}
 bro, quem emittere Eupilim diximus. In quo-^{cus. nunc}
 rum confluenti Sanctus est Angelus oppi-^{Isseus lacus.}
 dum elegantissimum: quod Ludouicus Bar-^{Ollius fl.}
 bianus expugnauit, cum illud ualido præsi-^{Mela fl.}
 dio Veneti teneret. Deinde Sebunus est lacus,^{Broccus fl.}
 qui nunc Isseus appellatur, hic Ollium emittit^{Morma fl.}
 fluuium. Ex Brixiano agro Mela/Broccho,^{Sarca.}
 & Morma torrentibus acceptis defertur in^{Benacus la-}
 Padum. Ex Tridentinis Alpibus Sarca flu-^{cus.}
 uius effluit. Benacus lacus est Veronen-^{Mintius fl.}
 sis agri citrorum copia odoratissimus: ex eo Min-^{Gouernum}
 tius egreditur. In cuius ripa oppidum est, quod^{opp.}
 nunc Gouernum uocamus, quo in loco Leo^{Athesis fl.}
 ecclesiæ Romanæ episcopus Attila Hunno-^{Medoacus}
 rum regem, ne Italiam inuaderet, precibus de-^{fluuius. nunc}
 flexit. Athesis fluuius ex Alpibus deriuat:^{Bachilio fl.}
 mox est Medoacus, quem nunc Bachilionem^{Timauus fl. nunc}
 Veneti nominant; mediò hic V-^{Brenta fl.}
 centiam diui-^{Sisimus fl.}
 dit. Nouissimi fluuiorum sunt Timauus, quæ^{Musio fl.}
 hac ætate Brentam uocari Blondus asserit. Si-^{Planus.}
 finus Musio, Anaxus qui nunc Planus, Vay-^{Vayanus fl. nunc}
 anus, nunc Calorius, Liquentia, ex Opitergi-^{Calorius.}
 nis Liquentia fl.

Liuentia. nis montibus nunc Liuentia, in quem influit
 Meduna fl. Meduna, Alsa nunc Liminius. Hæc sunt flu-
 Alsa fl. mina quibus uniuersa Cisalpina Gallia uersus
 Liminius fl. Alpes irrigatur, nunc ea, quæ Apenninus
 emittit, enumerabo.

Cispadanam Galliam quæ flumi-
 na alluant,

CAP. XVIII.

Cispadanā Galliam fluuij plures alluunt ex
 Apennino: & ita quandoq; eam partē oc-
 cupant, ut nisi summo cum periculo loca illa
 inter Padum & Apenninum peragrentur: &
 sæpenumero adeò stagnāt, ut nullis uiatoribus
 sit transitus. Plures enumerat Plinius, uerum
 tamen multos prætermisit, ut Borbū torrentē,
 cuius sunt initiū Aquæ Statyellorū Ligurū:
 Mox est Tanarus, quē aiunt torrentium XII.
 illuione augeri, Ratum Plinius appellat, quē
 nos Scriuiā, Georgius Merula Iriā putat appel-
 lari; Serraualle oppidū ferè alluit. Penes Viche-
 riā Coronus est torrens. Vicheriā autē dictam
 crediderim, q̄ Iriæ, cuius meminit Antoninus
 Pius, urbis uices gerat. Sed anteq̄ ulterius p-
 grediar admonēdos uos arbitror Ratū à Paulo
 Iouio Statolā dici, in cuius hostio est Albianū.
 Hunc sequitur Copa torrens, & illū Tunnus,
 à quo alluitur Sanctus Ioannes agri Placētini
 oppidum. Illinc rectā itur ad Trebiam Roma-
 norum clade celebratissimus. Niciam à Plin-
 io dici putarim, quem recentiores Nuram
 appel-

Borbus fl.

Tanarus fl.

Ratus fl.

Scriuiā fl.

Iria fl.

Coronus fl.

Vicheria un-

de dicta.

Vicus Iriæ.

Statola fl.

Albianū op.

Copa fl.

Tunnus fl.

S. Ioannes

opp.

Trebiam fl.

Nicia fl.

Nura fl.

Vat' enus fl. nelij fuerat, quod constat à Narsetis militibus
Senius flu. esse prædæ expositum, & subuersum, *Vatres*
Cunium op. nus est amnis. Mox fit obuiâ Senius fluuius,
 in cuius ripis Cunium fuerat oppidum ditissi-
 mum, quod hac ætate adeò dirutum est, ut
 cum ubiq; aretur, ignoratur prorsus, ubi exte-
 rit. Cuius fuit Comes Albricus Barbianus
Albrici Bar- Italicæ militiæ reparator: qui tametsi adule-
biani laus. scens esset, accitus tamen est à Bernaboue, qui
 tum in Insubris primas parteis obtinebat.
 Electus cum fuisset igitur copiarum Berna-
 bouis ductor, in Britones, Bauarosq; & An-
 glos castra mouit: qui eo tempore Italiam ua-
 stabant. Variante itaque fortuna cum proflis-
 gati essent à Barbaris Insubres, inter multos
 quoque captus est à Barbaris Albricus; quem
 militari more, ut hostes dimitterent, nullis ra-
 tionibus, aut legibus adducerentur, Bernabos
 Vicecomes argeto (quoniâ Barbaros hoc aua-
 ritiae morbo maxime laborare cognouerat) ad
 trutinam, quanti ponderaret, appenso, sicut
 auro Hector à Priamo, redemit. Albricus er-
 go liber adeò barbaros per uniuersam Italiam
 exagitauit, ut XL mil. equitum eorum truci-
 dando ab Italia expulerit. Cineribus igitur
 huius quicunq; Itali generis militiam agunt,
 adeò debent, ut qui eloquentiam exercent Ci-
 ceroni, aut Demostheni. Nemini enim dubium
 est, tot bellacissimos duces, ab ipsius disciplina,
 quot

quot ex equo Troiano, prodijisse. Sed hæc satis
 de his dicta sufficiant. Hoc in tractu Anomi,
 Senij & Vatrei fluminum confluenti sceles-
 tissimum Octauij, M. Antonij, & Lepidi
 triumuiratum, quo uniuersæ Italiae nobilitas
 sublata est, conflatum esse aiunt nonnulli. Non
 longè illinc est Tiberiacum oppidum, quod *Tiberiacum*
 deinde Caballos alij dixere, modò Bagna- *oppidum.*
 caualum nuncupatur, ut autor est Blondus *Caballi.*
 in suis historijs. Inter Forum Liuij & Salsu- *Bagnacaual-*
 bium à falso fonte olim ibi scatente denomi- *lum.*
 natum, quod nunc Carum uocant. Montonus *Mōtonus fl.* (m)
 torrens interfluit, è cuius mōtis regione Ty-
 beris oritur. Proxime huic Hedesis agri Ra- *Hedesis flu.*
 uennatis amnis accedit. Mox prætereunt duo *Auxa flu.*
 fluuioli quorum uni, *Beuanus flu.*
 Auxa, Beuanus est no-
 men alteri. In Apennini colle Brintanorum
 Forum uisitur: quod alij Forum Pompilij no-
 minant, nunc Bretonorium uulgus appellat. *Bretonoriū.*
 Iuxta quod constat à Visigothis Romanos
 truculentissima clade esse concisos: & mox
 Romam ab eisdem & prædæ expositam, &
 flammis multis in locis esse consumptam. Hæc
 nouissimè urbem Longobardi uastarunt. Ad *Sapis flu.*
 Ceruiam salinis celebrem Sapis defertur ex *Ariminus fl.* *mun.*
 iugis Apennini. Ultimi sunt Ariminus, quem *Marida flu.*
 Maridam loci illius accolæ nominant. Crustu- *Crustumium*
 mium, quod Concham. Et Rubicon Gallia *flu. munt.*
 Cisalpinæ uersus Italiam limes. Non procul à *Concha flu.*
 Methauro *Rubicon fl.*

Asdrubalis
olim Asdrubalis

Methauro fluuiio mons est Asdrubalis, nunc Asdrauallis est, quo in loco uictum constat Asdrubalem, & obtruncatum à Romanis. Hæc ferè habui, quæ de lacubus ac fluuijs dicerem huius nostræ almæ regionis; quos materna ferè lingua potius dixisse placuit, quàm eos silentio inuoluere. Nam hæc uocabula, quæ nunc sunt noua, fient olim uetera; nam & illa quæ nunc sunt uetusta, erant olim noua. Non eram, inquit, Bonauentura, sermonem tuum rupturus, nisi te prius inspexissem in portum uela deflectere. Quamobrem quò ex deuinctis tuo nomini deuinctiores efficiamur, te omnium horum uerbis oro, ut nos certiores facias, cur sacro diademate Mogunciacis municipibus ornandi Imperatores Germanos concessa sit facultas.

De translatione dignitatis coronandi Imperatores à Mediolanienlibus ad Mogunciacos.

municipes.

CAP. XIX.

SVper hac re (inquit Castillionæus) ut absolutius expediaris, uerba doctissimi Alciati nunc adducam. Post Othonem secundum, inquit, filius, & nepos rerum potiti sunt. Ex his nepos, qui Otho tertius est dictus, sua autoritate Gregorium Quintum origine Saxonem pontificem creauit: quem cum Romani non ferrent, Crescentio autore, quem honore Consulatus insigniuerant, ceu adulterum eijciunt:

Ioannemq;

Gregorius
V. Papa.

Ioannemq; Placētinum in sede apostolica col- Ioānes Pla=
cētinus Pa=
pa.
locant. Erat is doctrina, diuitijsq; perillustis.
Acurrat statim ē Germania Otho: & Grego-
rium restituit. Crescentium Ioānemq; fide data
impune eos de Adriana arce elicit: & alterum
uita, alterum oculis priuauit. Gregorius, siue
ut Romanos ulcisceretur, siue patriæ suæ, &
Othoni plurimum tribuere uolens, sanctionē
de imperatorum comitijs tulit: in quibus di-
gnitas eligendi imperatorem ad Germanos
translata est. Cæterum Othone tertio ex hu-
manis sublato Gregoriana lege Henricus pri-
mus ex Gubelingo oppido Noricus primus
suffectus est: sed eam legem nihili facientes
maiores nostri Longobardi Ardoinum Epor-
rhediensem Marchionem Italiæ regem Mes-
diolani coronant, & ungunt. Sunt qui conuo-
catis finitimarum urbium principibus, atque
episcopis imperatorem quoq; salutatum scri-
bant. Is aduenienti Henrico obuiam factus ex
itinere prælium committit, & egregiè hostem
uicit. Repulsus Hēricus cum Heriperto Mes-
diolaniensium Archiepiscopo fœdere icto, re-
paratoq; exercitu reuertitur, & Ardoinum
acie superat: & more maiorum Mediolani co-
ronatus in Germaniam, unde uenerat, reuertit-
tur. Cōradus Im-
perator.
Henricum secutus est Conradus Sueui
generis. Aduersus hunc ne rex saluaretur
Italiæ, Longobardi coniurant. Cum ergo Mes-
diolanum

*Modoetia est
Mogunciacum*

diolanum uenisset, ingressu prohibitus est: cumq; hanc urbem frustra aliquando obsedisset, tandem re infecta recessit: siue (ut aiunt) miraculo, & ostentis territus, siue ut horum uelamine suæ fugæ dedecus tegeret. Accepit is Modoetia (ita hoc municipium Alciatus frequenter uocat, quod nos Mogunciacum) agri Mediolaniensis ad decimum lapidem imperialia insignia, parum referre existimans ubi corona redimeretur, dum in Insubribus hoc fieret. Cuius exemplo ut alij quidam ex Cæsaribus urbe Mediolano exclusi coronam imperatoriam Moguncia acceperunt: & qui ulterius progredi non potuerunt, Alexadria eam sumpserunt. Sed Mediolanienses has coronas in contemptum paleas uocant prisco loquendi more, quo uilis res, & nihili palea dicitur: ex quo & Aristophanes inquilinos Atticos paleam ciuium nominat in antiqua Comœdia.

Mos coronandi imperatores.

Coronandi autem imperatoris hic mos obseruabatur. Ante aram pontificijs uestibus indutus Antistes, petentem se coronari Romanorum regem, sacro oleo dextro in humero perlinibat: in medico dextræ manus digito anulum mox collocabat: deinde ensen nudum tradebat: subinde capiti coronam, dextræq; sceptrum imponebat: Hancq; omnem solēnitatem publicis documentis iubebat esse testatam. Sceptri fastigio pomum aureum stabat,

bat, quo Asiæ, Africæ, & Europæ inscriptio brevis inest. Supra pomum crux aurea inseritur, uel ut recordetur se Christianum esse, uel ut Christianos tutetur. Obseruatum quoque inquit Alciatus esse Mediolani, ut his peractis, qui ex Angleriæ Comitibus dignior sit, pedem dextrum, & qui ex Cottarum familia, quæ adhuc Mediolani clarissima est, sinistrum osculo tangat, imperatoremq; humeris ferat uterque sublatum in prætorium. Qua in re fidem ipse suam Alciatus non obstringit, cum didicerit Cottarum ex genere fuisse Ardericum Archiepiscopum, & ab eo regni insignia Berengarium secundum suscepisse. Sublato ab humanis Conrado tres Henrici continua seria imppp. subsecuti sunt; qui licet Romam contēderint, & augustale diadema sumpserint, Mediolani tamen (quod equidem sciam) id ornamentum non accepere. Alciatus armis Rodulphi in Germania, & Matildis in Longobardia exercitos arbitratur non potuisse regni Italiæ coronam consequi. Successit Lotharius Henricorum hostis ex professo Saxonū Dux; qui omnem Germaniam seditionibus uexauit. Icircum ex Henrici Imperatoris defuncti sorore genitus Conradus Honorio Pōtifice Romano fauente imperatorem se dixit, & in Cisalpinam Galliam properans ab Anselmo Pusterlensi tunc Mediolaniensium Antiste Modoëciæ regni

gni Ro. scepra suscepit. Formidolosum opus
 nor præsuli fuit intra urbem eum cum tanta
 Germanorum manu, iuxta illud Plauti, Barba-
 rum hospitem qui suscipit, sat litium habet,
 recipere. Subsecutus est & Lotharius, atque per
 Rhetica iuga Romam contendit. Scribit Otho
 Frisingensis Antistes, qui & Rubrobarbi pa-
 truus fuit, siue copiarum paruitate, siue Con-
 radi amore contemptui Italorum fuisse. Ab
 his putant Guelphorum & Gibellinorum per-
 niciofa nomina in Italia primum coepisse. Suc-
 cessit Lothario Fridericus Rubrobarbus: in-
 ter quem, & Alexandrum Pont. uehemens
 exorta seditio est. Itaque ad arma si quando
 aliàs atrocissimè cōcursum est. Raptim igitur,
 ut erat natura præceps & ferus Rubrobarbus
 maximo non solum barbarorum exercitu, sed
 etiam uicinorum populorum, ægreferentium
 quod Insubres longè lateque dominarentur, &
 eorū res flourerent, suppetiis adiutus Mediola-
 num copiis cingit. Itaque cum neque à Pontifi-
 ce, nec aliunde subsidium speraretur, adeo uni-
 uersam Italiam timor exterrefecerat, ciues li-
 bertatem à Rubrobarbo redemere datis ar-
 genti libris sex mil. Mox Mogunciaci impe-
 ratorio diademate redimitur: quod oppidum
 in ripis Lambri, quem Blondus Vmbronem
 uocat, Rediucis eorum temporum scriptor
 Modoitium, Erat Rubrobarbus lingua, flu-
 dijs,

Guelphi.

Gibellini.

Fridericus

Rubrobar-

bus Imper.

Lambri =
 Umbra.

dijs, moribusq; ipsis planè barbarus, hoc est,
 ignauus, perfidus, feros implacabilis. Huiusce
 rei indicio sunt certissimo contra ius gentium
 uastatæ urbes opulentissimæ Asta, Dertho,
 Cherium, Lacmellum, & Spoletum. Medio-
 lanienfes igitur cum & aduersus pacem initâ,
 & iura omnia, uiolari eorum, quam ab ipso
 emerant & libertatem uiderent, Pontifice sua-
 dente in Fridericum rursus arma capiunt, po-
 populariq; tumultu nōnullas Germanorum co-
 pias obtruncant; & ita per uniuersam Cisalpi-
 nam Galliam bellum subito exarsit, quod ad
 plures annos gestum, excidio tādē urbi fuit.
 Habuisse ferunt in castris contra Mediolaniē-
 ses ad centum millia bellatorum. Nec hanc ob
 rem fida pax subsecuta est. Mediolanienfes
 enim sociorum auxilio freti, patriā armis uin-
 dicant, ex qua fuerant expulsi, reparāt, instau-
 rant. Nec multò pōst aduenientem imperato-
 rem ad Lenianum uicum aggrediuntur, fun-
 dunt, fugant. Qua clade affectus Rubroba-
 rus, liquidò cognouit Insubrum non esse (ut
 prudenter admonebat L. Pisonem Galba ses-
 nex) ut cæterarum gentium, quibus seruitutis
 iugum iniunctum est, seruilīa ingenia, sed ho-
 mines esse, qui nec totam libertatem ferre pos-
 sint, nec totam seruitutē. Pacem igitur Cisal-
 pinis Gallis, cū bello cōtra Insubres nō suffi-
 ceret, inuitus dedit, his conditionibus; in pri-
 mis

mis, ut libertatem qua ante aduentum suum
 in Italiam utebantur, Insubres haberent. Item
 iura regalia, si quæ antea possidebant, qualia
 sunt uectigalia, portoria, iurisdictiones, palatia,
 mulctæ, poenæ, flumina publica, salinæ, bona
 uacantia, ius signandi nummi, fabricandorum
 armorum, idc̃q; genus similia: quæ supremis tã-
 tum principibus competunt. De cæteris quæ
 more, usuq; ciuitatibus non pertinerent, idem
 iuris esse; dum tamen c c. argenti besse (mar-
 chas uulgus appellat) bis mille annui penderẽ-
 tur. Ipsi uerò imperatori, eiusq; filio Henrico
 quinto hoc tributum, ut designatum à Rep.
 Consules eius autoritate confirmarentur, nisi
 qui ab antistitibus sacerdotum eligi solerent,
 ut prouocationum causas, is quem Proregem
 ipse in Italis appellasset, nuncium uē suum cõ-
 stituisset, agnosceret. Vt ciues à x v i. ad
 x v i i. annum se imperatorio nomini fidos
 fore tactis sacris iurarent. Vt quoties ipse in
 Italiam ueniret, consuetum munus præstare-
 tur: Fodrũ id Germanica uoce nominatur: La-
 tine aurum coronarium ex sentẽtia eruditissi-
 mi Alciati uocari potest. Et hæc sunt iura, quæ
 in Liguribus, Insubribus, Galliaq; omni Cisal-
 pina imperatores habent. Non enim eis summa
 uti potestate, sicut in cæteras gentes, quæ re-
 gnatur, ducibus, aut principibus, aut impera-
 toribus concessum est. Hocq; differunt ab im-
 peratoribus

*Fodrũ est
 aurum coronarium*

peratoribus reges, quòd hi supremum ius in ciues obtinent, & pro arbitrio utuntur: Imperatores uerò liberis ciuitatibus non nisi iusto moderamine præsidēt: atq; ita nos Carolo audimus, ut honesta imperet. Ideo Senatus Ro. uolentibus Tiberio, Adriano, & Philippo Imppp. redemptori CHRISTO aras dicare, tanquam nouam religionem inducētibus non obtemperauit. Sublato demum ab hominum numero Friderico, quem Rubrobarbū appellari diximus, infensi Germanico nomini Insu bres q̃ plurimos imperatores armis ab urbe reiecere: ut minimè potuerint regali diadema te coronari. Henricus tandem Luceburgensis frustra repugnantibus Gallis Cisalpinis Mediolani primum à Castono Turredano Mediolaniēsi antistite in templo sancti Ambrosij, mox Romæ coronatus est. At Mogunciaci (ut ad prima redeam) uetusto se iure, debitoq; honore fraudari existimantes Henricum ordine septimum eius nominis adeunt, debuisse regni decora in diui Ioannis Baptistæ templo, & eo in loco Italici regni insignia capere eum oportere exclamant. Idq; dignitatis genus sibi Rubrobarbi, aliorumq; Cæsarū beneficio tributum, & consuetudine confirmatum uociferantes. Ipse quinq; mil. aureorum acceptis in posterum consensu suo ratum fecit. Non repugnauere Mediolanienses, quo minus Mogun-

ciacum regni Italici sedem esse Henricus declararet priuilegio: quòd sapius experti fuissent, id quaecunque honoris esset, semper in summam urbis calamitatem uerti: quòd intra mœnia receptæ Germanorum cohortes, cæteræq; barbaræ nationes à rapina, incendio, cædibus temperare non didicerint. Consultiusq; paci sit, si exclusus ab urbe Cæsar in eo oppido imperialia ornamenta capiat: in quo cum præter loci angustiam, tum census, & uictus inopiam diutius esse non posset. Optasset Galeacius Vicecomes eãdem Ludouico Barbaro extitisse sententiam, ut relicta urbe Mogunciacum petisset. Non enim ingratitude in se exempla fuisset expertus, ut ab eo, pro cuius tuenda dignitate etiam aduersus Romanum episcopum arma sumpsisset, ceu hostis, & perfidus, & infensissimus in teterrimum carcerem Castri Mogūciaci, quod ipse struxerat, tractus fuisset: ut meritò uulgatum sit apud Insubres
 = adagiū: Quas in Italiā calamitates Cæsares
 = inuehant, non nisi tricēnali præscriptione ob
 = literari. Hæc cum Castillionæus dixisset, quòd
 esset iam hora serior, cōticuit. Tunc illico
 abiissent omnes, nisi eos ad cœnam Bonauentura blanditijs
 suis apud se continuisset.

GAVDENTII

MERVLAE DE ANTI

QVITATE GALLORVM

CISALPINO

RVM

LIBER TERTIVS.



EQVENTIS diei omniū
consensu apud comitē Hip-
polytum Maynum, lectissimū
ingenij adulescentem, confa-
bulatio habita est: q̄ scirent
apud ipsum diuertisse hospi-
talitatis gratia Benedictum

Iouium, & Petrum Candidum singulari cūm
eruditione, tum acri ingenio uiros. Ibiq̄ cum
præter spem Gualterum Corbetē, Bernardum
Felicianum, & Adrianū Cribellū offendissent,
dij boni quæ tum lætitia nō fuit? Accepti igitur
cūm perhumaniter singuli fuissent à gene-
rosissimo adulescente, inquit, Cribellus, Desi-
derarem ex te, Iouie, intelligere, cur Celtæ à
Græcis appellemur: cur item Insubres. Ne mo-
lestū sit igitur tibi, quod in Etymologijs scio
præstantiorē hac ætate esse te neminē, hæc no-
bis exponere: ut Larianis nō modo nymphis,
quæ ad nos tam expetiti saporis mittunt tro-
ctas; sed hominibus etiam debeamus. Tunc Iou-

uius, Tametsi, inquit, *ῥαῦκα εἰς Ἀθήνας*, qui hæc uobis; tamen cum citra pudorem pensum hoc à uobis (ut arbitror) omnibus iniunctum mihi reijcere non possim, obsecro uos, ut ubi ingenui mei uires, scio enim quæ sint exiguae, succubuerint oneri; uestrum aliquis statim subsidio sit mihi; ut mutuò fieri uidemus à musicis: qui statim canentiū uelut lassatorum uocis laborē suscipiunt. Aggredior ergo, quando ab eo declinare minus liceat mihi, prouinciā hac lege, ne in tam angustia tēporis, negotijs enim impediatur, *λαλῶνισμός* uicio uertatur mihi. In omnibus (inquit Cribellus) *ὁ σοφὸς ἐν θυρήμασι ἐστίν*.

Celtæ, Galli, & Gallatæ cur dicti.

CAP. I.

GRæcis fuere (inquit Iouius) nullæ gentes circa etymologias diligentiores. Hi ergo communi appellatione Gallos appellāt, quicquid à Rheno per Oceanum, Pyreneos montes, mare Mediterraneum, & Apenninum usque ad Anchonā terrarū clauditur. Cur autē Celtæ uocemur ad Merulā meū scripta Andreæ Alciati uobis satisfaciet epistola. Quanto, inquit, propius uero est, quod cæteri aiunt, propria eos lingua dictos Celtas, qui cum malè C, & E, quod etiā nūc faciūt, pronūciarēt: nēpe pro C, G, pro E, A, à Græcis Gallatæ, à Latinis Galli sunt dicti: quid autē Celtarū uox eorū lingua significaret, incōpertū est, cum ea prorsus extincta sit, Romanaque nunc Galli utantur. Hæc Alciati

Galli qui a grecis dicti.

Celtæ quare?

Galli a latinis
Gallia a grecis

Alciati (inquit Adrianus) interpretatio longè ingeniolior est, quàm uera. Celtas enim ipse dictos crediderim, quòd equo, curru, nauigio uel oblectentur, aut ualeant plurimùm. Legere est enim apud App. Alexādrinū, C. Cæsarē usum maximè eqtatu Celtico, cui Volusenus Quasdratus præerat, κελύτιξω enim equū exagito significat; uel curru, aut nauigio decerto, aut ues hor. κέλως τὸ κέλως præterea equū, currum, nauigium notat. Hinc κέλως, hoc est, equites dicti sunt. Quid mihi (inquit Iouius) Græcos obijcis? cūm Celtas ipsi à Celto Herculis filio appellatos putāt. Audi super hac re Partheniū Phocensem: λέγεται, inquit, δ' ἐκ τῆς ἡρακλέας ὅτι ἀπ' ἐρυθείας τὰς γηγένους βῆς ἡγαγῆναι, ἀλώμενον δ' αὖτ' ὅν Κελτῶν χώρας, ἀφικέσθαι παρὰ Βρεττονίον. τῷ ᾧ ἄρα ὑπάγεμεν θυγατέρα, Κελτίνην ὄνομα. ταυτὶ δ' ἐραδίῳ τῷ ἡρακλέως, κατὰ κέντα τὰς βῆς. μετέλειπε τε ἀποδιδόναι, ἵμην πρότερον αὐτῇ μεχθύναι. τὸν ᾧ ἡρακλέας, τὸν μὲν πικρὰ τὰς βῆς ἐπειγόμενον ἀναστῶσα δὲ. πολὺ μάλλον μὲν τοι τὸ κέλως ἐκπλογύτατ' ἢ κῆρος συγγενέσθαι, καὶ αὐτοῖς χρόνῳ περὶ κόνος, γηγέσθαι παῖδ' αὖ Κελτῶν, ἀφ' ὃ δὴ Κελτοὶ προσσηγορεύθησαν. id est: Ferunt Herculem cum ab Erythia Geryonis boues abduceret, per Celtarū regionē penetrasse, ac peruenisse ad Britannum; cui filia fuerit Celtinæ nomine. Eam autē Herculis amore incensam occuluisse boues illi, neque reddere uoluisse, nisi prius cum

Celtarum 12

ea coiret. Herculem autem boues suas recipere cupidum, multò uerò magis puellæ forma concitatum, cum illa coiuisset; natumq; eis post temporis reuolutionē filium nomine Celtum; à quo sanè postea Celtæ sunt uocati. Vide q̃ fabulosa, & homine graui minimè digna hæc Græcorum opinio. Sequamur igitur Cæsaris definitionem, qui in liminari pagina Comētariorū statim scribit hos populos ipsoꝝ lingua Celtas, nostra, id est, Latīna Gallos uocari. Quod aut Celtas dicat Alciatus mutatis quibusdā literis uocari, mihi planè nō arridet. Sed Galatas à Græcis dictos magis putarim, ppter lacteū gētis colorē: γαλα εἴη eis est, qđ nobis est lac; à quo noīe Latīni Gallos deflexēre. Id qđ innuere apertè uidetur ijs uersibus Vergilius:

Galli per dumos adcrant, arcemq; tenebant
 Defensi tenebris, & dono noctis opacæ.
 Aurca Cæsaries illis, atq; aurca uestis,
 Virgatis lucent sagulis; tum lactea colla
 Auro innectuntur: duo quisq; Alpina coruscat
 Gesa manu, scutis protecti corpora longis.

Vòd κελταὶ dicantur equites non contendo; sed Cæsarem sequor, qui ait, Gallos ipsoꝝ lingua Celtas appellari. Si ipsoꝝ lingua, ergo nō Græca; nā alia fuit Gallica lingua, alia Græca; cū Cæsar ī alloq̃ndis Gallis interp̃te uterē. Et Seruius ī expolitiōe illius uersus Vergiliāni, Tum sciat aërias Alpes; dicit, à Gallis altos
 montes

montes Alpes appellari. Item in carmine illo Aeneidos: Direptumq; ab equo dextra com- plectitur hostem: dicit, quod Cæsar lingua Gallica significat dimittere.

Insubres unde dicti.

CAP. II.

Satisfecisti, ut ipse arbitror, inquit Hermias Landus, qui proximè Corbetem stabat, Adriano: nunc uelim, postquam typus es factus, in quem tela infantia nostræ conijcere possumus, à te scire, cur Insubres appellemur? Præstantiorem laude me potuisses inuenire, inquit Iouius, qui hæc clarius exponeret tibi: uerum ne uidear tibi nolle obsequi, audi quid de Insubribus sentiam. *ινσὺβρες*, inquit Sudas, *ἔθνος Κελτικὸν πρὸς τῷ Γαδίῳ, ὃς καὶ ἱνσὺβρες φασίν.* Id est, Insubres Celtica gens ad Padum, quam Insubres uocant. Secutus est autem (ut puto) Dionysium Afrum qui Gallos Cisalpinos inter Celtas connumerat his uersibus:

— Καὶ δῶμα τε Κελτῶν

Αγχόδι πηγῶν καλλιγῶς ἠριδ' ἀνοῖο.

Hoc est, ut interpretať Rhemnius Fanius, non autē Priscianus, ut omnium ferme est opinio:

—Post hunc est Celtica tellus

Eridani fontes contingens rauca fluenti.

Sudas ergo, ut uidetis, & Dionysius Celtarū gentem etiā ponūt in Italia. Insubres autem inter Celtas. Polybius etiā Insubrum meminit, eosq; Italos facit. *ινσὺβρες ἔθνος Ἰταλικόν.*

i s

Id est,

Id est, Insubres gens Italica. Eos autem dictos existimarem quasi subimbres : quod imbris bus subiaceant. Facillimè enim propter Alpiū rigores, & Meridianum teporem pluuiialibus aquis exundat : præterea quæ hoc Insubrum tractu fluminibus, & euripis, ac lacubus, regio copiosior. Qui item putarent Insubres per *ἀνίσφρασις* uocatos, quod imbris, quibus omnis naturæ uultus oppressus est, superfuerint, omnino non errarent. Sic & Græci Vmbrios dixere, qui à nobis Vmbri dicuntur, quod inundatione terrarum imbris superstitēs extiterint. Plures etiam scribunt Insubres appellatos esse, quasi fastosos. Quod apud Græcos legatur *ὀβλαρὸς καὶ ὑπεροφῆς ἀνδρῶν*, hoc est, superciliosus & superbus homo. Deinde ut sonus plenior ad aures ueniret, additum est inter *ι, & σ, & μ*, & sic *ισόβλαρς* sunt uocati. Inter Insubres, & Romanos (ut obiter aliquid dicatur extra terminos) olim fuere bella acerrima, in quorum compositione reperio inter cæteras pacis conuentiones ictum fuisse hac conditione foedus : Ne Romani ciuem ex Insubribus aliquem reciperent : ne ue Romanum Insubres. Huius rei meminit M. Cicero in oratione, quā habuit pro Cor. Balbo, cū inquit : Etenim quædam foedera extant, ut Germanorum, Insubrū, Heluetiorum, Iapidum, nonnullorum item ex Gallia barbarorum, quorum in foederibus ex-

ceptum

ceptum est, ne quis à nobis ciuis recipiatur.

De Cenomanorum origine. CAP. III.

LVculentissime unde Insubres, inquit Cris-
bellus, dicantur Benedicte declarasti: nunc
cur nobis uicini Brixienſes Cenomani, & Ber-
gomates cum Comenſibus Orobijs nominen-
tur optarem ſcire. Cenomanos, inquit ille, pu-
tat Zanchus quali Cynomanos à Cyno ui-
delicet rege, quem conſtat in hac Gallia, quæ à
Pado ad Alpes uergit, regnaſſe, nomenclatu-
ram ſumpſiſſe: ut autor eſt Pausanias in eo li-
bro, cuius eſt titulus ΕΛΛΑΔΟΣ ΠΡΩΤΗ ΙΣΤΟΡΙΑ, cum
inquit: Κύνου ηγεμονία πρὸν ὑπερῷον Κελύδης
Βασιλεύσει. id eſt: Cynon apud Celtas, qui
trans Padum ſunt, regnaſſe. Sunt igitur, qui
dicant à Cyno Brixiam conditam fuiſſe Cas-
tulli carmina illa adducentes:

At qui non ſolum hoc ſe dicit cognitum habère

Brixia Cycnea ſuppoſitum in ſpecula.

Flauus quam molli percurrit flumine Mela

Brixia Veronæ mater amata ſuæ.

Aiunt enim Phaëthōtem ex Lybia in Italiam *Phaëthon.*
ſoluiſſe, applicuiſſeꝑ ad Ligures, & ibi condi-
ta Genua Apenninum tranſcendiſſe, hancꝑ
Cisalpinae Galliae partem inuaſiſſe colonis ua-
cuam. Accidiſſe item eo regnante maximum
incendium per Italiam, & maximum calorem
ſubſecutum: hacꝑ aëris intemperie Phaëthon-
tem è uita exceſſiſſe, hinc eſſe locum fabulis
datum,

datum, quòd in Eridano sit submersus, & Heliades eius sorores in Alnos, siue ut alij uolūt in Populos esse conuersas: ut legimus apud Dionysium Afrum hīs carminibus:

Οὐ ποτ' ἐπὶ προχοῇσι μὲν μαίην ἀνὰ νύκτα
 Ηλιάδες κώκυσσαν ὀδυρόμεναι φαέθοντα
 Κεῖθι δ' ἢ Κελτῶν παῖδες ὑφ' ἡμέλῃσι αἰ χεῖροισι
 Δάκρυ αἰμίλῃον χερσασυγέειλέκροιο.

Quæ sic interpretantur à Rhemnio Fanio:

Hic Phaëthonta suum charæ luxêre sorores:

Hic electra legunt alnis stillantia Celte.

Verum cum hæc Fanij interpretatio non perfectè Dionysij sententiam exprimat, laborem attulit, hos non uersus modò, sed & superiores interpretanti. Post hunc sunt Celte usq; ad fluentia Eridani. Vbi dicunt Heliades sorores dolore cõpulsas Phaëthontis fratris occasum adeò luxisse, ut mortuæ omnes in alnos tandem arbores lachrymantes adhuc conuersæ sint; earumq; lachrymas ab ipsis Celtarū puellis, quæ circumhabitant loca, sæpenumero emungit; cum in aureum electrum uertantur, & tanquam lapides durecant. Fuit uerò Phaëthon (ut reuertar ad prima) unus ex nepotibus Noë, quem sermo est in Italiam ab illuuiosne aquarum uenisse, appellatumq; Ianum à uino, quod primus inuenit; uinum siquidem Hebræi יַיִן iajin uocant. Subsecuta deinde secula, postquàm & picturæ, & sculpturæ in mediū uenîre

etiam ex Noë
 h. Noë.

h. est Ianus

uenêre ingenia, bicipiti fronte Noam effigia-
runt. Vna quæ esset cano capillitio, & barba
ueneranda, qua ætas ante aquarum exundas-
tionem transacta indicabat. Altera rursus quæ
esset florentis iuuentutis, futura tempora pro-
spectabat. Huic rei adstipulat Athenæus Dra-
cone Corcyræo autore sanè probato referen-
te; cuius hæc sunt uerba Latinitate à Leonico
donata: Celebris, inquit, fuit apud Romanos
Deus, quem Patrē appellabant, & cui uoluen-
tis anni adscripserant initia; fuitq; coronarum
inuentor. Fama est autem bicipitem fuisse, ut
& illa, quæ ante, & quæ post se essent, inspec-
ret. Ab hoc ipso & Ianus fluuius, & mons in
quo degere solitus fuerat, est appellatus. Nunc *Ianiculum.*
Ianiculū uocant. Primus autem omniū coronā
reperisse creditur: rates, & nauigia, pecuniāq;
primus impressisse, & characteribus signasse.
Iccirco apud Italos, & nōnullas Græciæ, & Si-
ciliæ nummū signari mos erat: cuius ex altera
quidem parte biceps facies uisebatur, ex altera
uerò, non eodem tamen semper modo, sed na-
uigium sæpe, sæpe corona esset insculpta. Huic
autem sororem Camisam nupsisse ferunt, ex
qua filiam (ut scribitur) Olisthenam nomine
suscepit. Postea maiora clarioraq; animo uol-
uens Ianus, in Italiam nauigasse dicitur: mon-
temq; nunc Romæ propinquum habitasse, &
qui eius nomen in hodiernum usque diem Ia-
nicul

niculum seruat. Hæc ille. Non ne etiam credibile est Ionium, quasi Ianium esse dictum?

Quid prætereà sibi uult in numismate nauigiũ illud insculptũ, q̃ arcam illam, qua se ab aquis

Italia quondam Ianicula dicta. omnia submergētibus liberauit. Et Ianiculam Italiam prius esse dictam refert Cato in Originibus. Iano uita functo Gallum, cui Comero

Gallus Comerus. cognomen fuit, successisse quoq; lectum est: à quo etiam Italiam mox Galliam esse nominatam. Et adhuc hæc pars nostra Gallia nomen

seruat, uelut ætatis aureæ præclarum monumentum. Et fortasse Transalpini Galli à nobis

Cenomanorum origo. origines traxere: ut à Cenomanis Brixien-sibus Cenomani in Gallia Celtica: qui hodie eorum lingua Lemans appellantur, Andegauē-sibus proximi, & Rhedonibus uersus Ocea-

nũ. Sic à Boijs olim populis ferocissimis, quorũ nunc metropolis est Bononia, Boij in Trans-

Boiorum origo. alpina Gallia Heduis uicini, quos hac ætate Borbonenses appellamus.

Gallus quid significat, præter omnium opinionem.

CAP. IIII.

SEd rursus redeo ad Iani nummisma, in quo nauigium fuerat insculptum. Quo significari arcam diximus, qua Ianus ab aquis uindictatus est. Id nauigiũ Scythæ gallim & gallerim uocant: sic & fluctus Hebræi gallim nominant, & gallos, qui fluctibus non sunt oppressi: uel quòd aquis oblectentur: aut quòd nauis

naugio ualeāt: uel quòd Gallorum regio maxime fluminibus irrigatur. Hæc sunt (inquit Bonauentura) cucullatorum mera insomnia: & profectò in tuam opinionem nullo negotio declinassẽ, nisi contigisset mihi ad Merulam Alciati epistolam super hac re scriptã inspicerẽ: in qua hæc uerba scripta esse memini: An uerisimile tibi sit, ueteres Gallos nomine caruisse, & legationem ad Iudæos in Syriam, tunc hoc in cœlo prorsus incognitos, misisse nomina sibi postulatum? Non sunt hæc & huiusmodi Hebræa in albo reponenda: cum præsertim ad historiam conducere possint nihil, obesse uerò plurimum. Hebræorũ enim æquẽ in scriptis ut in uerbis sublesta semper fuit auctoritas. Gallos igit̃ interpretabor, sicut prius & Galatas, non autem aquis superstitēs. Quid est ergo (inquit Iouius) quòd in Timæo apud Platonem legitur Solonem ab Aegypcio sacerdote his ferme uerbis argui: O Solon, Solon Græci semper estis pueri, nec quisquam ex Græcia senex repertus est. In uobis iuuenis semper est animus: in quo nullæ sunt uetustatis reliquiae, & nulla cana scientia. Nec mirũ, quia apud uos multæ, & uariæ hominũ exterminations extiterunt: eruntq̃, aut ab igni, aut aquarũ uastitate. Sic tempestate Phaëthontis, in qua conflagrassẽ apud uos omnia: & sub Deucalionẽ, diuersisq̃ alijs temporibus aquarum inundation

luuionibus corrupta fuisse omnia non prorsus est fabulosum. Fit enim longo temporum interuallo quædam cœlestis orbis permutatio, quam uel inflammationis, aut aquarum popu- latur iniuria. Nilus uerò ab hoc detrimento nos facit innoxios. Apud Aegyptios igitur monumēta sunt antiquissima, quæ apud uos, & alias gētes certis temporum curriculis cœ- litus, & necessariò immissa uastat illuuiēs. Ic- circo posteritas & literis, & musis prorsus or- batur: quò fit, ut quasi iuuenes sitis, & rudes, & præteritarum rerum penitus ignari. Auto- ritas igitur Platonis, qui fuit naturæ priuile- gium, facit ut Hebraicis monumentis, quæ ab Aegyptijs ad eos fluxere, aliquando insistant: tametsi ea uitio det Alciatus, qui ut mihi uis- detur, deus est tuus.

In Iudæos & de Longobardis & Gotthis
historia.

CAP. V.

Quid habent (inquit Bonauentura) obse-
cro Aegyptiorum, Hebræorum, ue scri-
pta fidei? Quid Berofus, qui pluribus, præser-
tim tibi sacra est anchora? Quid demum Zana-
chi cuculla? qui Berosum sequitur & Maga-
sthenem Persam: quorum autoritas apud me
est tanti, quanti sunt apinæ, tricæq̃. Quid
Ponticus Virunius, qui Hebræus ferè uideri
potest? Quid autoritatis habet delira illa Hie-
ronymi Gauardi cuculla Augustiniana? cui
omnis

omnis argumentationis typus est circa Iudaica: Audi igitur ~~quod~~ me, sed Alciatū, cuius auctoritas hac in re mille cucullis anteponēda est. Is aliquando super Hebraicis delirantem ferē Merulam his ad ipsum scriptis literis arguit: *Viterbum*, inquit Ioannes Annii, qui Berosum illum fabulosum commentatus est, quasi uita herbum, à delitijs uidelicet herbarum: alij quasi ui Tibur, id est, paruum Tibur: quod in lingua Hetrusca (ut ipse somniat) sit paruum. Alij ui Thele à Thebano Hercule. Raymonsdus Marlianus quasi uita inermium. Blondus à ui turrium. Hermolaus Barbarus à uita Heroum. Vide quas nugas Merula. Ego lecto Desiderij regis Longobardorum decreto, quo inquit, tria oppida Longulam, Vetuloniam, & Volturnam sub uno muro cingi iussisse, totamq; urbem *Viterbum* appellasse: Facile ad Etymum Germanicum respexi (erant Longobardi maiores nostri Germani: imò ut Corn. Tacitus attestatur, nobilissimi Germanorum, qui trucidatis Romanis, & Gotthis Italiam omnem tenuerunt) *Vuiterbum* enim eorum sermone ampla structura significatur. Vides igitur Merula quàm facile errent, qui aliunde quàm à Longobardis Longobardorū oppidorum nomina deducunt: eos autem maxime errare credendum est, qui à maxime remotis gentibus rem trahant. Habent Hunni,

*Viterbum**Longobardi qui*

habent Angli, habent Gotthi pleraque in Italia à se indita locis nomina, in ea enim diutius beligerarunt. At Iudæi quas bellicas laudes ipsi possunt prætendere? supersticiosa gens, & imbellis, & ad omnium seruitiū nata: adde quod & indoctissima. Exceptis enim sacris Biblijs, quæ ipsi inuidia, & liuore in Christianos corrumpere, adeo ut satius sit eo in argumento commentaria Græca perlegere: nullius doctrinæ quenquam sua in lingua idoneum habet autorem, non medicum, non philosophum, non historicum. Apage igitur recutitos hosce & fabularios, nec à maioribus nostris Longobardis desciscas, ut alienissimos sequare. Potuisset (inquit Iouius) de Iudæis Alciatus modestius sentire, & castius loqui. Possem, si daretur narrandi locus, super hac re Alciato, quē inuito senatu, populoque grammatico cognosco esse tuissimum, aduersari: sed cum facile animaduertam tam longam uerborum seriem ab auribus uestris non sustineri, illud Ciceronis pro L. Flacco pro Iudæis tuo, Bonauentura, satisfaciat Alciato: Cum aurum (inquit) Iudæorum nomine quotannis ex Italia, & ex omnibus uestris prouincijs Hierosolymam exportari soleret, Flaccus sanxit edicto, ne ex Asia exportari liceret. Hæc ille. Nam ascendit (inquit Corbetes) hæc uestra ad contentionem disputatio, iccirco ne tempus, quo nihil est pretiosius, his nugis conterat

teratur, obsecro, te louie, ut sub cōpendio Longobardorum, & his priorum Gotthorum historiam nobis enarres: & an Getharū & Gotthorum eadem sit natio. Gethas, & Gotthos eosdem esse populos nō dubito plurimis coniecturis adductus, è quibus duas aut tres adduxisse sufficiat uobis. Helius Spartianus in Pertinace hæc de ijs populis, quos uulgus Gotthos uocat posteritati tradidit: Heluius Pertinax filius Pertinacis dicitur ioco dixisse, adde si placet etiam Gethicus maximus: quodd Getham occiderat fratrem, & Gotthi Gethæ dicerentur: quos ille dum ad Orientem transit, tumultuarijs prælijs deuicerat. Is Getha à fratre occisus, natus est Mediolani Seucro, & Vitellio Coss. V I. K A L. Iunias Aurelius quoque Prudentius Gethas appellat, & eos ab Istro (qui alijs est Danubius) patrio uenisse testat. Idem quoque scriptum legisse uos puto apud Claudianū libro quartodecimo his uersibus:

*Aspice Roma tuum iam uertice celsior hostem,
Italia detrusus eat, quantumq; priori
Disimilis, qui cuncta sibi celsura ruenti
Pollicitus patrij numen iurauerat Istri,
Non nisi calcatis loricam ponere rostris.*

Gotthos enim intelligit, quos iā occupata maiore ex parte Cisalpina Gallia Stilico ad Athesim in Veronensi agro, ad Pollentiā, ad Astā fudit: ut lib. 8. idē Claudianus his uersibus attestat:

*Tu quoque non paruum Getico Verona triumpho
 Adiungis cumulum: nec plus Pollentiaribus
 Contulit Aufonij: aut maxia iudicis Aste.*

Lōgobardi. Transeo ad Lōgobardos maiores nostros: quibus ætas nulla bellatores uidit. Quam rem si creditis minus, ne pigeat obsecro Cornelium Tacitum audire: Cōtrā (inquit) Longobardorum paucitas, nobilitasq; plurimis ac ualentissimis nationibus cincti, nō per obsequium, sed prælijs, & periclitando tuti sunt. Audite item Velleium: Fracti Longobardi gens etiā Germana ferocitate ferocior. Misnensium hodie regionem Longobardorum sedem antiquissimam fuisse plures uolunt. Hos Tacitus Sueuis attribuit. Vuestualis aliq; quod hos nō procul à Rheno Ptolemæus ponat.

De moribus Cisalpinorum Gallorum CAP. VI.

NEmini igitur sit mirum, si Cisalpini Galli & pacis, & belli muneribus sunt idonei, quando tam præstantes progenitores habeāt, quibus nulla gens est sub cœlo æquè ferocior. Tunc subridens Bernardus Felicianus, Facies nos, inquit, Benedicite insolentes nimis tanta origine. Qua longè Romanis feliciores sumus, atq; etiam ipsis Hetruscis. Illis enim pastores è Phrygia, his autem Lydus Volsus principia extitère. Verum Cisalpinis Gallis diuersi sunt mores. Siquidem Alpinis sunt planè agrestes: qui altiora montium feri, & porcus insociabiles;

les: quales existunt, qui Veruascam circa Ver-
 banum Vallem tenent: hi enim Troglodytico
 penè more Alpium cauernas subeunt, sparsim
 per inuia nemorum montanorum ritu
 ferarum uagantur. Qui uerò ad lacuum, uel flu-
 uiorum ripas iacent, ad fabrilis opera, & agri-
 culturam sunt idonei: ad uasa lignaria tornan-
 da sunt solertes. Alpini habitudine corporis fir-
 missimi, ad multam ætatem degunt: & quan-
 tàm senectute premantur, à laboribus tamen
 non nisi decrepiti abstinere. Errant autem plu-
 rimum sicut Nomades cum gregibus uel in
 suis, aut alienis, aut conductis pastionibus ui-
 gilias castrenses agentes, supellectile ad Scy-
 tharum consuetudinem plaustro, uel equis im-
 posita. Montanis multis, nisi quatenus in pla-
 niciem descendunt, aut in uiciniam deflectunt,
 usus panis est incognitus. Vescuntur autem ca-
 staneis, lacte, caseo, & cæteris, quæ sua sponte
 dat terra, muneribus: reliqua gulæ irritamenta
 non nouere. Horum mulieres quemadmodum
 & Laxamatarum munia uirosum egregiè sup-
 plent, nec pugnam, si casus tulerit, uiris admi-
 xtæ detrectant. Inter aquas uictus est plurimis,
 dum nauibus ultro, citroque merces couehunt.
 Salassi, quos hac ætate Pedamontanos uocari
 audio, si per milites liceret, cuticulam studiose
 curarent, ad munia belli prorsus inhabiles.
 Cæteri uerò Galli usque ad Rubiconem inge-

Salassi. m.
 montan.

nio tantum ualent, ut illud ad omnia facile applicent. Corporis magnitudine sunt Italici proceriores, Gallis uerò Trāsalpinis & Germanis inferiores. Quantū bello ualeāt, dicant, qui eos sunt experti aliquoties Itali. Ferè tamen credibile est prodigiosa naturæ homines hanc regionem genuisse. Taceo quod Eustathius memoriam prodidit de Lyge gigante in Dionysium Atrium, quem ait hunc tractum incoluisse. *uenio ad recentiora* : Tempore quo Ludouicus Sforcia rerum potiebatur apud Insu-bres, & Lebuos, cum Lambrus aquis extenuatus laberetur, pars caluariæ, & dens magnitudinis immensæ repertus in fundo aluei. Dens primo marmor existimatus est, mox ossea materia deprehensa est. Per eadem ferè tempora (ut Georgius Merula, qui se uidisse refert hæc omnia, scriptum reliquit) eodem in fluuio dentes item duo, & os informe effossi fuere : quod non satis poterat discerni, armine fuerit, an coxendicis : nisi quod in extrema parte forma acetabuli inerat. Ex his ut Venetias deferretur Mauroceno Venetorum legato Barptolemaeus Chalcus uir omnibus rebus ornatissimus, qui tunc à secretis erat Sforcie, unum tradidit.

Quibus edulijs, & rebus abundet Cisalpina
Gallia.

CAP. VII.

Habent

HAbent quinetiam (ut aliquid etiam à me dicatur extra lineam) nostræ Cisalpinæ Galliæ regiones singulæ suas dotes. Cereris enim copia ferè omnis tractus frequentissimus est, nullus tamen Lacmellino, aut Alexandriæ no anteponendus est. Rhetica uina, & quæ in Orobij's Insu-brum, & apud Nouarienses sunt, ferè paria in Italia tota non reperiuntur. Oleum Comense Venafrano non inferius est. Mella passim, ijs exceptis duntaxat, quæ ad Alpes nascuntur propter castanearum folia, Hymetij's, Hyblæis, Calydoneisq; sunt simillima. Cas-seum quis sani intellectus Vestinum Noua-riensi, aut ei, qui intra Adduam & Ticinum sale duratur, comparabit? Quo adeò oblecta-tus est Antoninus Pius, ut eum pro usu Ro-mam trāsferri curaret, ut his uerbis Iulius Ca-pitolinus attestatur: Cum Alpinum caseum in coena edisset auidius, nocte reiecit; atque alia die febre cōmotus est. Coturnicem regio habet nulla sapidiorē. Hædos quoq; Ambra-ciē'sibus petulciores reperiemus. Rosq; Medio-laniē'ses commendatione Carini Imperatoris, q̄ eas abulsq; Mediolano Romā uchi curabat, cæteris sunt gratiores, ut refert Fl. Vopiscus. Quanta sit apud Insu-bres rerum omnium, quæ ad hominis uictum pertinent, felicitas, indicio sunt superioribus temporibus exercitus Impe-ratoris, Gallorum, Pontificis, Venetorum, &

Francisci Sforciæ non modo delitijs alti, sed nummis, per decennium & opibus propè ditati: Quos profectò tota Italia, addite etiam si placet Siciliam, non sustinuiſſet. Lanæ præter eà fert optimas, de quibus ita scribit Strabo: Lanam uerò mollem Mutinensis ager, eaq; regio, quæ ad fluuium Scutanam pertinet, fert omnium longè optimā: hirtam uerò Ligustica; & Mediolanensis, ex qua bona pars Italiæ seruitiorū uestitur. Mediocrē autem, ea quæ circa Patauium, ex qua preciosissima tapeta, & Gausapinæ fiunt. Mulas Venetas Iliados β, Homerus extollit hoc carmine.

Εξ Ενεϊδου ὅθεν ἡμίονων γένος ἀγοτρῶων. id est:

Mularum genus è Venetis quod robore præſtet.

Fructibus autem sic referta est Gallia, ut pomarium tota uideri possit. Est & huic regioni peculiaris arbor, quam betullam Gallicam uocant autores, miro corticis candore: qua nulla ex plantis firmiores uasis uinarijs circulos facit. Est & herba odoratissima, ea doctis est nardus Celtica, uulgo lauanda. Per Alpes item, & Apenninum ex quadam arbore fungus enascitur, quod agaricū dicerem, nisi esset efficax minus. Ne Iouiū uestrum aliquis tamen circa hæc sedulum, insanientem dicat: fecit hoc idem M. Varro, qui edulium genera in ea Satyra, quæ πρὶ ἐδεσμάτων inscripta est, celebravit his carminibus senarijs:

Pauus è Samo, attagena Phrygia,
 Melicæ grues, hœdus ex Ambracia,
 Pelamis Chalcedonia, murena Tartesia,
 Aselli Pessinuntij, ostrea Tarentia,
 Pectunculus Chius, helops Rhodius,
 Scari Cilices, nuces Thasia,
 Palma Aegyptia, glans Iberica.

Fecit hoc etiam Plutarchus, apud quem celebratum inuenio sumen, & fungos Italiae: plascentam Samiam: niuem apud Aegyptios. Præterea si mihi uitio dabitur non Varronem, & Plutarchum, sed Pollucem quoque damnabitis celebrantem Tyrium thymum, cestreum ex Scyatho, hœdum ex Melo, conchas Pelorinas, teutlon ex Ascra, galeum Rhodium, ctenen Methymnæum, pletas Eleusinas, apuas Phalericas, tryglas siue mulos ex Ionia, anguillas Beotias, caseum Cythnicum, salem Tragasæum, rapa apud Mâtineam, fabas Aegyptias. Strabo quoque in Ascalonienfium tractu præcipuas cæpas gigni memoriæ prodidit. Sed quid hæc & tanquam non pollicitus sim dicturum me aliquid extra lineam uobis.

De Lapidicinis.

CAP. VIII.

Quanto (inquit Felicianus) interuallo opinionem de te meam exuperas & nunc ego te Varroniano illo Tricocle præstatiorem puto: & tantum cæteris præcellis ingenio, eruditione, quâ tum (ut inquit pastor ille apud Vergilium)

k s giliūm)

gīlium) lenta solent inter uiburna cupressi.
 Tibi sunt (inquit Iouius) hæc laudum adscribē-
 da præconia. Quis est enim hac ætate, qui li-
 teras profitetur, uel foelicissime, uel ieiunē, cui
 non sit cognitus Felicianus? Verūm ne ab his
 adagio filo, quo aiunt Mulos mutuū scabe-
 re, inuramur; quod horum magis satisfaciāt
 palato. Non uanum erit igitur huic nostræ
 fortasse narrationi immensas naturæ opes in-
 tra almæ parentis uiscera reconditas annecte-
 re. Quas hominum ingenia ad luxum potius,
 q̃ ad utilitatem exquiliuere. Sed quo fato id
 eueniat mali, prorsus ignoro; ut maiores nos-
 tri de ijs iam pridem, & sæpe conquesti sint, &
 de nobis posteritas cōqueratur. Hæc o Bene-
 dicte candidissime (inquit Felicianus) repres-
 hendi à nobis, quàm emendari magis possint:
 satius fuerit, omīssis his temporum quere-
 lis, quamprimū, quod pollicitus es absolue-
 re. Qui hanc nostrā (inquit Iouius) Cisalpinam
 Galliam Bramantius senior, singularissimo &
 absolutissimo uir ingenio, perlustrauit, carbū-
 culos (quos ante ipsum sola mittebat India)
 Diui Galeacij Sforcia patrū ferē nostrorum
 memoria Insubrum ducis effodit; ut morosissi-
 marum mulierū desiderijs obsequeretur. Hos
 argentarij Mediolanienses Rocchæ nouæ Ru-
 binos nomināt. Clariore sunt Oriētalibus, &
 summa cum difficultate è saxo cælis euellun-
 tur.

Rubini vocantur
 non

tur. Vnde sæpenumero impensa maior est, q̃
 lucri accessio. Mons ubi exciduntur, ultra Bi-
 litionem est rectà tendētibus ad Leopontios,
 nō procul ab Abiasco, qui pagus est, ubi ~~Leop~~
 pontina uallis Bregnanæ coniungitur. Gem-
 mas ordine sequuntur marmora ob quandam
 penè similem materiam, nisi quòd hæc terrea
 sunt magis. Hæc duobus in locis propè Athi-
 sonem Candia uidelicet, & Ornouasci candida
 excauantur. Speculare marmor, quod est ni-
 grum, à Romanis luculleum dictum, in No-
 uariensium Alpibus effoditur iuxta Lacum
 Ortæ. His marmoribus usque ab an. MCCC-
 LXXXVI. Mediolanienses Deiparæ Virgini
 templum, quod altitudinis fastigio, quanquam
 adhuc imperfectum transcendere nubes uide-
 tur, construunt. Quod absolutum euincet o-
 mnino, quæcunq; sub sole sunt hominum ma-
 nu facta miracula. Alterū similiter matri Par-
 theniæ, quam ad Celsum uocant in suburbijis
 construunt: cuius aspectus pulchritudinem
 olim posteritas mirabitur. Silices, quibus cœ-
 nosæ uia per Insubres sternuntur in urbibus,
 & oppidis ultra Angleriam Buzirates uicus
 copiosè subministrat.

De euripis duobus, è quibus unus à Ticino, alter
 ab Abdua Mediolanum deflectuntur. CAP. IX.

E Ticini decursu per CC. ferme stad. maios
 Eres nostri inedia aueruncandæ (uoculis
 utor

. 1257.

utor Catonianis) consulentes labentem per
 nicissimo impetu Euripum usque ad Beatum
 Insu brum oppidum munitissimum, mox ue
 luti fessum Mediolanum intra urbem ipsam
 deduxerunt, anno à Virgineo partu M C C L
 V I I. per tēpora Martini Turredani, qui mox
 inter Insu bres primarias partes obtinuit, ubi
 egregiè senatorem Romę egisset. Nauigium à
 nauium copia ultro, citroq; cōmeantium semper
 uulgu s appellat. Vtilitatē, quæ hinc ema
 nat, cū ob rerum ferè omnium copiam, tum
 ob salubritatem aëris, oratione quis amplectes
 retur? Hinc enim piscium sunt uiuaria fre
 quentissima; hinc per hortos nili deriuantur:
 hinc sub ipso limine Nereidū chorū habent
 Mediolanienses ad ludētem. Non qualem Ve
 neti, aut Genuates aspiciunt, insuauem scilicet,
 & aspectu ipso formidabilem: sed qualem Ti
 cinus emittit, blandum uidelicet, & amœnissi
 mum. Perfrui mini ergo Mediolanienses aspe
 ctu nympharum pulcherrimo; & Napearum
 coetu florētissimo; & hac ætate præsertim na
 uigio addito ex Addua altero quod alterius
 aquarum sæpe penuriam excipit. Id cum Sfor
 ciæ Francisci primi liberalitas sub Triccio op
 pido munitissimo excauarit, gloriam ipsius
 donec fluet, attestabitur: per quem multifaria
 merces ex Orobijs proximis, Cenomanis, &
 Venetis in urbis ferè umbilicum deuehitur.

De

De idiomate Gallorum antiquissimo. CAP. X.

QVietis uenia meritò daretur (inquit Cribellus) tibi, nisi solus nos torqueret artusculus: quem ubi absolueris, tam tibi debebo, quàm qui maximè. Quid magis antiquius est (ait Iouius) mihi, quàm amicorum uotis obsequi: tibi præferam, qui ob singularem animi candorem, & literarum politiam es mihi charissimus. Diu (inquit Cribellus) hæsitavi, & adhuc in eadem uersor rota, qui fuerit maioribus nostris sermo: hæsitantiam faciunt, plures Græcorum uoculæ, quibus materna lingua utimur, ne illi Græcè locuti sint. Puto (inquit Iouius) ante Romanorum tyrannidem ambabus idioma Galliis fuisse commune: cum propter originem, tum propter uiciniam. Græculas uoces in hanc regionem per tempora C. Cæsaris transcripti Comum in coloniam Græci attulere. Quod nobis à cæteris Italis sermo diuersus extiterit, declarant quædam uocum apud probatissimos autores reperta discernicula. E quibus exempli gratia uobis pauca dixisse sufficiat iuxta Vergilij illud:

Et crimine ab uno

Disce omnes.

Acorus radix est notissima, eam Romani radicem nauticam uocabant: Galli uerò maiores nostri piper aqueum. Ploxenum cuius meminit Catullus, Trāspadanis Gallis capsula fuerat.

rat. Sic asarum radicis est genus: sed Latinis perpenſa, Gallis bacchar. Virgam ſimiliter Galli dicebāt, quam purpuram alij: ad quod ſignificatum in octauo Vergilius alluſit, cum inquit:

Virg. Georg.

Virgatis lucent ſagulis.

Argemonam quoque herbam ſcitis eſſe, Roſmani tamen eam concordialem, & Galli coronam uocabant. Nobis item ſuibetes herba fuerat: quæ Romanis ſyluæ mater, & Græcis chryſocarpos. Item qui nobis eſt equus, maioribus noſtris erat marca: & actum ipſum equitandi materna lingua adhuc marchiare dicimus: unde Marcomani populi ſunt dicti, quod equo qui marca dicitur, aut ualeant, aut oblectentur. Non audiret te (inquit Bonauentura) uir doctiſſimus Vadianus. Marcomanos enim putat uocatos Germanicè: quod Mark Germanorum idiomate limes ſignificatur. Vnde Marchiones, qui ad tuendum imperium Romanum cum militibus aduerſus barbaras nationes limitibus præerant, dicti ſunt. Plurimi (inquit Iouius) eſt apud te Vadiani autoritas, maior apud quoscunq; tamen Pausaniæ: apud quem hæc legiſſe aliquando contigit, τὸ τὸ ὀνόμαζον τὸ σιῶταγμα τεμαριάζειν πῖ ἐπὶ χερσὶ φωνῇ. Καὶ ἵππων τὸ ὄνομα ἰσὼ τις μαρκαὶ ὄντα ὑπὸ τῶν κελτῶν. Hæc ille. Vides ergo, Caſtillionæ, an Vadianus fallatur, an ipſe decipiar. Ex his igitur

Marcomani

Vadianus

tur liquidò satis constat, non fuisse maioribus nostris cum cæteris Italis idioma commune. Nunc, postquam muneri ipse meo pro uirili satisfecerim, obsecro uos, ut uestra omnium gratia tacere liceat mihi.

De magnificentia Mediolaniensis urbis, deq; nonnullis scitu dignissimis Gallorum Cisalpinorum gestis.

C A P. XI.

HAec cum dixisset Iouius, manu mento supposita quiescebat. Tunc Felicianum omnibus intuentibus (inquit Castillionæus) Optarem, Feliciane candidissime iuuenis, ut urbis nostræ, quādo hæc nobis liceant minus, præconia diceres: horum omnium silentium te loquentem expetit: in te uno nostra nunc uota suspensa sunt. Vtinam (inquit Felicianus) ea in me sit ingenij felicitas, qua possim & desiderijs uestris satisfacere, & estimationi apud uos meæ. Quāobrem uestrum fuerit munus, cum dixerò, si in parte aliqua declinatum erit, uel me uenia dignum existimare: aut tumultuario sermoni adscribere. Cæterum ne a uestro aliquo noter, ea tantum, quæ sunt in ore omnium, uel quæ ipsi uidimus: ideo attendite. Maxima semper fuit apud quascunq; nationes Gallorum Cisalpinorum & autoritas, & uirtus formidolosa: inuenio liquidè in Grecorum monumentis ad Alexandrum Macedonem, quæ ob res gestas Magnum cum cæteris

teris autoribus appellamus, Gallorum Cifalpinorum legatos hospitalitatis, & amicitiae gratia uenisse; fuisseque in conuiuio, quo omnium ferè gentium oratores acceperat, à Rege potētissimo interrogatos, Quidnam esset, quod Galli maximè timerent; Tunc prater omnium opinionem respondisse, Aliud, inquam, nihil rex praestantissime, quàm ne supra nos coelū, aut Alpes ruant. Quod responsum omnino fefellit animum regis, eum esse se, quem formidarent, dicturos opinantis. Quibus uerbis credibile est Alexandrum de bello Gallijs inferendo, quæ talium uirorum essent alumna, sed per ea tempora contra Hetruscos, quorum opes terra marique late patebant, in armis erant; qui XII. urbibus conditis in Cifalpina Gallia uniuersam Italiam tyrannide premebāt. Nullus enim Rex citra eorum auctoritatem creabatur, Itaque cum per eosdem Romulus rex declaratus esset, captata Mithridates Pōti rex occasione Romanos appellauit Hetruscorum ueritas. Hos tamen quanquam potentissimos Galli Cifalpini non suis modò finibus eiecere, sed in eorum agro bella gessere, omniq; dignitate, & imperio priuarunt. Profligatis Hetruscis pacis impatiens, & ferox populus in finitimos Venetos, & Medoacos arma conuertit: eaq; diu exercuit uario Marte. Cumq; horum arma contemptui haberētur, utpote qui essent.

nam, Hetruscos
eosq; uirum

Hetrusci

essent Paphlagones eiekti, in Hetruscos rursus
 Duce Brenno omnem belli impetum contus-
 lere, cum essent ab Arunte quodam ad id faci-
 noris excitati, Clusium ergo tunc Hetruscorum *Clusium*
 metropolim cum maiores nostri obsiderent,
 superuenere Romanorum legati, quorum au-
 toritate sedari posse bellum Tusci putabant,
 Verum cum res non succederet aperto Marte
 Hetrusci Gallos aggressi sunt, quo in praelio
 cogniti sunt Romanorum legati, Clusio igitur
 relicto, Romam infensissimo agmine pes-
 tentibus, ad Alliam fluuium exercitus Ro-
 manus occurrit: quem cum Galli uiriliter ex-
 cepissent, ferè ad unum Romani interiere, eaq[ue]
 dies iter nefastos relata est. Nec multo post de-
 fensoribus uacua, & capta, & incendio à Gallis
 Roma consumpta est. Huius rei autorem ha-
 beo Sex. Ruffum uirum Consularem: qui hæc
 memoriæ prodidit: Galli qui Italiæ eam par-
 tem tenent, ubi est Mediolanum, usque ad Ru-
 biconem amnem, suis uiribus freti Romam
 ipsam bello petière, cæsistq[ue] exercitibus Roma-
 nis ad Alliam fluuium, moenia urbis intrarūt,
 Capitoliū obsedēre, Ad cuius arcem sexde-
 cim senatores nobilissimi cōfugerāt, qui mille
 auri libris se obsidione redemerunt. *Videtur*
 ergo ab Insubribus urbem deletam, qui mox
 per Apuliam uagantes Gallipolim cōdidere:
 Tunc soluentes in Græciā delati eam ferè omnē
 1 populati

populati sunt. Annis post aliquibus rursus in
 Romanos Galli insurrexere: Quo in tumultu
 T. Quintium Dictatorem, qui nisi desperatis
 rebus creabatur, factum reperio, cum iam Galli
 ab urbe ad tertium lapidem uia salaria trans
 pontem Anienis castra posuissent. Quorum
 timore & iustitium indictum est, & iuniores
 sacramento militari adacti. Tertius in Gallos
 Dictator fuit C. Sulpitius M. Popilio Lenate
 & Cn. Manlio Coss. Post multas tandem ac-
 ceptas, illatasque clades uix arma deposita fue-
 rant, quando maiora inter Gallos Romanosque
 bellorum incendia exarsere: siquidem repara-
 tis utrinque exercitibus, ut si quando alias, acris-
 ter ad arma itum est. Et cum Galli in agro La-
 tino castrametati essent, iuniores rursus ad mi-
 litiam coacti sunt dare nomina: quod scirent
 Gallicam gentem & bellacem esse, & ingenij
 audidi ad pugnam. Quo in certamine consul
 uulneratus in Romanos fugientes hac oratio-
 ne usus traditur: Quid fugis miles? non cum
 Latino, Sabinoque hoste res est tibi; quae uictum
 armis socium facias ex hoste. In belluas strin-
 ximus ferrum; hauriendus, aut dandus est san-
 guis. L. Volumnio, & Ap. Claudio Coss. cum
 Hetrusci, Samnites, & Umbri in Romanos co-
 iurassent, reperio ab ijs Gallica auxilia fuisse
 mercede conducta, quae cognoscerent Gallos &
 bellaces esse, & nomini Romano insensissimos.

Decio

Decio item Decij filio Cos. acerrimè pugnatū
 est contra Romanos. Quos cū Decius fugien- *Decius*
 tes nullis aut precibus, aut minis retardaret,
 dijs manibus se deuouit, M. Liuius Pōtifice ad-
 stante: cōfectum est hoc certamen in agro sen-
 tino, non procul ab Esi flauio. Hanc urbem
 Lōgobardi uastarunt. Erāt Gallī cū ob uici-
 niam, tum ob uirtutē Romanis terrori: & tu-
 multus Gallicus cum maxima formidine sem-
 per exceptus. Idem etiam Plutarchus affirmat
 his uerbis in uita Marcelli: Faciebat id loci ui-
 cinia, & Gallorū dignitas: tanquā qui recorda-
 rentur se & ab ijs ad Alliā cāsos, & urbe fuisse
 deiectos. Peracto primo Punico bello cladium
 & stragis faces ex huiusmodi caussa inter eos-
 dem rursus emicuēre. Irruperāt more torrētis
 per agrum Hetruscum Gallī, Aretiumq; acris-
 ter obsidebāt. Romani Tuscis auxiliū ferentes
 in pugnam descenderunt: qua in pugna, si aliās
 unq; Gallorum uirtus enituit. Nam & exer-
 citus ad excidium deductus, & interfectus est
 consul. Cum uerò pro redimēdis captiuis Ro-
 oratores Mediolanum uenissent, contra ius
 gentium interfecti sunt. Itaq; senatus huiusce
 facinoris indignatione commotus, delectu per
 Italiam habito, bellum reparauit in Gallos,
 quod ad multos annos gestum Senonibus qui
 proxime Italos habitabant, excidio fuit. Sunt
 qui scribant hæc ante primum Punicum bel-

5 pmon

lum fuisse gesta; quòd eo confecto subsecutum sit Illyricum: mox tumultus Gallicus. Hnac ob causam C. Flaminius ad populum legem tulit, ut ager qui Senonibus adeptus fuerat per superiora bella, Romanis ciuibus diuidetur. Id cum Boi intellexissent, qui Senonibus inhærebant, malè ferebant hanc Romanorum uiciniam. Super hac re igitur inter Cisalpinos Gallos conuentus est habitus. Quibus in comitijs contentio omnis consumpta est refractione iniuriarum uulneribus antiquis, & recentioribus. Tandem post longam cõsultationem ad arma succlamatum est. His pactis Congolitanum, & Aneræstem reges eligunt: quibus summa totius rei commissa est. Hæc ubi Romæ nūciata sunt, uariè trepidatum est, discurrentibus alijs ad portas urbis, alijs ad mœnia, pernoctantibus alijs in foro. Omnia certatim deferri in oppidis ualidioribus ab agris: ac si adfuissent pro mœnibus Galli, qui domo nondum signa promouerant. Accusari ab alijs Patres conscripti: & à nonnullis ciuium auaricia absiduis iurgijs criminari: & parum defuit, quin scuitum sit in belli autores. Tãto igitur belli iam excitato incendio consules per Italiam, & proximas insulas habere delectum, parare arma, cogere iuniores, uexilla præparare. Coacti sunt etiam sacerdotes, qui belli munere ex S. C. uacabant, ad militiã dare nomina. Romanorum

manorum autē formidinē uel apparatus ipse declarat: nunquā enim tot Italogum millia fuisse in armis proditum est. Veniebant enim in mentem Rom. urbis incendia, exercitus ad Alliam cæsus, tot dijs sæpenumero aduersis contra Gallos suscepta certamina: & hanc ob causam uelut fatalē Romanis Citeriores Gallos formidabāt. Sic in urbe, & apud socios impigrè delectus habebatur: & quasi non semel pugnandum esset, tot copiarū conscriptæ sunt, quot antea, nec post (quas ipse legerim) nunc. Siquidem Polybius refert fuisse in Romanorū exercitu DCCC. & L. mil. peditum, equitū autē III. & CC. mil. Plinius DCC. ped. mil. equitum uerò tantum mil. LXXX. fuisse attestatur. Et anteq̃ copiarū proficiscerentur, sacrificij genus facere coacti sunt, Sibyllinis cedentes monitis, quibus continebatur, Græcos homines, totisq̃ Gallos marem scilicet & foeminā uiuos oportere tumulari: cū antea Græcanico more p̃ij ac mites rem diuinā facerēt. Itum est tādē cum ijs copijs in Gallos, qui Hetruriā omnem ferro, flāmaq̃ uastabāt: & diu uario Marte pugnatum est usq̃ ad C. Atilij Cos. ex Sardinia aduentū. Quē cum uenisse Galli cognouissent ex crebris ignibus per noctē, totis uiribus in aciem descenderūt: ut extremam belli aleā experirentur. Præualebant uirtute Galli, multitudine uerò numerosiore Itali. Cōtra L. Aemiliū

us Ro. citus

C. Atilij L. Aemili

Iltum Gefatae, quibus mos erat, ut nudi pugna-
 rent, cum Senonibus cōstitere & Cenomanis;
 aduersus C. Atilium cum Bois, Lebus, & Sa-
 lalsis Insubres pcessere, collocatis prius plau-
 stris, & impedimētis, omniq; praeda in pximū
 tumultū cū praesidio. Cū duas (ut dictū est) frō-
 tes Gallorū acies haberēt, nō solum terribiles
 aspectu, uerū & efficaces ad certamē fuere; ue-
 rum Insubres cū Salalsis & Bois lunatis sagu-
 lis, & torquibus aureis maximē interlucēbāt.
 Interea Gallis equitibus C. Atilium à tumulo
 arcere conātibus, pugnatū est neruis oībus cū
 summa omniū alacritate. Quo in cōcursu cum
 Atilius Cos. in cōfertissimos cuneos pugna-
 ret, ab equite Gallo hasta trāsfixus, occubuit:
 caputq; hastae infixū per castra delatū est. Hic
 ex morte cōsulis maior inuasit Italos rabies, &
 rerū desperatio. Tandē fusa Gefatarum sagitis
 acie, ad cæteros Gallos oīs rerū difficultas re-
 diit. Hic clamor, armorūq; horror, hic equorū
 hinnitus, qualis antea nunq; pro focis, & liber-
 tate Italis, pro gloria autē, & uirtute pugnatīs
 bus Gallis. Sic omnis ferri experiētia à fronte,
 & à tergo uehemētius insurgebat. Insubribus
 & reliquis Gallis nulla iam salutis spes uali-
 diores uires dabat: Itali uerō nisi tunc cum tā-
 to exercitu uicissent; nūq; posthac fore ut uin-
 cerēt, arbitrabatur. Cœpere tandē Itolorū frō-
 tes pedē referre; qd' cum tribunū equitū inspe-
 xissent,

xissent, ut sit in rebus proclamatis, procellam
 equestrē demissis hastilibus & equis cōcitatīs
 in Galloꝝ peditatū dedēre. Tum demū turbas-
 ti Gallī, ac loco moti, & repulsi sunt. Quanto
 animorū ardore tūc pugnātū fuerit, Polybius
 his uerbis ostēdit: Hic tandē belli Gallici finis,
 quo nullum usq; in hūc diem uel obstinatione
 animorū, uel militū audacia, uel atrocitate prē-
 liorū uel multitudine intersectorū, uel numero
 copiarum ~~malus~~, aut audiuius, aut legimus.
 Hæc ille. Post hāc pugnā L. Aemilius cōsul in
 Boiorū agrū cum exercitū uenit, quo uastato
 Romā ad triūphum regressus est secū adducēs
 Congolitanū ex fuga protractum. Aneræstes
 alter libi mortem cōsciuerat, ne foret hostibus
 speciosior triumphus. Sequēs annus consules
 habuit Q. Fuluiū & T. Manliū. Hi accepto ex-
 exercitū Galliā ingressi sunt; Boiosq; uenire in
 deditiōē P. R. coēgerūt: q; cū cæteros Gallos
 adoriri, aut eorū regionē uastare pposuissent,
 crebris imbribus & oborta per exercitū pe-
 stilitate pedem referre coacti sunt. Hos secuti
 sunt cōsules P. Fuluius, & C. Flāminius. Gal-
 liam itaq; Flāminius aggressus est: Ananesq;
 Gallos subegit: hinc Insubres inuasit incensis
 Taurinorū agris: & castra metatus est eo in lo-
 co, quo Addua in Padum influit: ibi hac ætate
 Castrum est nouū, pagus Insubres ubi hæc in-
 tellexere, armata multitudine ad prohibendos

Romanos uenêre; ibi crebris certaminibus fatigati Romani in Cenomanorū agrum se receperunt; inde per superiora loca uagantes equites Orobios populabātur. Insubres itaq; agrorum uastationē agrē ferentes ferro q̄ primum decernere statuerunt. Facto igit agmine quinquaginta hominū mil. & sublati uexillis aureis e tēplo Mineruæ tantō animi ardore Romanos aggressi sunt, ut uix ab oppugnatione castrorum primo aduentu repulsi sint: paucis post diebus in ripis Abduæ commissa pugna superati sunt. Tot cladibus attriti Insubres Romā pro pace legatos mittunt; quibus cum negata esset, rursus ad bellū se alacrius comparant: præsertim cū iam Mediolanū ex Transalpina Duce Viridomaro armatorum triginta millia in subsidiū superatis Alpibus accessissent. Cōsules erāt C. Cornelius Merula, & M. Claudius Marcellus, q̄ acceptis copijs à prioribus consulibus, Acerras inter Padū & Alpes urbem Insubrum obsidione cinxerunt. Insubres quòd auxiliū obselsis ferre nō poterāt, propterea q̄ media quædam loca à Romanis tenebantur, parte copiarū trans Padum missa, Clastidium quod Romani prælidio firmauerant, obsederunt, rati ea difficultate coactos Romanos Acerras obsidione soluturos: eo igitur consilio Clastidium premebāt. Romani bifariā diuiso exercitu statuere obselsis opem ferre,

*Cornelius Merula.
Claudius Marcellus.*

ferre, Cornelio igitur onus iniunctum, ut curaret, ne Acerranis subsidium præstaretur: Marcello autem, ut Clastidianis opem ferret. Quem ubi Padum Galli traieciisse intellexerunt, consuli obuiam facti sunt: instructaque acie Romanos adoriuntur: ibique ducis Viridomari temeritate sunt cæsi. Acerrani autem suorum strage audita, urbem noctu deseruere. Ita urbs Insubrum clarissima flammis consumpta est. Ultra Linianum miræ celebritatis oppidum in ripis Orone pagus uisitur, Acerris adhuc nomen est, cum adiacenti regione, quæ Acerrina dicitur. Hic fuisse uetustissimam Acerrarum Insubrum illam urbem puto. Vastatis Acerris Cornelius Mediolano copias admouit. Quod cum se capere posse desperaret, quod populi frequentia defenderet, populato circum urbem agro copias reducebat. Iter facientem Insubres assequuti extremum agmen adeo egregie inuasere, ut maximus timor ea in parte sit Romanis iniectus. Conuersis igitur signis consul totis uiribus Insubres aggressus est, maximamque eorum partem concidit: qui pugnae superfuere in proximos montes aufugerunt. Cornelius re animaduersa infesto exercitu Mediolanum reuertitur: nactusque urbem metu perculsam, & defensoribus uacuam nullo negotio ea positus est. Qui eundem deinde Gallorum arma usque ad Annibalis aduentum, à quibus & copiis

nouis auctum (ferè enim omnem exercitum in transitu Alpium amiserat) satis constat, & ab his in Italiam accersitum, cum illi in animo esset per Narbonensem Galliam apertis maritimis Alpibus in Ligures irrumpere, illinc in Hetruriam. Nouissimè in Italia soli qui rebel-
lauerint, in armis remansere contra Romanos pulso Annibale: Mox cum Liguribus, quorum arma ferè semper coniuncta fuere, uario Marte cum Romanis belligerarunt. A uarijs tandem cladibus in amicitiam Romanorū sunt recepti, priuilegioq; Latine coloniae Transpadani, Romanorum more loquor, donati/sac-
uiuentibus deinde bellorum Ciuium protellis C. Caesarem sequuti totis uiribus huic bello incubuere, ceteris Gallis propè reclamantibus. Huiusce rei testem habeo Ciceronis epistolam ad Tironem; Delectus enim (inquit) magnos habebamus, putabamusq; illum metuere, si ad urbem ire coepisset, ne Gallias amitteret, quas ambas habet inimicissimas, præter Transpa-
danos Extincto Caesare contra M. Antonium insurrexere: libertatemq; communem cum re publica Romanorum amplexi sunt: quod unice M. Brutum Caesaris interfectorem colerēt. Negotij huius testis est Plutarchus: qui ait Mediolani statuam æneam M. Bruti in foro conspectam ab Octauio: laudatosq; Mediola-
nenses ab eodem, quod etiam in rebus aduer-

-sis ami

sis amicorum essent amici, Quòd arma sumpse-
rint in M. Antonium, autorem habeo in Phi-
lippicis Ciceronem, apud quem hæc pridie le-
gi: Quid Galliam? (de hac loquitur citeriore,
quam in M. Antonium D. Brutus armauerat)
Quo tandem animo hanc rem audituram pu-
tatis? Illa enim huius belli propulsandi, admi-
nistrandi, sustinendi principatum tenet. Gallia
D. Bruti nutum ipsum, ne dicam imperium,
secuta armis, uiris, pecunia, belli principia fir-
mauit, eadem crudelitati M. Antoni suum to-
tum corpus obiecit, exhauritur, uastatur, uri-
tur omnis, æquo animo belli patitur iniuriam,
dum modò repellat periculū seruitutis. Opta-
rem in L. Floro, & alijs nonnullis scriptoribus
loquendi modestiam: qui ut carthas expleant
ambagibus, regiones aliquando citra uerecū-
diam pro animi libidine plus æquo uel laudāt,
uel uituperant. Audite igitur quicunq; estis
ex hoc grege M. Tullium Philip. 111. Quodq;
Galliam prouinciā Citeriorem optimorum,
& fortissimorum uirorum, amicissimorumq;
P. R. ciuium refertam, exercitumq; in Senatus
potestate retineat. Verum, ne ebrium Cicero-
nem hæc putet dixisse aliquis, audiat eundem
Philip. 1111. Galliam totam hortatur ad bellū,
ipsam sua sponte, suo quoq; iudicio excitatam.
Hæc ille. Nunc quanta fuerit, & sit huius Gal-
liæ Citeioris autoritas, his uerbis idem Ci-
cero decl

cero declarat Philipp. III, Nec uerò de uirtute, constantia, grauitate prouinciæ Galliæ taceri potest. Est enim ille flos Italiæ, illud firmamentum imperij P. R. illud ornamentum dignitatis, tantus autem consensus est municipiorum, coloniarumq; Prouinciæ Galliæ, ut omnes ad auctoritatem huius ordinis, maiestatemq; P. R. defendendam conspirasse uideantur. Eundem rursus audi in quinta Philipp. Galliæq; quæ semper præsidet, atque præsedet huic Imperio, libertatiq; communi, meritò uereq; laudetur, quòd se suasq; uires non tradidit, sed opposuit. Quòd si unì Ciceroni fides non adhibenda est, audite M. Antonium apud Ap. Alexandrinum italoquentem: Nam si à Celtis (inquit) abiero, neq; hostis, neq; Monarchicus dicar amplius. Idem cum à Senatu destitueretur, petijt Celtarum prouinciã inter Alpeis residentē: quam D. Brutus obtinebat, mente scilicet repetens, C. Cæsarem ex Celtis prodeuntem Cn. Pompeium superasse, Senatus autem Celtarum gentem uelut arcem in se præparari metuens, conturbari cœpit. Ad hæc quibus copijs ulteriorem Galliam C. Cæsar deuicit, nisi nostratibus? Primò in Heluetios duas legiones conscripsit, quas per Ocellum cum tribus quæ circum Aquileiam hyemabant, trans Alpes traduxit. Mox cum esset in hac nostra Gallia, intellexissetq; Cæsar Belgas
inter

inter se datis obsidibus coniurare, non ne legiones totidē conscripfit ex nostris militibus? quos Q. Pedio legato in ulteriorem Galliam deducendos dedit. Deinde cum Cæsar maiorē Galliæ motum expectaret, per M. Syllanum, C. Antistium Reginum, T. Sextium legatos delectum haberet ab Cn. Pompeio Procos. petijt, quoniam ipse ad urbem cum Imperio rei publicæ causâ maneret, quos ex Cisalpina Gallia consulis sacramento rogauisset, ad signa cōuenire, & ad se proficisci iuberet. Quid igitur oblatrat L. Florus esse nos niuibz nostris similes? quando hinc omnium firmissimus perditatus semper eductus sit, ad quancuncq; belli alē semper paratissimus. Verum non deerunt ex uobis, qui mihi iam uitio dederint, quod in re sole clariore morer nimis. Transeo igitur ad facinus aliud, quod constat à quatuor tantummodo Transpadanæ regionis urbibus cæteris Italis reclamantibus patratū fuisse. Hymabat circa Padum ala Syllana: quæ cum ab Othone Imperatore nullo in pretio haberetur, cognosceretq; Mediolaniensibus, Nouariensibus, Vercellensibus, & Hipporhediensibus Othonis imperium graue uideri, eos ad defectionem nullo negotio sollicitauit. Data itaq; inter se fide, omnes in uerba Vitellij absentis iurarūt. Atq; hæc cum Vitellius intellexisset, maturauit ex hybernis milites mouere, & in hanc

hanc Citeriorem Galliam proficisci tantarum urbium motus autoritate, quas Corn. Tacitus florentissimum Italiae latus appellat. Datas praeterea à Senatu Romano literas in hanc sententiam reperio; S. R. amplissimus Curiae Mediolanensium ornatissimae salutem. Ut estis liberi, & semper fuistis, latari uos credimus: creandi principis facultas Senatum readiit: simul etiam Praefecturae urbanae appellatio uniuersa decreta est. Valete. Hae autem literae ad Mediolanienses datae functo uita Aureliano fuere. Possem super hoc negotio uobis plura adducere; uerum cum his recentiora domi habeantur per Georgium Merulam uirum candidissimum declarata, ferè usq; ad memoriam nostram uideor mihi cum gratia etiam uestra posse me canere receptui. Hec cum dixisset Felicianus, subticuit. Tunc Hippolytus Maynus Augustae Baciæ comites Petrum Candidum Vergieminatem orauit, ne grauaretur ea, quæ in laudem Mediolanensis urbis composuisset, recitare. Cui Petrus, Turpe inquit, mihi esset comes illustrissimæ precibus tuis locum relinquere: Incipiam igitur, & si quandoq; prolixior uobis uisus fuero, date silentij signum mihi: nam senectutis hoc peculiare uitium est, ut sint saepenumero plusquam debeat loquaciores. Sed nunc exordior, precor attendite.

Admirabilis quædam res est eloquētia, & quā pauc

paucorum ingenia hucusque assequi potuere.
 Quamobrem nonnullos & graues, & doctos
 uiros scimus, qui cum parem rebus, de quibus
 uerba facturi sunt, eloquentiam præstare ne-
 queant, studio tamen & uoluntate ducti ea di-
 ctant, ex quibus non tam laudem meo iudicio,
 quam reprehensionem sunt consecuti. Mode-
 randa igitur uoluntas est, & cohibendus appe-
 titus, ipsisque uoluptatibus fræna iniicienda
 sunt; nec solum quid possis, sed quid debeas co-
 gitandum. Ita te tuarum rerum pulchritudo
 delectet, ut nihil laude dignum te autore in ear-
 um comparatione uillescat. Nuper enim cum
 Leonardi Aretini uiri in primis docti lauda-
 tionem Florentiæ urbis lectitarem, non tam di-
 cendi ornatum, qui uberrimus illi adest, quam
 sententiarum uim, ac diligentiam admiratus
 sum. Tam luculenter enim & ornatè scribit, ut
 nisi penitus attenderis, facile adduci queas, ue-
 ra esse, quæ ab illo referuntur. Sed nihil est ue-
 ritate præstantius: summa res eloquentia huic
 uni cedit, ab illa uincitur. Operæ precium itaque
 credidi omnem nostram huiusmodi lauda-
 tione sententiam meam uobis exponere. Nam
 cum bonarum artium studijs eruditi sitis, tum
 ijs potissimum otijs uacetis, quæ sunt nonnun-
 quam negotijs præferenda: æquissimum arbi-
 tror in omni re, quæ à nobis auspicanda sit, deos
 præcipuè fauenteis optari: cum id demum fe-
 liciter

// liciter euenire credatur, quod diuina ope ful-
 // tum sit. Itaq; celeberrimi uates non sine digna
 // commemoratione deorū laudes in eorum car-
 // minibus prætulêre. Leonardus itē noster cū
 // alia, tum istud in primis egregie, sed nihil neq;
 // luculentius, neq; splendidius in toto orbe ter-
 // rarum Florētia urbe reperiri posse, haud equi-
 // dem assentior. Quippe uoluntatem ipsius ex-
 // tollendam, facultatem uerò quā amplissimā
 // fuisse, erudita, ac pollens ostentat oratio: quæ
 // illi in exornāda urbe pulcherrima nequaquam
 // defuit. Sed ut ad rem aliquādo ueniamus, prin-
 // cipio quidem magnæ prudentiæ existimo, ni-
 // hil ad ostentationem facere, nec periculosam,
 // ut idem ait, iactātiā sequi potius, quā tran-
 // quillam stabilemq; commoditatem. At quo pa-
 // cto Florētiam urbem id obseruasse cernimus?
 // quæ inter conualles quasdam sita, nec præcla-
 // re se montibus ostentat: nec rursus expeditis-
 // simis campis obiecta, eminus iter aperit: Ve-
 // spertinus nēpe uiator longinqua sedulus pro-
 // spectat hospitia, finem iam inde ingrati laboris
 // autumans. Hæc autem conuallium syluestris
 // opacitas non tantum urbium aspectum eripit,
 // uerum etiam desperationem quandam adeun-
 // tibus uidetur præferre. Quippe urbes summis
 // in montibus collocatæ, tum ad aspectum ma-
 // gnificæ sunt, tum ad usum iocūdæ. Extrorsum
 // enim aspicientibus incolis lætissimos campos,
 // uiridif

uiridissimos colles, amœnissimos maris tractus prospiciunt; nec est quicquā quod cū tali spectaculo conferri possit. Quid aëris salubritatem commemorē? Quid aurarū suauissimos flatus, siue æstiuīs temporibus Boreali rigore frigescere, siue hybernīs australi tepore mauis calefcere? Ex quo summīs in montibus habitare licet non solum, siue aduersa cœli intemperie, siue habitatorum incommoditate, atq; molestia, quinimo cum summa iucunditate, & gratia; sine uentis uerò ac procellis nullam orbis regionem licet habitare. Adde q̃ ingenia his locis acutiora gignuntur, ut non infacetè dictum sit, Ex montibus sapientiam prodire: planiciem uerò segetes largiri. Sed illa profectò fortunatior sedes est urbis, quæ longè flumina, longè monteīs excelsos prospicit, eorumq; commoditatibus, quantum sat est, fruitur: incommoda uerò non sentit. Quæ si ulla est in toto terrarum orbe egregiè condita, ea certè Mediolanensium est ciuitas: sic enim in latissimis, feracibusq; campis sita, montibus altissimis procul septa est: sic non longè decurrentium fluminum opportunitatem percipit: ut nulla nedum inueniri, sed ne utilius, & commodius ædificata cogitari ullo modo possit. Nam per deum immortalem, quæ nam est hac urbe præclarior? Quæ populo frequentior? quæ ædificiorum magnificentia ditior? quæ

m deniq;

*fortunatior
urbis.*

denique uiris, mulieribusq; illustribus ornati-
 or: uidere licet alias urbes, quibus præter ina-
 nem quandam uicorum mundiciem, ac deco-
 rem, nihil adsit, quod cum minima huius urbis
 commoditate conferri meritò queat. Iam uerò
 si aëris temperiem, ac nitorem contempleris,
 facile adduci possis, Comes optime, nec alibi
 purius cœlū, nec splēdidiorē solem, nec astra
 magis fulgentia te uidisse. Ipsam autem urbem
 uiridantissima planicies undique circumdat,
 tam frugifero, amœnoq; æquore confita, tam
 glādiferis, opacisq; nemoribus culta, tanta ui-
 tiū ubertate lētifica, ut nihil aspectu pulchrius,
 nihil prouentu utilius, nihil ad animantiū ui-
 tam accōmodatius naturā rerum omnium pa-
 rens, & alumna commenta uideatur. Adde ijs
 fontium perēnes liquores, cursus amnium ui-
 tro lucidiores, pratorū uiriditates, & camporū
 felicem, beatamq; fertilitatem: tum uolucrum
 copiam, ac ferarum: quarum studio uenandi
 incolæ mira uoluptate afficiuntur. Quid oppi-
 da in urbium formam deducta commemorem,
 ut Vergeminū, quod Vigleuanum appellant,
 patriam meam: ut Beatum, Gallarate, Morta-
 rium, Terdate, aliaq; multa municipia, quorū
 frequentia hæc ciuitas sic undiq; munita est, ut
 nihil uideri possit illustrius. Itaq; cum pluri-
 bus in locis magnificæ urbes sint, ad quas ui-
 sendas multi mortales fama pulchritudinis al-
 lecti

*Vergeminū . mō
 Vigleuanū*

lecti conueniant, cum plurima illis deesse conspiciant, adeo huius urbis magnificentiam, ornatum, copiam intuentur, ut illas ueluti famulas quasdam, hanc uero cæterarum dominam esse fateantur: sic omnium rerum magnitudine obstupescunt: sic templorū fastigia, & ornatū conspicientes, pulcherrima admiratione satiari non possunt. Non enim urbs eiusmodi est, ut quæ optima, & præcipua habeat uniuersa exponat ante oculos hominum inspicieda, ac ueluti sollicita quædam meretrix superficiem solum curare cupiat, & culta nimis in publicum prodire: quod plerisque in urbibus fieri uidemus. Cæterum ut diligētem matronam decet, cui dignitas magis peculiare bonū sit, hæc leuiora haud multi facit: introrsus autem maiora quædam, ac uisu digniora domesticorū obtutibus reseruat fruenda. Ex quo fit, ut cum eminus illius, ut ita dicam uultum, cultumque prospexeris, minus formosa, ac decens sit: tum uero si propius accesseris, omnia præ illius ueritate uilescere, nec satis natiuum splendorem habere uideantur. Quamobrē cum multa multis in partibus memoratu digna, aspectuque sint, nihil est ex omnibus hoc spectaculo pulchrius, nihil dignius. Quod igitur in omni re præcellentissima solet accidere, ut non facile sit exordium sumere, quā potissimum illius præstantiam recenseas, cum multa undique inter se quodam

dam modo de dignitate contendere, & dubitationem asserre non minimam uideantur. Id in hac urbe præclarissima exornanda, uel in primis mihi euenire sentio, ut quid prius, aut posterius expediam, non leuiter addubitem, & ingenij mei periculum haud ausim facere. Experiendum tamen est, & quicquid studio, & exercitatione dicendi consecutus sum, id omne in illius præconijs conferendum. At si parem uel eius magnitudini, uel meæ potius erga illam uoluntati eloquentiam præstare nequeam, nihil est quod deprecari, doleam uel. Nam & urbs eiusmodi est, ut ne à Cicerone eloquentiæ principe pro ipsius meritis satis dignè commendari possit: & uoluntas mea si minus laude, certè uenia his primitijs digna est. Aequum est enim pro tam urbe celeberrima, quam in patriam mihi elegi, pro ueritate uerba faciētem assensum promereri. Vnde igitur exordiar? an ut pictores solent? sic equidem existimo. Id erit quàm aptissimum dicendi initium. Pictores enim cum pulcherrimas imagines student effingere, primùm ideam quampiam excellentem ac uenustam mente concipiunt, quod conuenientissimum factio opus sit cogitantes, deinde stylo manus applicant, ac prius uerticem, & ut ita dicam, uultum coloribus liniunt: subinde notas in reliqua membra distinguunt. Idem nos cum præstantissimam urbem

urbem describere auemus, ab ipso ueluti capite sumemus exordium. Id autem quale erit, puto equidem si rerum publicarum administrationem recensuerimus. Cætera uerò quæ plerique magni existimant, templa, basilicas, porticus, theatra non pluris faciam, quàm si quis imaginibus illis, de quibus paulò antè dictum est, bullas, limbos, fimbrias aut huiusmodi decora censet addenda. Quippe ut propriori imagine utamur: sicut enim in homine ratio in primis suspicienda est, tum dignitas personæ, membrorumque æqualitas, sine qua pulchritudo esse non potest; sic uos ciuitatem, quæ optima futura sit auspicantes, principio Reipublicæ curam intueri oportebit: tum ciuium dignitatem, æquitatemque uiuendi, quæ membra sunt urbis: cætera quæ ad cultum pertinent haud multi putanda sunt. Vnde fit ut si qua urbs eximie munda, & pulchra sit, reliquis uerò destituatur bonis, non sit propterea huic de qua loquimur, æquiparanda. Sed ut unde sumpsit initium, referatur oratio, caput urbis & columnen Respub. est. Hæc quibus regatur legibus haud parum interest: leges autem & iura municipalia, quoniã à maioribus tradita sunt, haud ab re fuerit de urbis origine pauca præponere.

De origine urbis Mediolaniensis. CAP. XII.

Satis constat Ambigatum Celtarum regem
(ea pars Galliæ tertia habet ex descriptio-

ne Cæsaris) cū iam grandior natu regnum
 propagare cuperet, Belloueso ac Sicoueso so-
 ris filijs noua loca, nouasq; sedes eligere, ubi
 Dī augurijs dedissent, suasisse; assumptis re-
 gni uiribus, ne qua gens extera aduenientes
 finibus posset arcere. Ea gens populis abun-
 dabat; sedes antiquas destituere Bituriges, Ar-
 uerni, Senones, Cenomani, Carnutes, Boij, Au-
 lerci, Hedui. Tum Sicoueso forte Hercynij
 saltus obuenerunt, Belloueso autem Dī immor-
 tales felicius iter ostenderunt. Itaq; per Tauri-
 nos saltus Alpīs Iuliæ in Italiam cum Cenoma-
 nis, Lebuīs, qui in Gallia ulteriore Hedui aliās
 dicebantur, & Boijs irrupit. Fusisq; acie He-
 truscis non procul à Ticino & Nouaria Hetru-
 scorum pagus flumen traiecit; & cum in agrū,
 quem Insubriū uocari intellexisset, fortè per-
 uenisset omen secutus, quo itidem Heduatorum
 pagus uocaretur, urbem condidit, quam Me-
 diolanum appellauit; ab urbe eius nominis in
 Gallia ad littus Oceani, cuius meminit Strabo.
 Nostrā uerò hanc T. Liuius Prisco Tarquinio
 regnante conditam anno ante Romam à Gallis
 incensam ducentesimo, memoriæ prodidit. Ab
 ijs igitur maioribus hac urbs excellentissima
 sumpsit originem. Cæteras enim urbes aut pa-
 stores, ut Romam, aut profugi patrijs sedibus,
 ut Tarentum, & Venetias condidere. Hæc sola
 inuenta est, quæ non agrestes, aut obscuros con-
 ticescat

Mediolanū.

ticescat autores: uerum Dijs auspiciibus clarif-
 simam regum Celtarū stirpem, & bellaciū po-
 pulorum, quos non arma Alexandri Magni,
 non Romanorum deniq; si concordēs ~~animi~~
 Gallorū fuissent, subegere, prae se ferat/*Cætes Gallorum*
 rum ut id quod dicere instituiamus; prosequar *laus.*
 mur. Vtrum igitur Resp. unius consilio, atq;
 auctoritate, an pluriū arbitrio aptius regatur,
 sæpenumero quæsitū est. Siquidē Plato Athes-
 nienſis philosophorū omnium (ut inquit Cice-
 ro) princeps quadrifariam principatuum spe-
 cies distinguit; unam honorabilem, quā Græco
 nomine timocratiam appellat; aliam paucorū
 regentium oligatiam; tertiam dimocratiam,
 hoc est, populare regimen; quartam uerò ty-
 rannidem; quintam deinde his omnibus præ-
 stantiorē adiicit, aristocratiam. Verū cum
 ea non secus ac phœnix quingentesimo semel
 anno, uel potius nunquā extet, in præsentia
 omittatur. Et ad incepta redeamus. Nulla igitur
 regnandi species potior uisa est, q̃ timo-
 cratia: ea nempe est, quam apud Laconas, &
 Cretēses uiguisse Plato asserit. Cum uir quif-
 piam honoris, uictoriæq; auidus principatum
 capit, non ut cuipiam uiolentiā, aut necem
 inferat: sed ut ingenuē belligerando Remp. di-
 ligenter, & egregiē tuendo sibi laudem, patriæ
 uerò utilitatem pariat. Qualis apud Romanos
 L. Brutus, & multis ante nos seculis præstan-

Timocratia.
Oligantia
Dimocratia
Tyrannidis
Aristocratin

Timocratia

tissimi reges: ut Bellouesus, & Brenus huius
 inclytæ regionis propagatores extiterūt. Qui
 non tam opum acquisitione solliciti, quàm glo-
 riæ, & posteritatis memores, omnia post Rem-
 publicam habenda censuere: ut hac ætate Ca-
 rolus quintus Ro. Imperator semper inuictissi-
 mus, & felicissimus: qui anno ante hunc secun-
 do Tunetum totius Africæ urbem munitissi-
 mam aggredi non dubitauit: qua expugnata
 tantam gloriam affectus est, ut proximè nūc
 ad deos accedat. Ioannē etiā Galeaciū Viceco-
 mitē nominari scio uos intellexisse, cū q̃ In-
 subrum dux primus fuit, tum q̃ illi Virtutum
 comiti cognomen fuit. Ab hoc tāta in Remp.
 hanc merita extant, ut dies me prius, aut uox
 tametsi ferrea esset, deficeret, q̃ dicēdi materia.
 Verū ē multis, quò breuior fiam, unū subiiciā,
 quod eius principis magnanimitatem, prudē-
 tiā, fortitudinemq̃ posteris ostēdet. Gessit hic
 princeps bella q̃ plurima contra ualidissimas
 Italiæ urbes. Nec tamē quispiā repertus est, q̃
 cōsilio, potētia, opibus huiusce conatibus op-
 ponere, aut q̃ animo conceperat, quominus ut
 exequeret, ullo pacto querit obfistere. Nēpe cū
 aduersus Florētiam urbē bellū gereret, q̃ inter
 ceteras Italię opulētissima quodā modo ac prę-
 clara habebat: nec facili appareret eius uim ac
 potētiā breui posse prosternere, cū undiq̃ Ro-
 manorū, Venetorū, & finitimorū auxilio tuta
 esset

*Galeaciū comi-
 virtutū.*

Florētinos

esset, nec propinquas solum, sed exteras quoque nationes in bellum exciret, adeo uirtute, diligentia, labore urbem sagacissimam elusit, atque prostrauit, nunc armis imminendo, nunc pacem ostendendo, ut quæ multis seculis ferme toti Italiae par esse uidebatur, nec modicis preliis posse superari, intra breue tempus penè ad excidium deleretur: nec se amplius tueri, aut rem suam incolumè seruare, nisi sub Vicecomitis tutela & dignitate putaretur. Cæterum hæc uberius ab alijs tractantur, & nos suo loco nonnulla retulimus. Iccircò ad alia ijs ampliora me recipio, quæ non minus principum nostrorum magnanimitatem, quàm urbis Insubrum uim, potentiam, excellentiam declarant. Puto ego multos mortales satis mirari, unde huic ciuitati tantæ opes, tantæ copiae, tanta denique omnium rerum facultas sit, quemadmodum tot per annos, & nouissimè diebus nostris grauissima tot bella sustinuerit: quàm sæpe infestis hostibus & innumeris reluctata sit, & semper indefessa, ac ualidior emerferit. Quis enim non meritò his rebus tam præstantibus, & dignis admiretur? Sed hic omnis stupor apud eos est, qui urbis & opulentiam, & uires nesciunt, eius magnificentiam nunquam inspexerunt, auribus non facile credunt. Ut enim ab Aristotele positum est, si qui essent illustribus domicilijs sub terra habitâtes, cultis

*Mediolani opes
tantæ uim*

picturis, signisq; pulcherrimis, quibus beatorum
 domus ornari consueuere, nec unquam
 supra terram exiuisent, auditu autem & fama
 specimen, ac decorem omnium, quæ hic uisun-
 tur, percepissent: nec facile his, quæ referrètur,
 fidem adhiberent. Deinde aliquo tempore pa-
 tefactis sedibus, in hæc, quæ incolimus, loca
 emerisissent: cum repente cœlum, solemq; ui-
 dissent, tum terras, mariaq; patentia: præterea
 uolucrum copiam, ac ferarum, urbiumq; mul-
 titudinem, & ornatum conspexissent: profectò
 & earum rerum magnitudine obstupescerent,
 nec satis pulcherrima admiratione satiari pos-
 sent. Ita si quis fortasse est, qui aliarum urbium
 ornamento, aut amœnitate delinitus sit, huius
 autem excellentiam prorsus ignoret, aut ne-
 gligat: cum ad hanc tãdem accesserit, ac prius
 quidem multitudinem populi lætissimam, ur-
 bis frequẽtiã, pulchritudinemq; singularem
 inspexerit: tum eorum quæ ad uictum homi-
 num, cultumq; pertinent, copiam simul, præ-
 stantiamq; cognouerit, quot artes, quot inuen-
 ta, quanta in hac omnium ubertas, & decor sit,
 quot ditia & ornatissima templa, præclarissi-
 mæ regiæ, antiquissimæ familiæ, pulcherrimæ
 & delicatissimæ nurus, splēdidissimi iuuenes,
 nuditissimi equi, & insignia arma uideantur: po-
 stremodò totius urbis gratiam, nitoremq; perce-
 perit: nequaquã ab hac tam præclara bello, pa-
 ceq;

ceteris facinora edita fuisse mirabitur, quinimo
 multò maiora ab ea præstari potuisse; & ad
 orbis imperium adipiscendum idoneam potius
 esse censebit. At uos assuetudine quadam ocu-
 lorum imbuti, ut in alijs plerunque fit, mirari
 definitis. Hic autem stupor, hæc admiratio *ura*
 bem peruadenti ante oculos obijcitur. Cum
 uerò ciuitatem ipsam egressus sis, & singula
 diligentius contemplatus fueris, Dij boni quæ
 oppidorum frequentia; quibus plurimæ ex
 ciuitatibus Italiæ longè cederent; quarum no-
 mina propter scriptorum commendationem
 celeberrima sunt. Quæ omnino Apinæ, Tri-
 cæque erunt, si nostratibus oppidis cõparentur.
 Præterea quæ amœnitas; quæ demum delitiæ
 occurrent; quàm multa uideas, quàm præcla-
 ra, quàm magnifica. Non enim ut de niue scri-
 bit Homerus coelitus delapsam monteis occu-
 pare, & colles, iugaque montium, & culta pin-
 gula, sic hæc ædificia uniuersos circum colles
 & planiciem occupant. Verum omnes Italiæ
 urbes quasi quodam fato in unum locum con-
 uenisse uidebuntur. Quippe Galliæ Cisalpinæ
 oppida nequaquam cæteris æquāda sunt, quæ
 in alijs plerunque uidere regionibus contigit.
 Verum pro uicis ditissima hic oppida, pro
 oppidis opulentissimæ urbes adsunt. Quota
 etenim apud Cisalpinos Gallos uillula est, quæ
 non eius ferme oppidi magnitudinem æquet,

ut oppida.

Signia urbs.

ex quibus exornari solet Italia? Quam enim habet Hetruria præter Florentiam, & Senas urbem, quæ nostris oppidis uel magnitudinē æquet, aut ubertatem? Signia urbs est, ut scitis, ultra Romam, cuius Pontifex est Laurentius Grana uir literarum candore politissimus. Ea in urbe nec tonsor adest, nec medicus, imò nec qui calceos conficiat, aut caligas; igitur pro porticibus gestationes hic cernas, pro uiridarijs consita nemora, ac patentissimos terrarum situs cultos, quibus floridius nihil, nihil speciosius, iucundius nihil denique natura commenta uideatur. Iam uerò si cubicula, si triclinia cōsideres, quibus potissimum optimatum domus exornari solent, nihil est in urbe tam tersum, tam mundum, sic elegans, quod cum horum nitore, aut politia cōferri queat: ita omnia apta, distincta, ornata intueare. Quamobrem quācunq; in partem oculos admoueris, omnia natiuo decore nitescere, & quasi lætitiā quādam ex se uidentur effundere: tanta uillarum amœnitas, camporum beata fertilitas, nemorū, pratorumq; uiriditas undiq; refulget.

De situ urbis Mediolanienſis.

CAP. XIII.

SEd posteaquā dicendo hucusq; progressi sumus, aliquid & de situ urbis dicam, initium eius paulò altius repetendo. Enimuerò Mathematicorum dimensionibus satis constat omnem terræ ambitum quinque zonarū spatio

tio esse distinctum, quarum primā solis ardore succendi, spatiofioremq; cæteris aiunt esse: extremas frigoribus intentissimis inhabitatas, semper rigere autumāt. Inter has autem duas interiectas esse, ueluti medias: unā, quam nos incolimus sub axe Septentrionis sitam: alterā uerò ad austrum protendī, ante patres nostros non satis cognitā, nunc ita diutinis nauigationibus regis Lusitanorum oculis expositam, q̃ est hæc nobis citerior Gallia. Sed ut quæ mihi sunt nota, prosequar, Hæc ubi habitamus, licet à frigore, & calore media sit: non eadem ubiq; cœli tamen clementia, & æquitate fouetur: quippe regiones quæ tropico Cæcri sunt uiciniores, ut Parthia, Armenia, Libya, cæteræq; finitimæ propinquiore semper calore torrentur. Quæ uerò polis duobus sunt obnoxia, frigoribus rigent regiones: & quæ his uicinæ sunt, ut Germania, Albios, quæ nunc Britannia, Scotia, Thule, Dacia, Pannonia, Scythia, & quæ Riphæos montes gens habitat. Reliquæ quæ intermediae regiones uelut ab utraq; extremitate distantes temperatiore cœlo, salubrioreq; fruuntur. Cum igitur hæc Cisalpina Gallia in sexto climate, qui Diaborisithenes appellatur, cui Mercurium præesse aiunt, remota sit ab æquinoctiali per IIII. & XL, gradus ambabus partibus fouetur, hinc Boreali frigore, istinc Australi æstu. Igitur uelut regina montibus

clima. 6.

44. gr.

montibus circumsepta, & gemino fræto, Adria
scilicet, & Tyrrheno, ut amborum commodis
tatibus pro arbitrato gaudeat, incommoda
nulla percipiat. Ritè igitur Maro noster, de-
cus immortale Cisalpinæ Galliæ his uersibus
hunc tractum celebrauit:

Hic uer perpetuum, atq; alienis mensibus æstas

Bis grauidæ fruges: & pomis utilis arbor.

Situm nempe ciuitatis beatissimum reddit
aëris salubritas, glebæ pinguioris ubertas,
fontium, fluuiorumq; irriguitas, fructuū ferti-
litas, nemorum & pascuorum uiriditas, iumē-
torum & pecudum fœcunditas, quæ incolen-
tium nutrimentum non leuem præstant utili-
tatem. Hæc autem nostra regio huiusmodi fer-
tilitate adeò nobilis est, ut non modò superio-
rem inueniat, sed ne parem quidem: ea præfer-
tim quæ intra Sessitem; & Adduam cōtinetur.
Oppidis tam frequentibus, & pagis referta
est, ut ferè ad singula stadia diuersoria reperiā-
tur: præterea tam uberi solo est, ut populum,
quem copiosissimum habet, sine aliarum gen-
tium auxilio facilè nutriat. Tantus est autem
folius urbis Mediolanienfis populus, ut tota
Hetruria non tã numerosum habeat. Tãti aut
populi in causâ est fertilitas, fertilitatis aut hu-
mor, qui ex tot amnibus manat: toto præterea
solo aquarum uenis resudante. A superiore
siquidem parte, quæ Martesana à bellicis in-
colis

colis appellata est, Lario ab lacu Adduæ, & ab Alpibus alia fluenta decurrunt. Ab inferiori uerò Ticinus aquarum nitentium agmine rigat Insubriam, à Verbano caput exerens: amboq; diuersis itineribus Eridano infusi fluuiorum regi miscentur, eumq; ad mare comitantur. Non iniuria itaque ueteres Mediolanum inde appellatum putant, quòd inter amnes media, ueluti Mesopotamiæ regio, sita sit. Dico ergo hanc prouinciã præ cæteris salubriorem, & amœniorem esse: nec minus feracior solo præditam: tum his quæ ad humanum uitium pertinent, feliciorem haberi: summaq; dei prouidentia Mediolaniensium urbem in ea constitutam. Nec enim commodiore loco ea ciuitas nostra hæc metropolitana ciuitas, Orientis, & Occidentis emporiũ ædificari potuit: quæ totius orbis regimen esset habitura. Nempe ut arces præcipiti fossa undique præcingi, & in eminentiore quodam urbis loco condi consueuere, ut regentis sedem, & ipsius caput urbis præ se ferant: sic Mediolaniensium ciuitas altissimis septa fluminibus, altiore, & tutiore prouincia posita est, exindeq; uniuersas quasi inferiores urbes Italiæ, uelut ab altissima specula prospicit: ita ut Italiæ totius arx, imperij sedes, & reliquarum domina urbium merito appareat. Ab hac siquidem arma, ab hac equi, & quicquid bellici uspiam strepit, egreditur:

Mediolanum pr.

egreditur : Hæc sola est , quæ armatos Duces,
 lucidas equitum alas , peditumq; cateruas si-
 stit in acie . Vt enim si quis magnam lanificij,
 & mercenariorum copiam aliqua ex urbe cō-
 tinuò efferrî,hisq; & currus impleri , & naues
 stipari,ac mari & terra conuectari uideat faci-
 le,& eam urbem mercibus plenam , multosq;
 ibi lanarios , qualium copiam esse scimus. in
 Florentia,incolere : statim eum locum iudica-
 bimus esse mercatoribus refertissimum : Ita
 qui Duces,qui exercitus,qui arma,qui equos,
 qui currus,signa,uexilla,& reliquam belli su-
 pellectilem ex hac potissimum urbe prodire
 inspiciat , & toti Italiae formidinem incutere:
 non ne & armis , uirisq; refertam:& ad orbis
 imperium adipiscendum idoneam esse fatebis-
 tur? Siue enim multitudinem populi confide-
 res,nihil est in toto terrarum orbe frequētius:
 siue pulchritudinem,nihil ornatiùs,aut ditius.
 Si uerò quæ ad commoditatem uitæ pertinent
 putaris præferenda,quid est ex optimis,ac ne-
 cessarijs rebus , quod ab Insucribus meritò
 desideretur?

De opibus,& potentia Mediolanien-
 sium.

CAP. XIII.

AT si rerum gestarum mauis, Augustæ
 Baciænorum Comes illustrissime,patriæ
 tuæ gloriam contemplari : nullam inuenies,
 quæ bellorum magnitudine, ac diuturnitate
 latius

latius propagarit imperium, Hæc ueterum regum sedes, hæc imperij Romani firmamētum, hæc Italiæ tutela; hinc illa immensa effusa sunt agmina, quæ non solum Hetruriam uastarunt, Romanorum exercitus ad Alliam obtruncarunt, mox incensa Roma uniuersam Italiam peragrarunt; deinde Græcia depopulata, maiorem Asiæ partem ruinis, & incendijs consumpserunt. Florentiam autem Syllanæ fecit coloniam munditia uicorum, ædium lautitia non ipsi clarissimis monumentis insignem esse scimus; quæ quin uetusta, & perornata sit, non equidem inficias eo; uerum armis, uiris, opibus ac gestarum rerum gloria cum Medioloano conferendam nullo modo censeo; nec hac ætate urbem Romanam; ex qua si sacerdotes, qui ferè omnes alienigenæ sunt, eieceris, cultoribus uacua remanebit. Tua autem hæc patria eiusmodi est, ut accessione gentium non augeascat, & discessu haud minuatur. Sed quoniam de tam excellenti ac præstantissima urbe breuiter à nobis, & quasi cursim hucusq; pertractatum est; tandem, ut eximius inquit orator, aliò uela facienda sunt, & quid in quacq; re eius præstantia maximè eniteat latioribus paulò uerbis, & rationibus explicandū est. Iam enim de templorum ornatibus, ac regali sacrarum ædium splendore non ineptus differendi locus relinquetur. Vnde igitur dicere nūc exordiar?

aut quid in primis præponendum sit, haud facile intelligo. Velut enim si quis Helenā illam formosissimam eximijis laudibus ornare cupiat : prius ne nobilitatem generis expediet, quòd Ioue, & Læda genita sit; an pulchritudinem, quòd à Venere præ omnibus formosior sit habita; an uirtutem, quòd eleganter canere, & psallere docta fuerit : an ornatu corporis præstare contendat, quòd purpureis, auratisq; segmentis uti assueuerit : an leporem potius loquendi anteponat, quòd ex ore narrantis suauitate quadam allecti penderent homines? Hæc inquam si quis animo uoluet, quid conuenientius dictu sit, ignoret ad eximiam pulchritudinem uenustatemq; demonstrandam. Sic ipse cum optimam ac pulcherrimā urbem celebrare instituerim, quæ in omni uirtutis genere, laudisq; præstantia cæteras anteeat, unde potissimum exordiar, ignoro. Nam & ipsa uirtutum admiratio incertum me reddit, nec facilem deliberandi facultatem permittit. Ego tamen unde conuenientissimum, & aptissimum putabo, initium capessam. Primum igitur, ut de opum, ac facultatum copia dicere ordiamur, in quæis potissimum Reipu. status inniti solet. Vbi nam tu gentium urbem reperiās, quæ tanta uectigalium copia abundet? tot exercitus sumptibus suis alat? Memini à uiro audiuisse me quæstorio tot exactas ex hac urbe pe

be pecunias ad alēdum per Leuyana tempora exercitum, quot ferē tota Italia, Venetijs duntaxat exceptis, posset exigere. Ioāne præterea Galeacio imperante apud Insubres legi quinquies, & quadragies decies centena millia aureorum sine populi querela, & paruo admodum temporis spatio ab ijs exacta, qui tunc quæstores erant; huius tertiam totius summæ Mediolanum impendisse, cum præter Liguriæ populos omnes ferme Italiæ urbes, quæ ab Alpibus inter duo maria Illyrium, Flaminiamq; continentur, in eius potestate essent; in Hetruria Pisas, Senas, Perusium, Afsisium teneret, Bononiam possideret. At uerò quæ ferē aui nostri uidere, & in oculis ferē nepotū uersantur, non ne tamen incredibilia nobis apparent? unam hanc urbem tot per annos cum Venetis, Florentinisq; de imperio certantem duarum ualidissimarum ciuitatum adeò impetum sustinuisse, & adeò omnes earum conatus flocci fecisse, ut audaciam non solum reprimeret: uerū ad pacē ultro poscēda post longū ac difficile bellum impulerit. Hæc autem acta fuisse scire uos arbitror, eo tempore, quo Philippus Maria Vicecomes rerum potiebatur apud Insubres. Taceo Eccelinum Patauinorū tyrannum cum innumero exercitu à Mediolaniensibus iuxta Soncinum, quod oppidum est in ripis Lollij agri Cremonensis obtrunca-

tum : cuius cadauer eo in oppido sepultura donatum est. Venio ad nauales, terrestresq; copias: quibus felicissimo euentu sæpe cum Venetis & Florentinis decertauit, contra eorum opinionem: quod opinarentur Veneti Mediolanienses cum ipsis, qui inter aquas & nascuntur, & educantur ueluti pisces, congressuros nunquam. Obstupuit ea tempestate uniuersa Europa tam difficile bellum contra tot hostes terra, & aqua sine exteris auxilijs à Mediolanensibus administratum. Admirabantur exteræ nationes unde tantæ opes, tantæ copiæ, tanta denique rerum omnium facultas esset: quibus non dicam thesauris, sed auriferis foetamineris immensas ad tantum bellum, diutius numq; pecunias exponeret. Atq; hæc Mediolanensium ciuitas ex maximè redditibus effecit, nullis externis freta præsidijs, sed propria uirtute, & probitate confisa. Ex quo per examinationem ipsius præstantiam licet agnoscere, quæ per se bellum gerere, per se sumptus omnes perferre quiuerit: qua in re quid in primis extollendum sit, haud facile cognitu est. An potentiam prius admirentur homines, quod grauissimum, & periculosissimum bellum tot per annos enixissime pertulerit? an uirtutem, qd hostiles uires sæpenumero fregerit, atq; deleuerit? an opulentiã, quod proprijs sumptibus ingenteis aduersariorum opes funditus exhaurierit?

serit : Mihi quidem hæc omnia non mediocri laude uidentur commendanda . Sed ad maiora mea festinat oratio : & de opibus ac facultatibus abunde dictum est à nobis : de nobilitate deinceps restat differendum.

De nobilitate conditorum.

C A P. XV.

Q Vanquàm in hac parte nescio, an uirtutē contineri putem . Nam cum uirtus per se clara, & illustris sit, nec ullis imaginibus magnopere indigeat : ita qui maiorum suorum res gestas prædicant , ipsi uerò nullam in partem utiles sunt, uani potius, quàm generosi censerī solent. Vt sunt nunc Romani, qui tantum nunc possunt dicere, Fuimus Troes: cum choreis, uentri, & gulæ dediti, tantum idonei sunt statis quibusdam anni temporibus ad occidendos, ueluti lanij boues. Dij boni, quæ antiquitatis fragrantia: Quæ uirtutis experimēta : Quæ facinorū admiratio : occisos sex boues singulis annis à populo Romano, quis non monumētis tradet : Quod si quis horum igitur profapiam longè anteponat: plurisquē eorū dignitatē, Rēpublicamquē existimet , quod si cæteris nationibus olim imperitarint , mediusfidius uehementer errat: nec satis uerè nobilitatis uim, amplitudinemquē intelligit. Romanorū enim ueterū, quæ in nouis est prorsus extincta , excellentia adeò sua uirtute cognita est, atque perspecta, ut nullius laudibus egeat , quod dignior haberi possit , ac

præstātor. Si uerò cōditorū stirpē, claritatēq;
 recēseas, per obscura uidebitur eorū successio,
 uilis, abiecta. Nihili ergo hæc hæreditas existi-
 māda est. Non ne uirtute præclarū fieri, ac res
 bus gestis eminere præstiterit, nō autē tumosis
 stēmatibus, colonijsq; excellere? Traditū est in
 annalibus eorū, qui Punicū bellū secundū scri-
 pserūt, Placentiā coloniā deductā primo anno
 eius belli, in quam sex millia hominū deducta
 sunt. In his equites deducēdi fuit causā ut op-
 ponerētur Gallis Insubribus. Nūquis ppter ea
 ex Placētīnis ciuibus inuentus est, qui populi
 Ro. imperium iure hæreditario ad se uēdicet?
 Nū q totā Italiā tribus & quinquaginta colo-
 nijs putet immunē, ut uel nulla supesse credā-
 tur Romanæ pbitatis insignia; adeò uniuerſa
 in unū quodāmodo cōiuncta sunt, atq; cōfusa,
 uel si qua ætatē superare potuere, omnis Italia
 huiusmodi gloriā ad se dicat pertinere? Quod
 si maiorū dignitas, aut splēdor quæritur, quæ
 Bizātio nobilior colonia; quæ præclarior unq;
 fuit deducta; Hæc quippe Imperatores Ro. ita
 cōdidere, ut Imperij signa illo cōferrent, pſcrip-
 to totius Italiæ, dijs aduersus, à Cōstātino no-
 bilitatis & iuuetutis flore. Sed libet aliquātulū
 hīc immorari, & quærere, uter hīc populus ori-
 gine prior sit, atq; nobilior? ut subinde ex hu-
 iusmodi collatione uirtutis cæterarū rerū am-
 plitudo resplēdeat, Romanos Leonardus Are-
 tinus

norma.

colonijs i Italia

Bi Zantium

tinus Florētię urbis autores esse asserit; ipse ad
 Gallorū transalpinorū, aut ad bello inuictissim
 mos Germanos Mediolaniēsiū, & reliquorū
 intra Alpes & Apenninū refero. Qui populus
 ex ijs igit̃ sublimius ortū ducit? Clarissimos
 omniū regū & populorū Romanos esse Leo-
 narde p̃fiteris. Nō hoc nego; scio enim Roma
 nos tantū fuisse bellaces olim, & p̃clari, quātū
 hac ætate sunt imbelles, & inglorij. Verūtamen
 nulla ciuitas adeo bene morata, aut instituta; q̃
 malorū hoīum, ut ipse p̃fessus es, oīno careret.
 Itaq; si nō priuatim de singulis ciuibus, sed uni-
 uersā Rep. uerba fecisti, quota est à Po. Ro. de-
 ducta colonia, q̃ nō pari fiducia ac generosita-
 te polleat; ijsdē conditoribus originē suā acce-
 ptā referat; uicissimq; terrarū imperiū ad se uē-
 dicet; ac si qua fortasse inter eas aut similitudo,
 aut iniuria, ut plerunq; consueuit, cōtentio ex-
 orta est; nequaq; id bellum iustum, sed potius
 ciuile, atq; intestinum nominabitur. Maximē
 enim refert, an inter ciues, an eos qui à ciui-
 bus oriundi sunt, acie certet. Quid ergo nō ne
 Placentini cū Gallis Insuſubris & Germanis,
 Hispanisq; peditibus Florentinis armā in-
 tulissent, & sub Philippo Vicecomite in eosdē
 irruissent, nefarium gessisse bellum dicentur?
 Nec minus Florentini, cum ueteris colonię
 sedem reliquissent, cōditorum fidem subleſtam
 habuisse? At uerō si magis uirtute, aut opib;

Florētia n. R.

Placentin

*Florentin
superstitionem*

bus, aut rebus præclare gestis Resp. superbit: quo tempore Florentinorum gens à Romanis orta est, consideremus: Quod in regum successoribus obseruari aiunt, ut is regis filius rectè appelletur, qui regnante patre ortus sit: qui uerò antè uel postea nati sunt, hoc nomine indignos haberi censent. Attendite igitur Mediolanienses, & stirpem uestram recognoscite: tum uidebitis quâ tum cæteris gentibus præstetis origine: & quantum Florentinis à Romano populo ortum ducentibus gloria, & dignitate anteitis. Nunquid L. Sylla Rēp. Romanā ui & armis obsidēte Fesulana colonia deducta est? Nec mirum si inter se ita debacchētur, & in alios tyrannidem exercent, ubi facultas datur: quia à perditissimo tyrannorum Sylla origines deducunt: cur ita seditiosior ciuitas? quia à sicarijs & gladiatoribus orti maioribus: quos haud secus quàm iusti belli stipēdia emeritos in coloniam Sylla deduxit. Ab ijs illa sceleratorum manus duce Manlio sociam se L. Catilinæ furorī præstitit: & ab ijs Fesulana colonia deducta. Sæpenumero itaq; cogitanti mihi, quæ nam Florentinos ciues caussâ impulsit, ut pristina urbe destituta ad Arnū flumen potissimum incoherēt, nunquid amœnioris cœli, aut uberioris soli gratia pellecti sint nihil potius occurrebat, quàm uitanda eos loci ignominia sedem mutauisse. Quis enim huiusmodi

Fesulana colonia
man.

huiusmodi Syllanas reliquias, ac ueluti seruil-
lia quædam præsegmina non spernat, aut odes-
cit: Quãobrem minimè mirandum est, si Leonar-
dus homo & disertus, et elegãs, cùm Fabritios,
Coruncanos, Dentatos, Publicolas, Decios,
Romanæ urbis lumina referret, Syllã, Manliũ,
& Catilinã hoïes perditissimos, nequissimosq̃
sciens silentio inuoluerit. Norat enim quas cla-
des, quæ ludibria populo Romano, quantas
Florentino nomini, ac decori sceleratissimos
rum tyrannorum notas recordatio, ac memo-
ria indidisset. Satis nunc arbitror ex ijs quæ di-
ximus, persuasum esse, nec principatus gratia,
nec rerum, & situs excellentia, nec opum, aut
facultatum copia, aut nobilitate conditorum
Florentiam, uel aliam ex Italis urbem Medio-
lano non solùm præponendam; sed ne esse com-
parandam quidem.

De dignitate urbis Mediolanienſis. CAP. XVI.

SEquitur de dignitate aliquid in mediũ ad-
ducere, quod urbis huius præstantia maxi-
mè absolutior, & præclarior cunctis appareat.
Quamquam uereor, ne pluribus hæc nostra stu-
dia haud grata futura sint; qui me fortasse iam
exiſtimant aſſentando, atque indulgendo ina-
nem gloriam, & popularem famam quærere:
eamq̃ à nobis prouinciã iccirco ſuſceptam
eſſe, ut hinc fauor à Mediolanienſibus in me
aliquis eluceſcat. Non deerunt aliĩ, qui hoc

onus putabūt impar humeris meis. Fateor esse me ingenio hebeti, obtuso, & hac prouincia prorsus impari: uerū qua potero ratione his satisfaciam: & oratione longa non utar. Ego nempe etsi cupiam quā plurimis obsequi: usqueadeo tamen non ineptus sum, ut fauore multitudinis potius existimem, quā doctōrum autoritate id consequi posse. Ceterū cū prāstantiam tantæ urbis intuerer, eorumq; ingenia admirarer, maximè qui Florentiam præ cæteris Italiæ urbibus ad cœlū efferunt, eamq; industria, fide, humanitate, magnitudine animorum putāt præcellere: indolui profectò nostrorum uicem; quos nec patriæ charitas, nec honos, aut exercendi ingenij gratia ad scribendum posset allicere: quiq; facilius aliena reprehendere didicissent, quā ad laudem, & decus alicuius præclaræ rei uerba facere, itaq; professioni meæ debitum credidi, præsertim à uobis rogatus: si quam ipse in dicendo facultatem adeptus essem, eam potissimum in laudanda, & extollenda præstantissima urbe cōferre, & uelut pignus & testimonium quoddam pietatis & studij in Mediolanienses exponere: quod etiam nostros, si modò uerum fateri uolēt, non arbitror reprehensuros. Quid enim minus dignum? aut quid à bonis moribus alienius est, quā cum ipse nec patriam tueri, nec Rempublicam uerbis defendere, aut honorem ipsius

nec

nec officio, nec oratione tutari queas: aduersari
his, aut succensere, qui communē causam spon-
te susceperint. Omnes enim quibus pietas, re-
ligio, charitas odio est, huiusmodi res negli-
gunt. Qui uerò & boni, & liberalis haberi uo-
lunt, haud quaquā patiēter aliarum urbium
laudes suæ anteferrī non sustinent. Quamob-
rem desinant illi quidem, quicunq; hi sint, nos
insecuritatis, aut temeritatis exposcere, ac prius se-
ipsum leuitatis, stultitiæq; condemnēt: tantum
certē abest, ut huiusmodi homines multi exi-
stitem, ut eorum battologiam flocci faciam
potius, atq; contemnam. Verū his omīssis ad
pensum redeamus. De dignitate igitur, quæ
primas in omni Repub. partes habet, non ine-
pte à nobis hoc loco præfari posse arbitror:
præsertim cum huius ciuitatis gloriam, clari-
tatemq; contineat. Quid ergo? non ne præci-
puum, & quasi peculiare huius urbis, quam in
patriam mihi elegi, munus est, neminem Ro-
Imperio præfici solere, aut Caesaris nomine di-
gnū censeri, qui Mediolanienſi diademate non
antè præditus sit, & illustratus, & cōsueti im-
perij hic susceperit insignia? Præclarè id qui-
dem maioribus nostris indignū omnino uide-
batur, eam ciuitatem, quæ præ cæteris inge-
nio, prudentia, bellicarum rerum peritiā ma-
xime polleret, meritis laudibus carere: sed eam
potius ornandam, decorandamq; censuere. Itaq;
nulla

nulla cupiditate, nulla iactantia adducti, Mediolanienſibus id honoris nationes omnes detulere. Optimo itaq; conſilio, ac ſumma prudentia effectum uidetur, ut hic honos, qui in primis Romanis erat attributus, hæreditario quodam iure ad Inſubres transferretur. Sola enim hæc in tota Italia ciuitas Mediolanienſiſ eſt, quæ cum Romanis, exterisq; gentibus de imperio, de dignitate, de omni deniq; uirtutis laude certauerit: & ſi occaſio daretur, certare poſſet. Cuius rei euident ſignum eſt, quod omnes potiſſimum, qui Cæſaris nomen deinceps adepti ſunt, hinc primitias Ro. imperij, hinc regia inſignia, hinc primos & attollere (ut inquit poëta) faſces, & auſpicari conſueuere: nec immerito. Nempe ut is militiæ ornamentis haud dignus uidetur, qui prius arma & acies expertus non eſt, & quantus in hoc munere labor ſit, ignorat: ita qui potentiſſimæ urbis uires nescit, aut cum ea de fortitudine, ingenio, prudentia nullum habuit certamen, nequaquam orbis Imperator dici, aut Cæſaris titulo inſigniri promeretur. Non iniuria itaq; ab antiquis huic urbi ſecundæ Romæ nomen eſt inditum: qua gloria cæteræ urbes caruere. Mihi non ſolet uideri hac etiam de cauſa præſtantiam Mediolanienſi populo attributam, ut is eſſet, qui languentis imperij uires, & in aliū labentes orbem propria uirtute repararet:

nec

ſecunda Roma

nec antiqua & paterna dignitate Italicum nomen defraudari pateretur. Quæ enim ciuitas, si Mediolanum exceperis, arescente sensim Romanorum, quæ nunc conclamata est, uirtute, & languescente probitate, cum in dies nostra hæc urbs magis, & magis floresceret, tantam barbarorum illuionem, tot bellorum fulmina, tantos Germanicorum motuum fluctus perferre, & cohibere potuisset? Exemplum quidem publicæ calamitatis Fridericus ille Bauarus fuit: qui adeo dignitatem Mediolanensem extinguere molitus est, nulla alia (ut opinor) ratione, quam quod unicam suis conatibus obstare cognouisset: ut Italiæ dominatum, nisi perdita prius Mediolanensium Rep. adeptum se diffideret. Comparatis itaque ingentibus copiis, nec suarum modo, sed exterarum gentium fretus auxiliis, per Alpes irrupit: & sic in Mediolanenses furore æstuans, totus rapiebatur, ut uniuersæ Italiæ terrori esset. Dii immortales qui tum pavor non fuit: qui mulierum eiulatus: quæ senum, & puerorum lachrymæ? Huius ergo temerarijs ausis nequaquam Mediolanensis populus cedendum putauit, sed adeo prudenter, adeo uiriliter obstitit, ut non modo illius superbiam, audaciamque contemneret: uerum etiam post longum certamen ad interitum ferè illius innumeras copias affligeret. Sic omnis Italia huius nostræ urbis beneficio à
seruitu

seruitute libera extitit. Nolo diutius immorari, ac referre, quæ, & quanta hæc ciuitas, non antiquis modò temporibus, sed ætate nostra, pro tutela cōmunis libertatis perpeſſa ſit: per multa etenim ac præclara extant exempla, ex quibus Mediolaniensium uirtus & magnanimitas faciliſſimè perpendi poteſt. Viſque adeo autem hæc ciuitas cōtra æmulos Italici nominis potens inſurrexit: ut nihil antiquius unquam habuerit, quàm facultates, & ſanguinem pro libertate totius Italiæ hoſtibus exponere: & maniſeſtiſſima fidei ſuæ monumenta erga illos, qui piè, iuſteq; de imperio ſenſiſſent, declarare. Si qui ſecus auſi forent, eos quidem hoſtium numero cenſuit habendos. In qua re ſapienter illa certè uidetur ſenſiſſe. Nam qui ambitione, aut inſolentia ducti, ditiones, & tyrannides appetunt, & dum rem ſibi gratam conſequantur, ac inimicorum ſuorum acceptas ulciſcantur iniurias, nihil penſi de ſociorū fortunis, & ſalute habeant: hi proſectò omni fortuna indigni putari debent: ac pro uiribus ab eorū nefarijs conatibus arcēdi ſunt. Sed quorū ſum hæc tam multa? dicet ex uobis, quiſpiam. Nempe ut oſtēderem primū hanc urbē pro imperio, pro ſalute, & dignitate Italici nominis aperto ſemper Marte certāſſe. Mox hac gloria Florentinos caſſos eſſe & effoſtos. Nam ij, ut Galliam Ciſalpinā cum tota Liguria delerent,

reliq

reliquamq; Italiæ partem, quas artes non sunt experti: quas Germanorum cohortes non exciûere. Quis enim Gallorum Transalpinorum exercitus, ante Diuum Galeacium Vicecomitem, cui Virtutum cognomen fuit, in Italiam traxit sub auspicijs infortunatissimis Armeniaci Comitis? noua loca, nouasq; sedes, quas incolet, quærentis. Sed comprimam ipse me, quando nulla efficacior sit ad delenda iniuriarum tam ueterû quàm recentium uestigia antidotus obliuione. Commodum igitur ad alia stylum diuertemus, ac de rebus his uerba faciam, quæ aui fortasse nostri uidisse potuere. Et sanè tam multa, ac præcipua se ostentant, ut ignorem quæ potissimum Mediolaniensium laus sit anteponenda. Verum ut in reliquis à nobis pro temporis angustia factitatum est, ita nunc faciam.

De nauali pugna inter Venetos & Mediolanienses sub Cremona.

C A P. XVII.

GAlliæ Cifalpinæ condidere, sicut ego accepi, Cremonam Romani in Padi ripis: hâc Veneti summa ui oppugnare adorti, hinc terrestri exercitu, illinc ualidissimis nauigijs undiq; premabant. Dux Philippus apud Insubres rerum potiebatur, urbem bello & pace clarissimam liberare ab obsidione cupiens, classem opinione omnium celerius instruxit, quàm secundo Pado subductam in fronte hostium firma

firmavit. Et iam medium lucis spatiū sol peregerat, cū se profluente Eridano utraq; classis miro tormentorum tympanorumq; fragore appropinquabat. Interea Franciscus Sforzia, huius qui annis superioribus est mortuus, auus, Mediolanienſium ductor, certamen uelut detractaret, aliquantulum ſubſtitit: donec terreſtres copiae ſuperuenirent. Nocte uero iam appetente coactus Sforzia aduentu Venetae claiſis, quae aduerſo flumine uehebatur, aciem inſtruit: uiginti ex omni claſſe in fronte diſponit, duas in ſubſidijs alas, totidem nauium numero eſſe iuſſit. Haſ uiris pugnaciſſimis inſtructas uela facere imperat. Iamq; intra teliiactum conuenerant, & ſe quiſq; ad certamen praeparabat: cū ductor ipſe in omnium uultus oraq; cōſpicuus: Quod multis, inquit, uotis milites praetantiſſimi iam pridem expetiſtis, occaſionem fortuna attulit, ut uires, uirtutemq; ueſtram in Venetos, quos toties maiores ueſtri paruis copijs fuderunt, oſtendatis. Hic dies Inſubribus imperium, & libertatem aut ſtatuet, aut finiet: Vtraq; res in ueſtra ſita eſt manu: Recordemini obſecro quae maiores ueſtri terra, mariq; pro gloria, & libertate geſſerunt. Illi liquidem quoties Hetruſcos, quorum imperium latè per Italiam ab Anchona propagabatur, aperto Marte fuderunt? Caſo ad Aliam fluuium illi exercitu Romanis urbem

bem conflagrarunt. Illi Medoacos, illi Venetos acie trucidarunt. Nobis tamen res est diuersissima. Illi etenim pro imperio tantum, & gloria: nos autem pro uita, & libertate certamus: quod minus uos decet hostium numerosiores copias, & nauium magnitudinem extimescere. Nullum uobis cum Italis certamen esse putatote, apud quos rei militaris peritia, naualis belli plurimum pollet, aut cum Gallis Transalpinis, & Germanis, apud quos pro disciplina militari uires corporis firmissimæ adsunt: sed cum barbaris Phrygibus, & Paphlagonibus, Græcisq̃, quibus dici, uel fingi potest imbecillius nihil, res gerit̃. Quibus nullæ belli artes, animus ad fugam q̃ ad pugnam paratior semper fuit. Multitudinem innumerā, quibus longè nobis sunt superiores, quoties expertus ipse sum esse ad fugam quàm ad uictoriā, quæ semper posita est in uirtute paucorum propensiores. Nos autem illis militum audacia & uirtute præstamus. Dii quoq̃ pro iustiore sunt parte. Vtrò enim nulla Veneti laceßiti iniuria Cremonensium sociorum agrum, & Cenomanos populantur. Ite igitur alacres, ut ex hostibus non uictoriā solum, quæ iam parata est, sed spolia ditia referatis, & gloriam immortalem. Hæc breuiter effatus totis remis, uentisq̃ progredi cœpit. At parte ex altera Veneti ex omni classe, quæ quinq̃ & triginta numero

mero constitit, duodecim delectas naues in fronte statuere. Dux exercitus Nicolaus Triuisianus primus aciem regebat: reliquas uiri praestantissimi eius imperio parere iussi,uebantur. Has omnes inter se catenis uinxerant, haud dubie si maior uis ingrueret, uniuersam belli molem sponte subituri, postremas in duas acies, uelut alas posuere. Omnibus itaque ad praelium pro tempore instructis, uti inque signo dato concurritur. Remis undique collisus amnis resonat, acclamantium deinde uoces, machinarum stridor nauium inter se concurreritum fragor auras impleuerat. Primus omnium Insu-brum ductor in aduersam, classem magno impetu inuectus, non recta fronte, sed sinistro latere congreditur, remorumque ui, ac militum robore per medios hostes ueluti fulmen elapsus, caeteris iter aperit, seseque infra alueum tota acie constituit. Hic acre bellum oritur, captis iam aliquot ex Venetis nauibus: unamque ex his pugnae initio ualidius obstatem undis immergit: reliquas trepidatione & metu fluctuantes hinc a latere, hinc a fronte consecutus ex itinere sistit. Clausis igitur ab utraque parte hostilibus copiis, cum iam nox increbesceret, pugnamque differre placuisset, suos in primis firmat: robur denuo totius exercitus in fronte constituit: naues expeditas in lateribus locat, pro faucibus integros reponit, suos hortari, monere, bono animo

animo esse iubet, uictoriam dijs fauētibus par-
tam esse ostendit: & hostes, quibus cum iam pu-
deat pugnare, ueluti lepores in cubiculis de-
prehenso metu & desperatione torpere. Inter-
rim Veneti pugna diffusi naues potissimū bel-
licas in unum coniunxerant, ex tribusq; duas
acies effecerant. Nicolaus Triuisianus milites
affatus, quanto in periculo eorum ignauia res
deducta sit, admonet: ut decus amissum repa-
rare uelint hortatur. Viam edocet ferro, & uir-
tute ad Venetias aperiendam esse: & subsi-
dij deniq; spem nullam. De salute & libertate
certamen esse declarat, cum eis præsertim qui
nomini Veneto ab incunabulis, hostes sunt in-
sensissimi. Tali oratione animos suorum iam-
dudum metu & inertia desides ad certamen
excitare conabatur. Interea clarior dies illuxe-
rat, ita omnes ad certamen rediere. Tunc a-
crior ad pugnam impetus fuit occurrentium
inter se nauium; deniq; militum clamor ad cœ-
lum ferebatur. Nusquam horridior belli fa-
cies. Venetos salutis desperatio, Insu-
bre partæ iam uictoriæ gloria. Tandem per-
fracta belli acies prima est, quæ tribus milli-
bus, & ijs quidem bellicosissimis innixa fue-
rat: mox ad reliquam classem deuentum me-
dio in Pado arcem ueluti firmatam: hîc uario
Marte diu pugnatum est. Interea Franciscus
Sforcia quid optimum factu cunctatus esset,

duas cæteris eminentiores puppes, quas Galeaceas uocant, in mediam hostium aciem immittit. Haud aliâs acrius pugnatum est. Naues enim nauibus ita coniunctæ erant, ut uir uiro uelut in firmo positus pugnaret; & gladius gladium exciperet. Interim naues quæ in Insubrum subsidijs primas tuebantur, suorum cohortes circundare, saucios efferre, integros addere, hostes plerunque circumire, missilibus, telisque incessere cœperunt. Hacque ratione Venetæ classes, quæ in prima fronte constitutæ depugnabant, magna undique telorum mole obruebantur. Postremò Mediolaniensium non ferentes impetum, dirutis quibus hæserant uinculis, suæ quæque saluti consulentes fugam arripuere: pleræque tamen nautis, armamentisque disiectis, fluenti alueo immixtæ uagabantur: multæ ex itinere retentæ. Ex his quatuor ductorem protegentes, cum arenis inhæsisent, non sine magna utrinque strage superantur. Nicolaus postquam Venetos ab omni parte cedi conspicit, & nullam salutis spem superesse, honesta morte haudquaquam inferiorem fugam ratus per medias acies incognitus euasit. Veneta classis hinc inde debellata diripitur: captiui omnes in potestatem redacti sunt. Ex his qui barbari fuere in supplementum copiarum acciti undis obruti sunt. Venetis uelut armis depositis socijs uita concessa est. Sex ex classe
Veneta

Veneta rates tantum sunt Venetias delatæ: & sic Cremona obsidione liberata. Hæc habui, quæ, ut tibi Augustæ Baciendorum Comes Hippolyte Mayne obsequerer, dicerem: quod si tuæ uoluntati, & meæ existimationi minus est satisfactum, angustia temporis id omne precor adscribe, & uale.

V A L E T E.

QVERELA APOLO- GETICA.



PERSVADEBAM ipse mihi, ad maiorum nostrorum æmulationem, quorum uigilia si non extarent, pueri semper essemus, me quoque utilitatis aliquid in medium contulisse, & non huius ætatis hominum modò, sed & posteritatis gratiam mihi conciliasse: cum quod rem nouam, tum utilem mihi scribendam desumpsissem. Verum aliter euenire multò intelligo: & ita intelligo, ut laboris me pigeat mei. Pro gratia enim quæ ab ijs præsertim, qui me conuictijs insectantur, meritò debebatur mihi, Dñi boni quam inuidiam non excitaui? Quæ tragœdiæ non sunt

actæ: Vociferant alij pedestrem non obseruasse me numerum: optarent alij ad quascunque dictiones accentuationes, Nonnulli falsæ me historiæ hallucinatorem prædicant. Scripsere plures, literarum, quas ipsi bonas appellant, me prorsus expertem. Non defuere qui me grammaticum & frigidum, & ieiunum dicerent: nec posuisse me pedem extra septa Prisciani. Hæc ego æquo animo patiebar, quod legerim hanc ueterem alliciendæ ueritatis gratia, consuetudinem fuisse. Sic Platonem ab Aristotele, Zenonem à Carneade, à Lælio Varronem, à Sulpitio Casselium, & Hilarium ab diuo Hieronymo reprehensos esse: & hunc ab Augustino. Rursus ætate ferè nostra Angelum Politianum, Domitium Calderinum, Georgium Trapezuntium, & Galeotum Narniensem Georgius Merula acris uir ingenij notauit. Verùm cum apertas contumelias legissem, non potui non eorum infantiam contundere, ne quandoq; si hæc indiscussa, irrefutataq; relinquere, ansam eorum loquacitati largiorem præberem. Itaq; ne te longiore exordio distraham, rem ipsam adgrediar, si te & aduersarios istos prius orauero, ne putetis his maledixisse me, sed respondisse. Vaie. Mediolani Kalend. Iulij M. D. XXXVII.

Z O I L V S. Tanta nunc est hominum temeritas, ut audeant etiam illi, qui uix grammaticale

maticale opus Alexandri didicere, suas in lucem nugas edere: quorum turbam passim per Italiam, ambasque Gallias, & Germaniam in dies uidemus. M E R V L A. Tanta nunc est ingeniorum pueritas, & malivolentia, eorum potissimum quæ premit ignauia, ut nulla ratione sustineant, quod eruditorum ingenia perire. Z O I L V S. Oleum & operam Mæcula perdidisti in hac tua topographia, & historia. Illam enim plenior, atque elegantior rem habeo apud Ptolemæum, Strabonem, Plinium; hanc uero apud Titum Liuium, Sallustium, & Cornelium Tacitum. M E R V L A. Pudet me ferè hoc loco tibi respondere, utpote qui sic apertè deliras: dicam aliquid tamen, quò dementiam facilius agnoscas tuam. Dic obsecro hi ne historici, quæ posterioribus seculis sunt gesta scripsere? Enarrauitne Titus Liuius Caradinum Rubrobarbum & Turnetum Africæ urbem opulentissimam à Carolo quinto expugnatam? Aut Ludouicum Sforciam captiuum in Gallias deductum? uel Romam sub Clemente septimo à copijs Cæsaris prædæ expositam? Neapolim à Galis obsessam? Sabaudiensem ducem exulem? proditione à suis Alexandrum Medicem Florentiæ ducem obtruncatum? Mirum ni quæras tot exercitus Gallorum nostra ætate consumptos apud Sallustium, aut tot Helue-

tiorum copias in suburbijis Mediolani ferro contritas apud Tacitum? Hæc de historia dicta sufficiant. *I*uenio ad topographiam, quam huius Cisalpinæ Galliæ (nescio quo fato) auctores ferè intactam reliquere. Plinius siquidem uelut canis Niloticus maiorem partem dereliquit: idem facit & Strabo: Ptolemæum his aliquanto locupletiores esse non diffiteor. Multa tamen oppida celeberrima sublato ab humanis Ptolemæo, & urbes in lucem uenire, extinctæ sunt aliæ. Ne me putes tamen hæc dicere, quòd meos de hac Cisalpina Gallia libros commendem tibi, sed ut in maximo esse te errore cognoscas. *Z O I L V S*. Si Tulliani oratoris Merula per transennam saltem (quòd aiunt) libros inspexisset, numerosior ipsius fuisset oratio: uerum cum eos ne attigerit quidem, non mirum si uanida est ipsius oratio. *M E R V L A*. Quorum oratio numeris careat, non uideo: nam si dictiones pedes efficiunt, & numeros pedes, quorum tandem scripta numeris uacant? *Z O I L V S*. Triangularem cur sciuerit Merula Galliam esse Cisalpinam, non uideo, cum ab urbe Mediolani latum (quòd aiunt) unguem pedem nequidem extulerit unquam. *M E R V L A*. Quæ te Zoile demens agunt intemperiæ, ut hæc uerba sic inania deblaterare audeas? tu igitur Ptolemæo doctior es, qui omnium ferè

ferè plateas urbium circumforaneus pharma-
 copola perlustrasti. Adhæc tecum non sen-
 tit Ptolemæus Marinum arguens; cuius con-
 tentiones, quoniam impressæ sunt, ipse lege-
 ris. Z O I L. Laïos populos nusquam legi
 cum apud Strabonem, tum Ptol. Liuium, &
 Plinium: scio tamen generali nomine λαὸς po-
 pulos significare. M E R. Si hoc mihi non cre-
 dis, cur non Polybium legis? qui gentes illas,
 quas Ananes, & Salassos nominaui, ipse Laïos
 appellat. Z O I L. Vix risum continui, cum
 apud te legi Gallos fortitudine Romanis an-
 tecellere. M E R. Quòd dixerim Romanos
 esse robore corporis Gallis inferiores, ne mirū
 sit tibi; dixit hoc idem M. Cicero in oratione,
 quā habuit ad Aruspices, cuius hæc sunt uer-
 ba: Quàm uolumus P. C. licet ipsi nos ame-
 mus; tamen nec numero Hispanos, nec robore
 Gallos, nec calliditate Pœnos, nec artibus
 Græcos, nec denique hoc ipso huius gentis ac
 terræ domestico, natiuoq; sensu Italos ipsos ac
 Latinos, sed pietate, ac religione superauimus.
 Quòd si Ciceroni uelut huius regiōis studio-
 sissimo, & omnia trahēti ad utilitatem caussæ,
 standum minus est: audi ipsius aduersarium
 Crispū Sallustium in fine belli Iugurthinī. Per
 id tēpus, inquit, aduersum Gallos ab ducibus
 nostris Q. Scipione, & M. Manlio male pu-
 gnatum est; Quo metu Italia omnis cōtremue-

Laios

Laïos.

rat, Illiç & inde usque ad nostram memoriam
 Romam sic habuere; alia omnia uirtuti suæ
 prona esse; cum Gallis pro salute, non pro glo-
 ria certare. Z O I L. Pisaurum Merula inter-
 pretari debuisses à Pilis aurcis, hoc est, à præ-
 stantia Pisorum ibi nascentium. M E R. Hanc
 tuam opinionem credant aniculæ, uel aliquis
 (ut inquit ille) ludæus apella. Audi igitur
 Seruium Honoratum grammaticum in texto
 Aeneidos; Tum Camillus, inquit, dictator ab-
 sens est factus, cum diu esset apud Ardeam in
 exilio propter Veientanam prædam nō æquo
 iure diuisam; & Gallos iam abeuntes secutus
 est, quibus interemptis, aurum omne recepit,
 & ligna: quæ cum illic appendisset, ciuitati no-
 men dedit; nam Pisaurum dicitur, quod illic
 aurum pensatum est. Z O I L. Coctias Alpes
 Noricum attingere præter Alciatum ex Cas-
 roli Bouilli sententiâ, qui ait Gallos post euer-
 sam Romam per Alpes Coctias in Macedo-
 niam penetrasse, certissimum est. M E R. Sic
 attingunt Coctiæ Alpes Noricum, sicut Ve-
 sulius Indiam. Nodus omnis & difficultas (ut
 ipse putas) circa Cor. Tacitum, quem si sanè in-
 telligeres, ablata esset, uersatur. Cum Suetonio
 enim Ttranquillo memoriæ tradidit Tacitus
 Fabium Valētem itinerū uenditorem per Co-
 ctianas Alpes cum exercitu, & Cecinnā cum
 x x x, milibus armatorū per Penina iuga in
 Citer

Pisaurum.

Camillus

Pisaurum unum!

Coctias Alpes

Citeriorem Galliam contra Othonianos descendisse. Vellē nunc mihi dicerēs, qua ratione Valens potuisset coniungere se cum Cecinnæ copijs ad Ticinum urbem, si loca omnia præter Mediolanum, Nauariam, Vercellas, & Hipporhediam ab Othonianis firmo præsidio tenebantur. Præterea in Norico, ubi Coctias Alpes ponis, Petronius urbis præfectus, qui facile Vitellianos per eas partes irrumpentis reieciſſet, concitatis auxilijs, & dissolutis fluminum pontibus eum tractum occupauerat, Othonis sic studiosus, quàm qui maximè. In Dalmatia præterea, Pannonia, & Misia, quæ regiones sunt Norico proximæ, pro Othone exercitus erant. Quonam igitur itinere Valentis copię Ticinum peruenissent, si per Noricum iter faciendum fuisset? Sed nonne ego demens, qui in sole caliginem quæro? lege Plinium, & mecum senties, dicentem; Alpium incolæ Octodurenses, & finitimi Ceutrones, Coctianæ urbes, Caturiges, & Caturigibus orti Vageni, & Ligures, qui Montani uocant, Latio donati sunt. Qui non uidet hoc in loco, populorum qui uicini sunt, à Plinio recenseri, & Coctias Alpes non eas esse, ubi est Segusiū, uelut Carneades alter helleboro purgāus est. Sunt enim Octodurenses eius pagi inter Helueticos, qui nunc est Sanctus Mauricius, homines in ualle non magna sub Sedunensi episcopo

Octodurēsis pagus

scopo. Ceutrones proximi sunt Garocellis, & Caturigibus, non procul à Vocuntijs Nouaria conditoribus. Iacent autem Vocontij inter Conualles Graiarum Alpium, quæ nunc Cînesius appellantur: quibus iter est Geneuam, ad lacumq; Lemanû. Sed uideo hætenus esse à me confectum nihil, nisi pedem intra Coctias Alpes intuleris. Audi igitur Nazarium in Panegyrico ad Constantinum Impera. Differamus, inquit, parumper Italicas expeditiones, quibus Segusiensium ciuitatem, quæ superatis Alpibus Italiæ claustrum obijcit, cum ui & uirtute uelut ianuam fregisses. Quod autem Segusium Susa nunc sit ab Augusta Taurinorum stad. C L X. distans, apparet ex eiusdem Nazarij uerbis paulò infra cum inquit: Ecce iam apud Taurinos uenientem pugna grauior expectat, nec Segusiensium uastitas mouet. Hæc ille. Vides igitur aduētum Constantini ex ulteriore in Citeriorē Galliam, & primo à Segusio in Augustam Taurinorū, & illinc Mediolanum. Habēt autem Alpes Coctiæ miram latitudinem, & longitudinē: adeo ut à Bobio (si Georgium Merulam sequimur) Segusium usque pertineant, & à Citeriore in Vltiorem Galliam protendātur. Hæc functo uita Coctio in formam prouinciæ (ut autor est Suetonius) à Nerone sunt redactæ. Quod ad Citeriorem Galliam attineant, testes sunt

Anna

*Vocontij ubi
Graia Alpes.*

Susa. olim Segusium

Annales sacri : Comi siquidem legitur in uis-
 ta Diuarum Liberatæ, & Faustinae, quod erāt
 natæ patre Ioannate apud Curiam Genesinam
 inter Alpes Coctias habentem Padum flu. à
 Septentrione, à Meridie Alpes ipsas. Quò loci
 Mercatores in Italiam è Gallijs uia Claudia
 commeantes diuertebant. Quo situ constat
 hanc Curiam fuisse (ut ex hoc loco loquar)
 Traspadanā, & Apenninum habuisse à Meri-
 die, ubi appellantur Alpes Coctiæ. Falsò igitur
 Georgium Merulam criminatus est Al-
 ciatus. Præterea Diuus Ambrosius, non eccles-
 siæ Mediolanensi modò, sed & Liguriæ, Aæ-
 miliæ, Rhetiarum, & Coctiarum Alpium
 sacris præerat. Z O I L. Quòd Mediolanum
 caput Liguriæ sit, ut ab ipso Merula audiui,
 nusquam legi apud probatum aliquem auto-
 rem. M E R. Post inclinatum Ro. imperium
 multarum urbium, & populorū mutata sunt,
 & uariata nomina. Sicut quod quisque etiam
 doctus facile nō credat Cisalpem Galliam per
 eiusdem Ambrosij tempora, & Gotthis in Ita-
 lia postmodum regnantibus Liguriæ nomen
 habuisse, ut legitur in libello eiusdem super
 hac re edito. Diuus etiam Hieronymus Ver-
 cellarum urbem Ligusticam uocat. In Itinera-
 rio etiam Antonini legimus Mediolanum Li-
 guriæ caput uocari. Et Cassiodori extat epi-
 stola ad Gaudiosum Theodorici regis à secre-

tis,

*Curia Genesina**uia claudia**Mediolanum caput
Liguriæ**Vercellæ urbs
Ligustica
Mediolanum*

tis, ubi inter cæteras Comi laudes id appel-
 lat quendam quasi murum planæ Liguriæ,
 & munimen claustrale prouinciæ: ita erunt
 duæ, planam nos incolimus, montosam cæte-
 ri: ut Statyelles, & Gabienni Vesuli môtis ac-
 colæ. Nec te moueat Seruius in x 1. Aeneid.
 qui ait, Liguriam maiore ex parte sui in Apē-
 nino sitam esse. Z O I L. Coctias Alpes, & Iu-
 lias si diligentius & Alciatum, & Diuum Hie-
 ronymum Merula perlegisset, easdem esse di-
 xisset. M E R. Si Diuum Hieronymum rectè
 intelligeres, diuersas esse diceres à Coctijs Al-
 pibus Iulias. Lege igitur Latinum Pacatum
 ita dicentem: Quò fugiam? bellum ne tenta-
 bo? ut quem uiribus totis ferre non potui,
 parte sustineā? Alpes Coctias obserabo, quia
 Iuliæ profuerunt? Ex ijs uerbis qui non ui-
 det Coctias, & Iulias Alpes diuersas esse, ad
 magistros reiiciendus est. Verba Hieronymi
 aliud nihil uidentur innuere, quàm Vigilan-
 tium patria Hispanum per Adriaticū sinum
 in hanc Cisalpinā Galliā destituta Roma se cō-
 tulisse; & hinc per Coctias Alpes in Galliā ul-
 teriorem, & illinc mox in Hispanias aufugisse.
 Quo i loco miror Des. Erasmi, Coctias Alpes
 quasi Gotthicas interpretatū fuisse; tanq̃ Got-
 thi his Alpibus nomē indiderint. Z O I L. Fal-
 sò quoque Merula Venetos inter Cisalpinos
 Gallos recensuit, cum constet illos diuersum
 genus

ad hanc alpes et
 Iulias.

genus esse prorsus à Gallis. MER. Quodd Venetia ab autoribus in Cisalpina Gallia constituitur, testis est Scriuius in libro X. carmine illo, Sed non genus omnibus unum. Quia origo, inquit, Mantuanorum & à Tuscis uenit, & à Venetis; nam in Venetia posita est: quæ & Gallia Cisalpina dicitur. ZOIL. Vbi nam gentium sint Alpes summæ, quarum meminit Merula, nusquam, quod sciam, legi. MER. Credo ad hanc contentionem me à te irritatū, ut hac ratione docearis: si ob hanc rem ingeniosus fuisti, laudo ingenium tuū. Audi itaq; & disce, quæ nam sint Alpes summæ à C. Cæsare libro Commentariorum tertio: Cum in Italiam, inquit, proficisceretur Cæsar, Ser. Galbam cum legione XI I. & parte equitatus in Antuates, Veragros, Sedunosq; misit: qui à finibus Allobrogum, & lacu Lemano, & flumine Rhodano ad summas Alpes pertinent. Causa mittendi fuit, quod iter per Alpes, quo magno cum periculo, magnisq; portorijis mercatores ire consueuerāt, patefieri uolebat. Eas autem esse arbitror, quæ ab Peninis ad Leontiorum Alpes extenduntur. ZOIL. Dij boni cur sic Gallis Trāsalpinis inuidisti, ut eorum originē subticueris? MER. Eorum primordia dixisse me satis arbitror: horum autē, qui nunc Franci nominantur, quia origines ignoras, in hanc rem sedulus intendisti, ut illæ à me

Francorum origo. à me tibi declarentur. Accipe igitur quid de his apud probatos autores legerim. Francos

Salij. prius Salios fuisse appellatos. Am. Marcellinus est autor; quod etiam eorum leges arguunt,

Leges Salia. quæ Salia nominantur. Salios constituit Ptol. in Sarmatia uicinos Aorsis, Agathyrhis, & Alanis: qui ultra Riphæos sunt montes, à quibus Tanais oritur. Salij igitur sedibus egressi in Germanias penetrarunt: diuq; cum Germanis per tempora Valentiniani Impera. belligerarunt: uictores tandem adiunctis secum Arthuaris, & Turingis ad Rhenū defederē: breuiq; factum est, ut quicunq; Germani Romanum Imperium detractarent, Salij se sociarēt: unoq; nomine se Francos appellarēt. Horum opes deinde oppressa à Gotthis Italia adeò creuēre, ut transacto Rheno ulteriores Gallias occuparint, sedesq; in eis cōstituerint. A' quibus

Carolus Magnus. per longam seriem à Carolo illo cui ob res gestas Magno cognomen fuit, Francorū reges fluxere. Hic Longobardorum Desiderio rege capto apud Ticinum Regiam his dignitatem

Pipinus. sustulit, imperatoriam ipse assecutus est. Pipinus Imp. ex huius sanguine, qui Carolo Caluo successit, ut Italia regia Mediolanum diceretur, instituit, quod urbs hæc Citerioris Gallia metropolis semper extiterit: quodq; uelut arx, & specula totius Gallia Italia, & Germania habeatur. Pipini institutam & Cæ-

teri

teri secuti sunt. Nam & Bernardus cuius tu-
 mulus uisitur Mediolani in Ambrosiano tem-
 plo, hic rex salutaré uoluit, & ab Antiste Me-
 diolaniensi coronari. Dissidētibus inde inter se
 Ludouico Calui filio, & eius patruelibus, ex-
 tinctum est Francorum regnum in Italia. Loco
 quorum Berengarium Foroiuliensem ducem,
 Italiae regem Mediolanienses salutant, coro-
 nantq;: qui à regno sapius expulsus, id tamen
 Cisalpinis Gallis adiuuātibus semper inuasit:
 uix unum, atq; alterum reperiēs, in quem tot-
 ties fortuna luserit. ZOILVS. Deuissēs
 hoc loco cur Brigantia nunc dicatur, hic Oro-
 biorum tractus exponere: si polyhistoriam
 tuam ad unguem (quod aiunt) absolui cupies
 has. MERULA. Si ad singularum aut re-
 gionum, uel urbium interpretationem fuissē
 immoratus, diū boni finem hæc nostra quando
 inuenisset historia: quando extremam manum
 imposuissē. Verum, ut hac in re quoque sim
 de te benemeritus, accipe quid de Brigantia
 sentiam. Verbum est apud Græcos *Βεραντία*, id est
 extollo, quod hæc regio collibus elata sit, quasi
 Briantia: uel quod incola eius regionis sit for-
 tis uel agrestis *ἀπὸ τοῦ Βεραγῆ*. Quid aliās Bo-
 nauentura Castillionæus uir florentis ingenij
 de Brianteis collibus consultus, referat.

Berengarius

Brigantia.

dem referre, quæ aliquando audiuisse me meminisse, & apud quendam, etsi minus idoneum autorem legisse, qui tamen paulò post Rubrobarbi ætatem uixerit. Totum tractum illum inter Abduam & Mogunciacum uini feracem ab eius exercitu Germano montes Brigantia esse appellatum à similitudine collium, qui ad lacum Brigantium hodie Constantiensis circumiacent, uitis confertorum. In his enim collibus longo tempore Germani castra habuere, dum bellum à Rubrobarbo contra Mediolanienses gereretur. ZOILVS. Iuliarum Alpium ratio paulò diffusius fuisset exponenda: ne hac in tua lectione lector, Merula, cogatur hæsitare. MERVLA. Aliud à me nihil intelliges, quàm quod secundo libro legisisti. Quid de his Castillionæus sentiat, non grauabor adducere: Quamuis (inquit) scriptores conueniant Iulias Alpes eas esse, per quas ex Foroiulij transitur in Noricum, & adhuc tamen non satis constat an à Foroiulij, uel à Iulio Carnico nomen sumpserint, & an eodem nomine appellentur: in hoc omnes hærent. Sed cum haud dubium sit Ptolemæum Carnos, & Iulium Carnicum supra Concordiam, & Forumiulij locasse: ita credendum esset Iulias Alpes à Iulio Carnico nomenclaturam habuisse: & eas esse quibus à Tergesto iter est

his Alpes.

arimthia est in Charinthiam, quæ & Charnithia uocatur ab Carnio.

ab

ab eruditioribus ; & paulò ultra Pannoniam
uersus superiorem , quæ & Carneola dicitur.
Qui quidem mons à Pōponio Mela & Tau-
rus appellatur . Nomen adhuc in Norico &
Carinthia durat , hoc est, Taura, Angustissimi
in his sunt tramites , nulla curribus uia. Mi-
rum in plerisque horum montium locis , cum
paulò altius sol ad Cancrī tropicum perue-
nerit , in ipsis niuib. uermiculos quosdam
gigni, ueluti tineas . Quorum meminit Va-
dianus uir doctissimus in commentarijs suis
in Melam . Z O I L V S . Qua ratione Rhe-
tiam Italiæ portiunculam Merula dixerit, non
uideo ; cū sciant omnes Rhetos extra Ita-
liam esse, & Germanorum idiomate uti ; Gri-
sonesq; hac tēpestate nominari . M E R V L A .
Si in hoc sum deceptus, aliquantula uenia ab
alijs saltem condonabor, si mihi Zoile iniquus
arbiter extiteris; secutus enim sum Titum Li-
uium ; qui ait Tuscos duce Rheto in ijs locis
desedisse acie uictos à Bellouesso ; in Rheticis
prætereà Alpibus aliquando (uerbis utor Cas-
tillionæi) habitasse gentem Italicam ; Rhes-
tosq; lingua usos Italica illud argumento est,
quòd apud illos etiamnum Latinorum lin-
gua perdurat , tamen si prorsus nunc apud eos
extincta sit . Perseuerant tamen huiusce rei

*Carneola mō
qui & Taurus*

*Rhetis sunt Gri-
sones .*

*Magna uilla**Montiglum.**vicus martius**Martisana*

cum loca, quorum Latina hodie nomina leguntur: ueluti Rhetorum oppidulum Magauilla, quasi Magna uilla uocatum, & Vallis dulcis Valttdulc: & non longè ab his Monticulum quendam Montiglum uocant. Roschus etiam Quadratus multa uir experientia cum apud Rhetos nomine Francisci Sforciae esset, retulit inter illos uicum esse, cuius incolas idiomate Italico uti asserit. Quod originem à Tuscis duxerint, Iustinus quoque libro, ni fallor, uigesimo attestatur. Z O I L V S: Si autorem, Merula, mihi dederis idoneum, qui Vicomercatum Vicum Martis appellet, autor sum, ut me in pistrinum dedas. MERVLA. Nullum fateor habere me, qui hæc dicat autorem: Verum famam secutus sum perennem, quæ plerunque uim testimoniij habet. Deinde regio, cuius hic Vicus Martius caput est, Martisana dicitur, quasi quod eius tractus homines insani Martis desiderio ardeant. Eo in uico præterea cuiusdam Martij tumulus est, quem hic non grauabor annectere.

In Aede sancti Stephani in Vico Martio,
qui nunc Vicomercatus
appellatur.

HERC. INVIC
VOT. MARTIVS

LVSOR

LVSOR ALBVCIVS

L. D. D. D.

Quasi quòd hæc inscriptio ex Vico Martio eum esse demonstret. ZOILVS. Aequè desirantem Merulam si dixero, quòd fidem summat ex inscriptione saxorum, quis mihi uitio uortet? MERV. Omnes equidem, qui solidiores tuis nacti sunt literas. Non ne idem fecit T. Liuius? & eo prior Polybius? quoties enim illi ad columnam Liciniam, qua Annibal gestis continebantur, confugiunt, uelut ad sacram (quod aiunt) anchoram? Non ne Trāquillus inscriptioni aræ, quæ in Trewiris erat, fidem præstat? Quintus quoque Curtius Erythræi maris nomen de sepulchro quodam mutuari, quàm uulgatæ stare sententiæ mauult. Trebellius quinetiam Pollio Valerianum iuniorum Imperatorio diademate decoratū extitisse declarauit, non alia ratione ductus, quàm quòd eius tumulo, qui Mediolani ea tempestate uisebatur, Claudij iussu illud uidisset insculptum. Igitur si sic uetustissimi facitarent, cur me arguis? Quòd autem Taciti sit sententia (nunc eruditissimo Castillionæo respondeo) Danubium à monte Arboni (quod quidem Arnobi legendum esset) oriri prope Hercyniam syluam, uulgo syluæ nigrae nomen ser-

*Danubij ortus
hercynia. m.*

minerunt, ipse non inficias eo: imò ipsius ingenium laudo. Danubium scribit Alciatus ex præcipiti, & excelso montis Arbonæ iugo ortum habere: cum tamen ab ijs, quibus paulò compertiores sunt ortus ipsi, referatur ex molli, & clementer edito colle eum scaturire apud uiculus, quem Eschingiacum Danubij appellant: uulgo Duneschingen. Hæc habui uir ornatissime, quæ in defensionem contra nonnullos, qui uix inspecto opere ad maledicentiam prorupere, parauit, quorum dicta breuiter attigi, recte ne, an perperam ea diluta sint, tuum sit iudicium. Bene uale.

Mediolani

VIII.

CAL. IULII

M. D. XXXVII.

Duneschingen
viculus.

Belusij sunt galli. — x —
beraen — 76 —
basilia — 89 —
biberi qui? — 92 —
bercymin sylva. nunc 27
mgn sylva. — 229 —

incinus — 69 —
Iria flr. nunc scribita. 82
Iria nrb. op. Victorin. 83
Insabres qui? ¹³⁷ 89
Issenf laus. ali soburnus. 11
Iria flr. qui & scribita.
nunc Ratus — 120
Iulia alps, sunt castre. 222

et potius incinerat — 69 —	Mediolanum a qb codit. 32 —
Lacuum — 63 —	Megutian. est Medoet. 55
Lus pompia. — 64 —	Mantua — 71
Libarna. est Inisa — 81 —	Mintus — 71
Lacus Verbanus. est	Medocus flu. — 79
Lacus maior — 109 —	Mutina — 86
Lacus ortu — ii9 —	Meturus flu. — 93
Lacus Inianus — ii9 —	Marchia Anconitana. olim
Lacus Lirius	Picenum — 93
Lambros flu. nunc Umbro. ii9.	Merula flu. est Cora — 96
Lacus Saburnus / nunc	
Issens — ii9.	
Liquetia flu. nunc	
Liuentia. ii9. 120.	
Liminius flu. olim	
Alsa. 120 —	
Lambros flu. est Umbro	
— 119. 123 —	
Longobardi qui — 198. —	
Agel salio — 229 —	



Monaci portus — 97 —
Morgus flu. nunc Orchus. 109 —
Medocus flu. nunc Bacilio. 119 —
Murida flu. olim Arimin. 123
Mons asdrubalis: olim As-
asdrubalis nunc — 129
Magnavilla. olim Magnilla. 228
Montighium: olim Monticolum. 228
Martigama. olim Vicus
Martius. 228. 190.
Mediolanum liguriz apud. 229